


Ա. ՈՍԿԵՐՉՅԱՆ



ՎՈՎԿԱՍԻ
ՆԵՐՈՍԱԿԱՆ ԿԵՐՊԱՐԸ
ՈՒՐՍ
ԳՐԱԿԱՆՈՒԹՅԱՆ ՄԵԶ

ՀԱՅԳՐԱԿԱՆ ԿԵՆՏՐՈՆ

1946



ԱՐՏԱՆԵՍ ՈՍԿԵՐՉՅԱՆ

891.71.09

Ո-24

ՄՍՏԻԳՎԱՆ Է 1981 թ.

**ԿՈՎԿԱՍԻ ՀԵՐՈՍԵԿԱՆ ԿԵՐՊԱՐԸ
ՌՈՒՄ ԳՐԱԿԱՆՈՒԹՅԱՆ ՄԵՋ**

2624

2624
A



Հ Բ Յ Պ Ե Տ Շ Ր Ե Տ

Կ Ր Ե Վ Ա Ն

1946

А. ВОСКЕРЧЯН
Героический образ Кавказа
в русской литературе
(На армянском языке)
Армгиз, Ереван, 1946

«Муза Пушкина как бы освятила давно уж на деле существовавшее родство России с этим краем, купленной драгоценною кровью сынов ее и подвизами ее героев».

В. БЕЛИНСКИЙ

«Պուշկինի մուսան ասես սրբագործել է Ռուսաստանի վաղուց ի վեր գոյութիւն ունեցած հարազատութիւնն այդ երկրամասի հետ, որ նվաճված է նրա զավակների Թանկագին արյունով եւ նրա հերոսների սխրագործութիւններով»:

Վ. ԲԵԼԻՆՍԿԻ

ԲՈՎԱՆԴԱԿՈՒԹՅՈՒՆ

I.	Առաջարան	5
II.	Պատմական նախապայմաններ	8
III.	«Կովկասը ընդ ապրանքների պոետական հայրենիք»	11
IV.	Պուշկինը Կովկասի առաջին երգիչ	18
V.	Գրիբոեդովի կովկասյան մտախնայերը	27
VI.	Ռոմանտիկական Կովկաս (Մառլինսկոև և Պոլեժանի մասին)	32
VII.	Հերոսական Կովկասը Լերմոնտովի պոեզիայում	46
VIII.	Ռոմանտիզմի խորտակումը Լև Տոլստոյի մոտ	65
IX.	Անցյալի հերոսիկան Վ. Բրյուսովի պոեզիայում	80
X.	Մարսիմ Գորկին և ռևոլուցիոն Կովկասը	86
XI.	Կովկասը սովետական պոեզիայում	95
XII.	Ա մ փ ո փ ու մ	100

Պատ. խմբագիր՝ Ռ. ՀՈՎՀԱՆՆԻՍՅԱՆ

ՎՁ 12645, Պ. 470, Տիրաժ 3000, 6½ տպ. մ. հեղ. 1,75 մամ.

Ստորագրված է տպագրության 10/XII—46 թ.

ՀՍՍՌ Մինիստ. Սովետին կից Պոլիգ. և Հրատ. Վարչ. № 1 տպարան,
Երևան, 1946.

1942 թիվ. Կովկասը գտնվում էր հրի մեջ: Դաժան և նենգ թշնամին ներխուժել էր նրա նախալեռները: Ֆաշիստական դաժանն անմիջապես սպառնում էր Անդրկովկասի ազատասեր ժողովուրդների կյանքին. ֆաշիզմի սև ամպերը կախվել էին Կովկասի հպարտ լեռների վրա և նա դարձել էր գերմանական հափշտակիչների դեմ ուղղված սովետական ժողովուրդների Հայրենական մեծ պատերազմի կենտրոնական թատերաբեմերից մեկը, պատերազմ, որն ավարտվեց թշնամու վերջնական ջախջախմամբ:

Հարազատ Կովկասի համար մեծ առաջնորդի կոչով ոտքի էր կանգնել սովետական հզոր, երկիրը ռուս մեծ ժողովրդի գլխավորությամբ:

Կովկասի հերոսական պաշտպանությանը մասնակցում էին ոչ միայն Սովետական Միության ժողովուրդները՝ միաձուլված Ստալինյան բարեկամությամբ, այլև ռուս ժողովրդի մեծ գրականությունը, որի տրադիցիաների հիման վրա դաստիարակվել էին Կովկասի հազարավոր պաշտպանները: Այս մասին լավ է ասել շքանշանակիր կապիտան Լիշանկովը. «Ես բելոռուս եմ և Կովկասը գիտեի Պուշկինի, Լերմոնտովի, Տոլստոյի գրքերից, ես սիրեցի այդ ծաղկուն երկիրը, և Կովկասով ճանապարհորդելը եղել է իմ թանկագին երազանքը: Վերջապես իմ այդ երազանքն իրագործվեց—եթ Կովկասումն եմ, բայց ոչ որպես արկածներ փնտրող տու-

Ներկա աշխատության հիմքում ընկած է հեղինակի գեկուցումը՝ կարգազգիված Արմֆանի գիտական սեսիայում, 1942 թվի նոյեմբերին»

րիատ, այլ որպէս ռազմիկ, որը կոչված է կրծքով պաշտպանելու այդ չքնաղ երկիրը» («Կ. Բանակի մարտիկ», 1944 թ. սեպտեմբերի 26):

Ռուսական առաջավոր գրականութեան տրադիցիաների հիման վրա դաստիարակված, Կովկասի համար մղած մարտերի բազմաթիվ մասնակիցներ հանդես բերին հատուկ սեր և ջանք այդ պոետական երկրի պաշտպանութեան գործին: Եվ դա հասկանալի է:

Կովկասով հպարտացել է Ռուսաստանն անցյալում. նրանով հպարտանում է Սովետական մեծ Միությունը: Կովկասը մեր երկրի մարդարիտն է, նա թանկ է յուրաքանչյուր սովետական հայրենասերի սրտին: Այս առումով առանձնահատուկ հետաքրքրություն է ներկայացնում այդ երկրի գեղեցիկ բնությունն ու նրա ժողովուրդների կյանքի և հերոսական պայքարի այն վառ ու հուզիչ նկարագիրը, որ մարդկութեանը պարգևել է ռուսական անմահ գրականութեանը:

Պատահական չէ այն փաստը, որ Կովկասի պաշտպանութեանը նվիրված հոդվածներում մենք հաճախ ենք հանդիպում այն ուս գրողների անուններին, որոնք ոգեշնչված սիրով գովերգել են Կովկասը:

Միխայիլ Իվանովիչ Կալինինն իր հոդվածում, որը գրված էր Կովկասի համար մղվող ահեղ ճակատամարտի օրերին՝ հիշեց ուս մեծ պոետ Լերմոնտովի անունը: «Կովկասի ժողովուրդների վրա մահացու վտանգ է կախվել, — կարդում ենք այդ հոդվածում: — Կովկասի վրա, որին այնքան ոգեշնչված սիրով երգել է Լերմոնտովը, այժմ պտտվում են թշնամու ինքնաթիռները: Նրա լեռնազագագաթները, նրա կիրճերը, հովիտներն է ճգնում թափանցել թշնամին, անգութ ու անողոր թշնամին, նենգ ու ագահ թշնամին»:

Իսկ սովետական գրող Իլյա Էրենբուրգը, արձագանքելով Միխայիլ Իվանովիչ Կալինինին, իր հոդվածի մեջ («Հանուն Կովկասի») բացահայտեց այն հարցը, թե կովկասյան ժողովուրդների որ հատկություններն են գրավել

պոստ պոետներին, ոգեշնչել նրանց և թե ինչու ուստ պոետ-
ների կողմից այնքան գովերգված այդ երկիրը հարազատ է
Սովետական Միության բոլոր ժողովուրդներին, որոնք իրենց
զավակների արշան գնով պաշտպանում են Թերեկի մասյլ
ափերը:

«Պատահականութուն չի, — գրում է էրենբուրգը, — որ
ուսական պոեզիան, սկսած Պուշկինից ու Լերմոնտովից
մինչև Մայակովսկին, մինչև Տիխոնովն ու Պաստերնակը,
ոգեշնչում է գտել Կովկասի լեռներում: Նրա ձյունապատ
զազաթները հյուսիսի մարդկանց դյուրեկ են ոչ միայն իրենց
զեղեցկութամբ. Կովկասն ազատության վայր է եղել, հը-
պարտության երկիր, պատվի երկիր, այդպես էլ մնացել է
նա»:

Սովետական Միության հարազատ զավակները, ոգե-
շնչված իրենց նախնիների հերոսական անցյալով ու ազա-
տության վառ ձգտումներով, պանծալի Կարմիր Բանակի
շարքերում անմահ սխրագործություններ էին կատարում,
կրկնապատկելով հայրենիքի հինավուրց փառքը, և բարձր
պահում ազատության ու հաղթանակի սրբազան դրոշը,
Լենինի — Ստալինի դրոշը:

Ժողովուրդների ճակատագրի համար մղվող դաժան պայ-
քարի շրջանում, բնականաբար, մարդու հիշողության մեջ վե-
րականգնում են ուստ պոետների կողմից գովերգված ազատ
Կովկասի բնության գեղեցիկ տեսարանները և նրա խրոխտ
զավակների լեզենդար կերպարները: Մարդ ինքնաբերաբար
մտաբերում է Պուշկինի Կովկասին նվիրված ջերմաշունչ լի-
րիկական բանաստեղծությունները և վերհիշում է Լերմոն-
տովի ցասումնալից պոեզիայի մեջ սիրով կերտված հպարտ
ու անկախ կովկասցուն, որն ամենհի նժույզի վրա նստած՝
փայլեցնում է սրբազան վրեժի համար մերկացրած իր սուրը,
լսում է Մաքսիմ Գորկու և Մայակովսկու ռևոլուցիոն շնչով
համակված ոգևորիչ խոսքերը, որոնք մարտի են կոչում սո-
վետական հայրենասերներին հանուն Կովկասի, հանուն
ձեր մեծ հայրենիքի անկախության ու պատվի:

Ռուս գրականության ջերմ սերը և ոգեփոխող համակրանքը Կովկասի նկատմամբ, վերջինիս հերոսական կերպարի կերտումն ունի իր պատմությունը, դեպքերն ու դեմքերը, որոնց հետ ծանոթանալը հրամայական անհրաժեշտություն է խոր հետաքրքրություն ներկայացնող հարց է մեզ համար:

II

Ռուս հասարակայնության և մասնավորապես գրողների բուն հետաքրքրությունը Կովկասի նկատմամբ սերտ կերպով կապված էր այն դեպքերի ու ռազմական գործողությունների հետ, որոնք զարգանում էին Կովկասի լեռներում 19-րդ դարի սկզբներից սկսած: Պատերազմական գործողությունների նպատակն էր այդ երկիրը իր բազմադո ժողովուրդներով միացնել ռուսական կայսրությանը: Կովկասի նվաճումը և այն ռուսական կայսրության անբաժանելի մասը դարձնելու քաղաքականությունը, սակայն, հեշտ ու խաղաղ չլուծվեց, հարկ եղավ գործադրել բռնություն, որ աչքի էր ընկնում իր խստություններ: Նիկոլայի ռեակցիոն կառավարությունից ռազմական ուժի մեծ ջանքեր պահանջեց անհնազանդ լեռնականներին «հնազանդեցնելու», նրանց կամքը, համառությունն ընկճելու համար, լեռնականներ, որոնք իրենց տաղանդավոր զորավարի՝ Շամիլի գլխավորությամբ երկար ժամանակ կազմակերպված ու ակտիվ դիմադրություն էին ցույց տալիս ցարական զորքերին, արժանանալով Մարքսի և Էնգելսի հավանությանը, հիացմունքին: «Ժողովուրդներ, — դիմում էր Մարքսը ճնշված երկրների աշխատավորներին, — սովորեցեք նրանցից (չերկեզներից), թե ինչի են ընդունակ մարդիկ, որոնք ցանկանում են ազատ ապրել»:

Չնայած Կովկասի բռնի նվաճման բոլոր բացասական կողմերին, ցարական ռեակցիոն կառավարության գործադրած դաժանություններին ու խստություններին, այնուամենայնիվ Կովկասի միացումը ռուսական կայսրությանը՝ այդ

ժողովուրդների համար ունեցավ պատմական և օրեկտիվորեն դրական ու առաջադիմական նշանակություն: Դրական ու առաջադիմական այն իմաստով, որ Կովկասի ժողովուրդները հնարավորություն ստացան հաղորդակից դառնալ ռուսական հզոր կուլտուրային և նրա միջոցով հվրոպական լուսավորությանը և ներգրավեցին ժողովուրդների այն համատեղ պայքարի մեջ, որն ավարտվեց ցարական միասնպետության ու կապիտալիզմի լիակատար ոչնչացմամբ՝ մեր երկրում:

Արևելքի փոքր ազգերի կուլտուրական առաջադիմության ու քաղաքակրթության գործում՝ ռուսական պետականության բարերար ազդեցության ու դրական դերի մասին իր ժամանակին (1851 թ.) գրել է Ֆրիդրիխ Էնգելսը Կարլ Մարքսին հասցեագրած մի նամակում. «Ռուսաստանն, ընդհակառակը արևելքի վերաբերմամբ նա իրոք առաջադիմական է եղել,— կարդում ենք Էնգելսի մոտ:—Ռուսական իշխանությունը... քաղաքակրթող դեր է կատարել Սև և Կասպիական ծովերի նկատմամբ, Կենտրոնական Ասիայի, բաշկիրների և թաթարների նկատմամբ: Ռուսաստանն ավելի մեծ շահով կրթական և մանավանդ արդյունաբերական տարր է ընդունել իր մեջ, քան Լեհաստանը, որն իր էությունամբ ասպետական պորտաբույծ բնույթ է կրում» (Մարքս և Էնգելս— Հատընտիր նամակներ, Երևան, հատոր 1-ին, էջ 68): Այս խոսքերը ամբողջությամբ կարող են վերաբերվել և վերաբերում են Կովկասին, նրա նվաճմանը: Դա մի ճշմարտություն էր, որ կռահեցին կովկասյան ժողովուրդների առաջավոր ներկայացուցիչները դեռևս 19-րդ դարի առաջին տասնամյակներին: Բավական է հիշել վրայական հանճարեղ բանաստեղծ Նիկալայ Բարաթշավիլու, հայ մեծ լուսավորիչ Խաչատուր Աբովյանի, Ադրբեջանի ականավոր գրող ու մրտածող Միրզա Ֆատալի Ախունդովի և կամ օսեթական ժողովրդի տաղանդավոր երգիչ Կոստա Խետագուրովի անունները՝ այդ բանում համոզվելու համար: Նրանք, ինչպես և նրանց հաջորդող առաջավոր սերունդները, հասկացան, որ

Ռուսաստանին միանալը, վերջին հաշվով, փրկություն է և ռուսական կուլտուրայի ու եվրոպական լուսավորության հետ մերվելը առաջադիմական երևույթ և դրա համար էլ ամբողջ հոգով ողջունեցին այն: Կովկասյան ժողովուրդների լավագույն զավակները ցարական միապետութունը չէին նույնացնում ռուս ժողովրդի և նրա ստեղծած մեծ կուլտուրայի հետ: Նրանք շատ լավ գիտակցում էին այն խոր տարբերությունը, որ գոյութուն ունեւր Նիկոլայ Թագավորի և ռուս պոետ Պուշկինի միջև, տարբերություն, որն իր արտահայտությունն էր գտնում դեպի փոքր ժողովուրդներն ունեցած նրանց վերաբերմունքի մեջ:

Յարական Ռուսաստանը ժողովուրդների բանա էր: Բայց նա բանա էր և ռուս ժողովրդի համար: Ծորտատիրական, բյուրոկրատական սեպկցիոն սեփմի արճիճե ծանրության տակ տնքում էին ոչ միայն փոքր ազգերը, այլև ինքը՝ ռուս մեծ ժողովուրդը: Նա լուսավոր ուղի էր փնտում ցարական ոստիկանական խավարից ազատ, անկաշկանդ աշխարհ դուրս գալու համար, և այն գտավ լինինիզմի մեջ: Փոքր ազգերի լավագույն զավակները ռուսական առաջադեմ ու ուղուցիոն կուլտուրայի մեջ էին որոնում իրենց ազգի փրկության, ազգային վերածնունդի, ազատ ու երջանիկ կյանքի նախադրյալները: Լիրիկական ջերմությամբ իր ժողովրդի դառն ու ճնշված վիճակը երգելով՝ օսեթական պոետ Խեթագուրովը, օրինակ, Պյատիգորսկում Լերմոնտովի հուշարձանի բացման առթիվ գրած բանաստեղծության մեջ, դիմելով իր հայրենիքին ասում էր.—

Յնժա՛ այժմ, ի՛մ հայրենիք թանկագին,
Ու դարավոր աղետները մոռացիր:
Թո՛ղ սավառնի՛ խորախորհուրդ քո հոգին,
Ազատության գուշակն է սա հրածին:

Աիրի՛ր նրան, ինչպես պոետն աքսորված
Վա՛ն սիրում էր քո ժաշուները մթադին:
Այցի՛ արի ու ողջունի՛ր դու սրտանց
Խեղ ցասումի, ինտրիգների այս զոհին:

Օսեթական մեծ բանաստեղծի այս վերաբերմունքը՝ ռուսական կուլտուրայի մեջ ազատութեան գրավական տեսնելը՝ եզակի երևույթ չէր և ոչ էլ պատահականութիւն: Դա կովկասյան ժողովուրդների մեջ իշխող տրամադրութիւնների բնորոշ արտահայտութիւն էր, տրամադրութիւններ, որոնք մեզ, հայերիս շատ լավ հայտնի և հարազատ են մեր գրականութեան ու հասարակական զարգացման պատմութիւնից:

Դեպի ռուսական կուլտուրան ունեցած այդ վերաբերմունքն ըմբռնում և շատ բարձր էին դնահատում ռուս գրողները, որոնք դեպքերի բերումով եղել են Կովկասում, շփվել են տեղի ժողովուրդների և նրանց ներկայացուցիչների հետ: Ռուս գրականութեան ականավոր ներկայացուցիչների ու կովկասյան ժողովուրդների լավագույն զավակների միջև տարիների ընթացքում ստեղծվել է սերտ բարեկամական հարաբերութիւններ՝ շահերի փոխադարձ ըմբռնման ու ազգային արժանապատւութեան հարգելու հողի վրա: Այդ հարաբերութիւններն իր հերթին ռուս մեծ ժողովրդի և կովկասյան բազմազգ ժողովուրդների փոխադարձ հարգանքի ու համակրանքի անդրադարձումն է հանդիսացել: Ռուս նշանավոր գրողները հեռու են եղել ի հաճույս իշխող դասակարգերի հրահրվող ազգային անտագոնիզմից և, մերժելով այդ վերաբերմունքը, հանդես են եկել ժողովուրդների բարեկամութեան ու եղբայրութեան շեղմ պաշտպան: Այդ մասին են խոսում Կովկասին նվիրված նրանց անմահ ստեղծագործութիւնները:

III

Կովկասը, նրա բնութեան կախարդական դեղեցկութիւնը, ժողովուրդների արտասովոր կյանքն ու բարքերը գրավել են Կովկաս այցելած ռուս գրողներին, կաշկանդել են նրանց սրտերը և ստեղծագործական օգևորութեամբ ներշնչել: Իսկ Կովկասում ապրած կամ Կովկաս այցելած գրողները

ըր մեծ թիվ են կազմում: Ով չի հիշում նրանց անունները. Պուշկին և Լերմոնտով, Գրիբոեդով և Դենիս Դավիդով, Մալինսկի և Պուլեժակ, Սդոևսկի և Կյուլսելբեկեր, Նարեժնի և Պոլոնսկի, Տոլստոյ և Բրյուսով, Գորկի և Մայակովսկի,— հարելի է այս ցուցակը շարունակել,— եկել ու անցել են հովկասյան լեռներով, վայելել են նրա գեղեցկութունները: Այդ գրողների զգալի մասը աքսորված էր Կովկաս քաղաքական անվստահության համար, իսկ մի մասը կամ պաշտոնական ծառայությամբ էր կապված Կովկասին, կամ բախտի բերումով էր այցելել նրան: Եվ ուս գրողներից նա, ով ապրել է Կովկասում,— լինի դա քաղաքական աքսորական, թե պաշտոնական ծառայող,— ճանապարհորդել է նրա լեռների նեղ կածաններով, շնչել է ձյունապատ բարձունքներից արշավող թարմ օդը, խմել է սառնորակ աղբյուրների կենարար ջուրը, արժանացել է սևաշյա կովկասուհու ջերմ հյուրասիրությանը, դիտել է լեռնականի անօրինակ շիգիտությունը և լսել կամ տեսել է նրա վրեժի ցասումնալից պոռթկումը,— նա, երբեք չի կարող մոռանալ Կովկասը: Այդ «առասպելական» երկիրը խոր ու անշնչելի տպավորություն է թողել իրեն այցելած օտարերկրացու, առավել ևս պոետների վրա: Բայց նրանց վերաբերմունքը դեպի այդ երկիրը միատեսակ չի եղել: Խոր տարբերություն կա գրողների մոտեցման միջև: Այդ տարբերությունն, անշուշտ, պայմանավորված է պատմական ժամանակաշրջանով ու հեղինակների աշխարհայայացքով, և դա հասկանալի է: Պուշկինի և Լերմոնտովի Կովկասը նման չէ և չէր կարող նման լինել Լև Տոլստոյի կերտած Կովկասին, և ոչ էլ վերջինիս Կովկասը նման է Գորկու և ռովետական պոետների պատկերած Կովկասին: Տարբերությունը մոտեցումների մեջ հսկայական է: Կովկասի կերպարը ենթարկվել է էվոլյուցիայի, նա տարբեր գույներով է հանդես եկել տարբեր էպոխաներում և տարբեր գրողների մոտ: Բայց նրա հիմնական հատկանիշը՝ հերոսականությունն ու ազատասիրությունն ընդունվել է բոլորի կողմից,

Յեկ եղել են գրողներ, որոնք պաշտոնական իդեոլոգիայի արտահայտիչը լինելով, չեն համակրել այդ գծերը:

Անցյալ դարի 20—30-ական թվականներին, երբ ռուս գրականության մեջ իշխում էր ռոմանտիզմը, Կովկասն իր հոյակապ պատկերներով ու հպարտ կերպարներով խորապես ներդաշնակեց այդ տրամադրությանը և առատ նյութ հանդիսացավ նրա համար: Ռուս ռոմանտիկները իդեալականացնելով լեռնականների «վայրենի ազատութունը» և հերոսական բնավորությունները, գիտակցորեն, իսկ ոմանք էլ անգիտակցորեն, հակադրվում էին ցարիզմի բռնի նվաճողական քաղաքականությանը: Այս մասին հետաքրքիր դիտողություն է անում ակադեմիկ Նիկալայ Յակովլևիչ Մառը՝ «Կրաց ազգային հանճարը» հոդվածում: «Քանի դեռ տեղի էր ունենում Ռուսաստանի արյունոտ պայքարը Կովկասի մուսուլմանական լեռնային ժողովուրդների դեմ, — սասում է Մառը, — ռուս գրողները մրցում էին արևմտյան եվրոպացիների հետ՝ կովկասյան աշխարհի ռոմանտիկական ըմբռնման ասպարիզում: Դա այն ժամանակ էր, երբ մի կողմից «երազուն անգլիացիներն ու լեհերը իրենց ուժերը նվիրում էին գովերգելու այն անհույս պայքարը», որ լեռնյի ցեղերը մղում էին «հյուսիսային հսկայի» դեմ, մյուս կողմից Պուշկինի, Մառլինսկու և Լերմոնտովի երկերը կարողացել էին Կովկասը և նրա բնակիչներին պատկերացնել ամենահրապուրիչ պոետական կոլորիտով...»:

Հետագա շրջանում, 40—50-ական թվականներին և հետո, երբ գրականության մեջ իշխող դիրք է գրավում ռեալիզմը, Կովկասի շահագանցած և փառահեղ պատկերումը կորցնում է իր նշանակությունը: Կյանքը այլ պահանջներ է առաջադրում: Բարձրացող ռազմոչինեց դեմոկրատական ինտելիգենցիան չի սահմանափակվում առաջին ռոմանտիկներին, դեպի լեռնականներն ունեցած անկեղծ, բայց պասիվ համակրանքով: Մերժելով ցարիզմի բռնի քաղաքականությունը, որը քողարկվում էր «վայրենի ցեղերին» քաղաքակրթելու և լուսավորելու դիմակով, դեմոկրատական ռեալու-

ցիոն ինտելիգենցիան պայքարի էր կոչում ժողովուրդներին՝ ցարական-ճորտատիրական բռնակալության դեմ: Այս տեսակետից բնորոշ է Ուկրաինայի մեծ պոետ Տարաս Շեվչենկոյի օրինակը, նրա պոեզիայի մեջ խոր արձագանք է գտել կովկասյան ժողովուրդների պայքարն իրենց ազատութեան ու անկախութեան համար: «Կովկաս» սքանչելի մարտաշունչ բանաստեղծությամբ Շեվչենկոն ողջունում է կովկասյան ժողովուրդների այդ պայքարը և ոգեշնչված բացականչում. —

Փառք նաև ձեզ կապույտ լեռներ՝

Սառույցներով պատած.

Նույնպես և ձեզ, մեծ ասպետներ.

Պայքարեցեք, հաղթանակեք

Հանուն ժողովրդի փառքի,

Չեզ հետ է ուժը, ձեզ հետ է ճշմարտությունը,

Եվ ազատությունը վես:

Այսպիսի բարեկամական ու մարտական կոչով դիմեց մեծ Կորզարը Կովկասի ժողովուրդներին և այդ կոչը թանկ նստեց բանաստեղծի վրա, դառնալով նրա արքայի գլխավոր շարժառիթներից մեկը: Շեվչենկոյի վերաբերմունքը կրկին անգամ ցույց է տալիս ու հաստատում այն ճշմարտությունը, որ Կովկասը տարբեր շրջաններում և տարբեր գրողների մոտ տարբեր գույներով է փայլել և այլ լույսով լուսավորվել: Բայց հիմնականը և գերակշռողը՝ ուստի գրականության մեջ, եղել է խոր սերն ու համակրանքը դեպի այդ երկիրը և նրա ժողովուրդների կյանքն ու պայքարը:

Կովկասը բանաստեղծական երկիր է, ոչ միայն բնության հրաշալիքներով, այլ և ժողովուրդների հոգու հարբստությամբ, ուժեղ բնավորություններով, ռազմատենչ ոգով և պոետական հուզիչ ստեղծագործություններով: Կովկասի խստադեմ լեռներին այցելությանն զնացած բոլոր ականավոր գրողները կարծես միաբերան այդ են վկայում:

«Երկու ամիս ես ապրեցի Կովկասում, — գրում է Պուշ-

կինը եղբորը Լևին՝ Կովկաս կատարած առաջին այցելու-
թյան անմիջական տպավորութեան տակ... Յավում եմ, բա-
րեկամս, որ դու ինձ հետ միասին շտեմար կովկասյան լեռ-
ների հիանալի շղթան, նրանց սառցապատ գագաթները, ո-
րոնք հեռվից, պայծառ արշալույսին թվում են տարօրինակ
ամպեր, բազմագույն ու անշարժ... Կովկասյան երկրամասը
որն Ասիայի տոթ սահմանն է, ուշագրավ է բոլոր կողմե-
րով»:

«Կովկասը... հարուստ է պոետի և ումանտիկի համար
հետաքրքիր առարկաներով» — գրում է Մաուլինսկին՝ իր մի
նամակում: Իսկ Լեյմոնտովը նկատում է. «Կովկասի լեռնե-
րը ինձ համար սրբազան են»: Նման եզրակացութեան է գա-
լիս և ռուսական հողի մեծ գրող Լեյվ Տոլստոյը. ամփոփելով
իր տպավորութեանները Կովկասից՝ 1854 թվին նա իր օրա-
գրի (9-ը հունիսի) մեջ նշում է. «...Սա սկսում եմ սիրել
Կովկասը, թեև հետ մահվան, բայց ուժեղ սիրով: Իրոք, լավ
է այդ... երկիրը, որի մեջ այնպես տարօրինակ և պոետա-
կան ձևով միախառնվում են երկու միանգամայն հակադիր
երեվույթներ՝ պատերազմը և ազատութեանը»: Իսկ Մաքսիմ
Գորկին խոստովանվում է 1931 թվին՝ Վրաստանի 10-ամյա-
կի առթիվ գրած հոդվածում. «Սա երբեք չեմ մոռանա, որ
հենց այդ քաղաքում (Թբիլիսի) եմ կատարել իմ առաջին
անհաստատ քայլը այն ճանապարհին, որով ես ընթանում
եմ արդեն շորս տասնյակ տարի: Կարելի է մտածել, որ
հենց այդ երկրի հոյակապ բնութեանը և նրա ժողովրդի ու-
մանտիկական փափկութեանը, — հենց այդ երկու ուժը ինձ
խթան հանդիսացան, որ թափառաշրջիկին դարձրեց գրող»:

Այսպիսի ուղղակի վկայութեաններ շատ կարելի է բե-
րել, հարկ եղած դեպքում: Բայց, ամենալավ վկայութեանը,
պերճախոս ապացույցը, դա հենց ռուս մեծ գրականութեանն
է, Կովկասին նվիրված ռուս հեղինակների ստեղծագործու-
թեանները, որոնց վերլուծութեամբ մենք դեռ կգրադվենք:

Սխալ չի լինի, և ոչ էլ չափազանցություն, եթե ասեմ,
որ Կովկասը կարևոր դեր է խաղացել ռուսական գրականու-

Քյան զարգացման գործում: Այս երկիրը ոչ միայն ոգևորել է բազմաթիվ գրողների և ստեղծագործական հուր բորբոքել դրանց սրտերում, այլև կենդանի պատկերներ մատակարարել իր պոեզիայի, ժողովրդական ավանդույթյունների գանձարաններից և իրական կյանքի հարուստ դեպքերից: Կովկասը շատ ուռա գրողների համար եղել է ստեղծագործական շտեմարան, որտեղից նրանք առատ նյութ են վերցրել իրենց կերպարները կերտելիս: Դեռևս Դերժավինն ու Ժուկովսկին առանձին բանաստեղծություններ են նվիրել Կովկասին, բայց առաջինը Պուշկինն էր, որ կովկասյան թեմատիկան դարձրեց ստեղծագործության առանցք, ստեղծեց իր «Կովկասի գերին» սքանչելի ոտմանտիկական պոեմը (1821 թ.) և դրանով զարկ տվավ կովկասյան մոտիվների առատությանը ուռա գրականության մեջ: Կովկասը, Ռուսաստանի հարավը նպաստեց Պուշկինի հանձարի ծաղկմանը: Գրիբոեդովը Կովկասում է հորինել իր անմահ կատակերգությունը: Մառինսկու համար շնորհալից գրական համբավ ստեղծեցին Կովկասի կյանքից վերցրած նրա ոտմանտիկական վիպակները: Լերմոնտովի տաղանդը, ինչպես մի կորյուն, առնականացավ Կովկասի լեռներում: Լեվ Տոլստոյի վիթխարի գրական գործունեությունն այս երկրում սկսվեց: Գորկու ճակատագիրը երջանիկ ժպիտով փայլեց Կովկասում: Թիֆլիսում վճուխց նրա կյանքի ճիշտ ուղին, և այստեղ էլ տղազրվեց նրա առաջին գրվածքը՝ ազատության շնչով տոգորված «Մական Զուպրա»-ն: Գորկու կյանքի և հիշողության մեջ վառ են պատկերանում Կովկասի ձյունապատ լեռները և նրա ազատասեր դավակները: Վալերի Բրյուսովը Կովկաս կատարած իր այցելությունների, գիտական պրպտումների ու պոետական գործունեության ընթացքում ոգևորվում է կովկասյան ժողովուրդների հեռավոր պատմությանը, հատկապես հայ ժողովրդի հերոսական անցյալով և նրա կուլտուրական, գրական անմահ գանձերով: Կովկասը, Վրաստանը սովետական մեծ պոետ Մայակովսկու ծննդավայրն է, հայրենիքը: Իր մանկության, ինչպես և հասուն շրջանի տը-

կատուրաները: Եվ ահա հանդես է գալիս նոր մեծ տաղանդ
և Կովկասը դառնում է բոցավառ կերպով սիրված նրա պոե-
տական հայրենիքը: Կովկասի անմատչելի հավերժական
ձյունով պատած բարձունքներում նա գտնում է իր Պառնա-
սը, նրա կատաղի Քերեքում, նրա լեռնային հեղեղատնե-
րում, նրա բուժիչ ջրերում նա գտնում է իր Կաստալական
աղբյուրը, իր Իպոկրենան» (Քելինսկի, Ընտիր Երկեր, հ.
1-ին, Մոսկվա, 1934 թ. էջ 516):

Ավելի լավ ու ցայտուն դժվար է ասել: Ռուս գրակա-
նության զարգացման հետագա փաստերը, որոնց մասին
մենք հիշեցինք վերևում, կրկին անգամ հաստատում են մեծ
քննադատի՝ Կովկասի դերի փայլուն գնահատականի ճշ-
տությունը: Առաջին ուսա գրողը, որի ստեղծագործություն-
ների մեջ փայլեց կախարդական Կովկասը իր պոետական ու
ուռմանտիկ երանգներով—Պուշկինն էր: Նրան է պատկանում
առաջնության պատիվը, Կովկասի, որպես պոեզիայի անըս-
պառ աղբյուրի՝ հայտնագործման փառքը:

IV

Պուշկինն իր ազատախոհական բանաստեղծությունների
համար արսորվելով հարավ և ապրելով Կովկասում՝ լուրջ և
ուշադիր կերպով ուսումնասիրեց տեղի ժողովուրդների
կյանքը, կենցաղը, բարքերը և հորինեց իր «Կովկասի գե-
րին», որ մի փայլուն աստղ է պոետական ուռմանտիզմի
ուռական երկնակամարում: Այդ պոեմի ստեղծագործական
ներշնչումը մեծ բանաստեղծն ստացել է Կովկասից, որը
նրա համար, ինչպես ինքն է ասում «Նվիրման» մեջ, եղել է
«մի նոր Պառնաս».—

Ես կմոռանամ, միթե, Կովկասի գագաթները վես,
Եվ վշվշացող աղբյուրներն այն և թռչնած դաշտեր,
Անապատներն այն տոթ, ուր ինձ հետ կիսեցիր այնպես
Դու շահել հոգու տպավորումներ...

Ազատութեան ձգտող և ոտմանտիկորեն տրամադրված բանաստեղծին խորթ էր ցարական կուռավարութեան կողմից դեպի քաջարի լեռնականները հրահրվող զոռոպիական ատելութիւնը, թշնամանքը: Հակառակ պաշտօնական վերաբերմունքի, նա իր պոեմի մեջ նկարագրում է սևաշյա շերքեզուհու սերը դեպի օտարութեան մեջ տանջվող ուս գերին: Սիրո հրով բոցավառված սրտերը մտերմական գրկախառնութիւնների ու ջերմ համբույրների պահին մոռանում են իրենց իրական վիճակն ու իրենց շուրջը տեղի ունեցող արյունահեղ մարտերը և դառնում են մտերիմ ու հարազատ: Չերքեզուհու դժբախտ սիրո և կյանքից հիասթափված ուս գերու ոտմանտիկական պատմութիւնը Պուշկինը կարողացել է հարստացնել, հագեցնել լեռնականների խաղաղ կյանքի ու ռազմական գործողութիւնների նկարագրութեամբ, խոր սեր ու համակրանք արտահայտելով ռազմիկ ժողովրդի նրկատմամբ, արժանի խոսք ասելով հիացմունք պատճառող նրանց քաջութեանը: Ռուս գերու տպավորութիւնների միջոցով Պուշկինը հաղորդում է իր մտորումները, իր կարծիքները.

Բայց եվրոպացու ողջ ուշքը դարձավ
Դեպի ժողովուրդն այս սքանչելի.
Նրանց հավատը, բարքերը տեսավ՝
Դաստիարակութիւնը լեռնականների,

Եւ պարզութիւնը սիրեց այդ կյանքի՝
Հյուրընկալութիւն, ծարաւն ռազմի,
Արագութիւնը ազատ շարժմունքի,
Վազբը թեթևատ և ուժը բազկի:

Ազատ բնութեան ու հպարտ լեռների մեջ դաստիարակված ժողովուրդը՝ ռազմատենչ իր սրտով, մարտական զենքերով ու նժուլզներով՝ գրավում են օտարերկրացու ուշադրութիւնը, արժանանում նրա համակրանքին: Ազատ ժողովրդիկների կյանքի հերոսիկան խորը կերպով ներգաշնակում

էր Վիեհ ազատութեան ցնորքով զվարդ» ուսս գերու հոգեկան ապրումներին, և ազատախոհութեան համար դատապարտված մեծ բանաստեղծի տրամադրութիւններին: Պուշկինը կերտում է ռազմիկ լեռնականի հերոսական դիմանկարը՝ «միշտ անհաղթելի և միշտ անհողդողդ» կեցվածքով:—

Հիանում էր նա հագուատով նրանց՝
Թե պատերազմին և թե հասարակ.
Չերգեզը զենքով է միշտ զարդարված—
Հպարտ և գոհ է նա զհնքերի տակ.

Վրան կապարճը հրազեն, վահան,
Կուբանյան աղեղ, դաշույն ու արկան,
Ընկերուհին է իր թուրը հավերժ՝
Թե՛ պարապ պահին, և թե՛ գործի մեջ:

Ոչինչ ոչ մի բան նրան չի ընկճում,
Ոչ ոք չի խփի—հեծյալ, հետիտ՝
Միշտ միևնույնն է, ու միշտ նույն տեսքում,
Եվ անհաղթելի և միշտ անհողդողդ:

(Թարգմ. Գ. Սարգսնի):

Պուշկինի համակրանքը դեպի Կովկասի քաջ որդիները, որոնք արյան զնով պաշտպանում էին իրենց ազատ կյանքը, կասկածից դուրս է: Սակայն, շնայած լեռնականների հիացմունք հարուցող խիզախութեանը, հերոսութեանն ու դիմադրութեան կամքին, այնուամենայնիվ, նրանք տեղի ավիցին ռուսական զենքին և Կովկասը ձյունապատ գլխով խոնարհվեց ռուսական ռազմական ուժի առաջ.—Смирись, Кавказ, идет Ермолов! (Խոնարհվի՛ր, Կովկաս, Երմոլովն է գալիս.)—բացականչում է պոետը և ավելացնում.—

Եվ լռեց կովի աղմուկը մոլի:
Ամեն ինչ ռուսաց սվինին հպատակ:
Կովկասի որդիք, հպարտութեամբ լի,
Գուք մարտնչեցիք, սոսկալի ընկաք.

Սակայն չփրկեց ձեզ արյունը մեր,
Ոչ դրահները ձեր կախարդական,
Ոչ լեռներ, ոչ ձեր ձիերն անվահեր,
Ոչ սերը՝ վայրի ձեր ազատության:

Այս տողերի մեջ կա և սեր դեպի Կովկասի քաջ որդիները, և ազգային հպարտություն: Պուշկինը հայրենասեր էր, Կովկասը նվաճելու մեջ նրան չէր ոգևորում այդ ժողովուրդներին բռնի ճնշելու փաստը, այլ նրանց լուսավոր ապագան, որ բերում էր իր հետ ուսու պետականությունը, ուսու ժողովուրդը, ուսական կուլտուրան: Պուշկինը պիտակցում էր, որ Կովկասի նվաճումը տեղի ժողովուրդների համար ազգային ճնշման լուծ էր բերում և ազատության անկում: Նրա վերաբերմունքը այդ հարցում բացասական էր: Այդ բանը նա ցայտուն արտահայտել է «Կովկաս» բանաստեղծության հայտաբերված նոր քառյակում: Այստեղ խոսվում է «Կովկասի անմոռնչ վրդովմունքի» և այն մասին, թե «ինչպես նրա վրա ուժն է շոքել օտար»: Խոսքն անշուշտ ցարական բռնակալության մասին է, որի դեմ ծառայել էր ինքը՝ մեծ պոետը: Բայց Կովկասի ժողովուրդները ստանում էին նաև առաջավոր կուլտուրայի հետ շփվելու, նրան հաղորդակից դառնալու հնարավորություն: Այս վերջին հանգամանքն էլ, գլխավորապես, ոգևորում և ազգային հպարտությամբ էր լցնում մեծ պոետի սիրտը: Ինչպես Բելինսկին էր ասել, Պուշկինի մուսան նվիրագործել է Ռուսաստանի հետ գործնականորեն գոյություն ունեցող Կովկասի հարազատությունը: Պոեմի վերջերգում մեծ բանաստեղծն արձանագրում է պատմական այդ փաստը, և երգում, փառաբանում է ժամն այդ: Պուշկինը, ինչպես հայտնի է նրա գրվածքներից, կողմնակից չէր Կովկասի բռնի նվաճմանը, բայց քանի որ փաստը կատարված էր և Կովկասի ժողովուրդներն արդեն սկսում էին հաղորդակից դառնալ ուսական առաջադեմ կյանքին ու կուլտուրային, ապա Պուշկինի այդ վարմունքը կարող է այլ լույսով դիտվել, այնտեղ նվաճողական քաղա-

քականութեան արդարացում շտեմանել, ինչպես գնահատվել է մինչև այժմ: Անհրաժեշտ տուրք տալով Կովկասի հպարտ որդիների քաջութեանը՝ Պուշկինը գտնում էր, որ կանցնեն տարիներ և կամուսնացվի մարտերի ձայնը, ժողովուրդների մեջ ապահով կյանք կստեղծվի:

Եվ ճամբորդն առանց վախի կը գնա
Կիրճերով, որ դուք դրել էիք բուն,
Եվ ձեր պատժի շուրջ կհյուսվի, ա՛նա,
Հուրերի մթին մի ավանդութեամբ:

Պուշկինի պոեմը շնչում է Կովկասի բնութեան ուսման-տիկ գեղեցկությունը և համակված է լեռնականների կյանքի հերոսիկայով: Այստեղ լսվում են սիրող սրտերի ուժգին բաբխումը և դա ժողովուրդների բարեկամության մի խորհրդանիշ կարող է համարվել: Կովկասցիների և ռուսների մրտերմական փոխհարաբերության հարցը շատ է զբաղեցրել մեծ բանաստեղծին: Այս տեսակետից ուշագրավ է նրա ձեռագրի մեջ հայտարարված շարված պոեմի պլանը, որը հայտնի է «Ռուս աղջիկը և չերքեզը» խորագրով: Եթե իր առաջին պոեմի մեջ Պուշկինը պատանեկական ավյուրով երգում է չերքեզուհու սերը դեպի ռուս գերին, ապա ապագա պոեմի այս պլանի մեջ խոսվում է այն մասին, թե ինչպես կազակուհին սիրահարվում և ժամադրվում է չերքեզի հետ: Միայն կանանց բարձրացրած տագնապի շնորհիվ նրան գերի են վերցնում, հետո փոխանակում: Կազակուհին փախչում է իր սիրած չերքեզի հետ: Զույգերի սիրո պատմության այդ նկարագրությունը Պուշկինի ուսմանտիպին տալիս է առաջադիմական նշանակություն, ուսմանտիպը հաստատում էր ժողովուրդների բարեկամության դադամիտը: Պուշկինի մոտ մարդկայինը հակադրվում է իշխողների շահերի համար հրահրվող ազգային ատելությանը: Նա փնտրում և գտնում է ժողովուրդներին իրար կապող մարդկային զգացմունքներն ու ապրումները: Այդ բոլորը անհեր-

գաշնակ էին հնչում Կովկասում կիրառվող ցարիզմի բուժ ու բռնի քաղաքականութեանը: Պակաս ուշագրավ չէ Պուշկինի վերջին շրջանում գրած (1833 թ.), բայց անավարտ մնացած պոեմը «Տաղիտի մասին» (առաջ սխալ կերպով կոչվում էր «Խալուբ»): Այստեղ նույնպես նկարագրված էր լեռնականների կյանքն ու սովորությունները: Հեղինակը պոետական ջինջ պարզությամբ պատմում է այն մասին, թե ինչպես երիտասարդ Տաղիտը փոքրուց դաստիարակվել է չերքեզի տանը: Այդ երիտասարդը մարդկայնությամբ լցված չի ցանկանում լուծել եղբոր արյան վրեժը և դրա համար էլ արժանանում է ծերունի հոր՝ Գալուբի անեծքին: Երիտասարդը արտաքսվում է խոր վիշտ պատճառելով իր սիրած աղջկան:

Պուշկինի այս պոեմը հասուն գրչի արդյունք է: Նույնփուլ անավարտ վիճակում ընթերցողն զգում է կերտված բնավորությունների ամբողջականությունը և լեռնականների կյանքի բաղմակողմանի ընդգրկումն ու նրանց բարձր անխտով, էպիկական հանգստությամբ ընթացող սեռախտային նկարագիրը: Կովկասյան ժողովուրդների կյանքի ու կենցաղի պատկերումը հաճախ է զբաղեցրել պոետին. կարելի է ասել, որ իր կյանքի ընթացքում կովկասյան պատկերները չեն հեռացել նրա ստեղծագործական հորիզոնից: Դրան, անշուշտ, նպաստել է նրա երկրորդ (1829 թ.) այցելությունը Կովկաս: Այդ այցելության արդյունքը եղան նրա մի շարք փալուն լիրիկական բանաստեղծությունները: Ո՞վ չի հիշում «Կովկաս», «Փլվածք», «Լանքը Կաղբեկի վրա», «Վրաստանի բլուրներին գիշերային մութն է նստել» և այլն հայտնի բանաստեղծությունները: Դրանք ներկայացնում են Կովկասի բնության հրաշալիքների գեղանկարչությունը և մարդկային ամենանուրբ զգացումների մեղմ պտոթկումը: Կամ ո՞վ չի լսել Ռախմանինովի դյուբիշ երաժշտությամբ հնչող Պուշկինի հուզիչ տողերը.

Մի երգիր ինձ մոտ երգերը արտում
Վրաց աշխարհի, ո՞վ գեղեցկուհի,

Բորբուժ են նրանք հիմա իմ սրտում
Հուշեր ա՛յլ կյանքի, հեռո՛ւ եզերքի:

Այդ այցելութեան արդյունքը եղավ նաև Պուշկինի «Ճանապարհորդություն դեպի Արզրում» հետաքրքիր ակնարկը: Այստեղ Պուշկինին հատուկ սեղմություն մը ու պարզություն մը գրի են առված մեծ գրողի տպավորությունները կովկասի ժողովուրդներից, մասնավորապես Վրաստանից ու Հայաստանից: Պուշկինը համակրանքով է խոսում այդ ժողովուրդների մասին և նշում է նրանց՝ ուսա ժողովուրդի հետ ունեցած ներքին օրգանական կապվածությունը: Մեծ պոետը շատ լավ էր գիտակցում, թե ինչ կարևորություն ունի վրացիների ու հայերի համար Ռուսաստանի հովանավորությանն ապավինելը: «Վրացիները,— գրում է Պուշկինը,— ռազմասեր ժողովուրդ են: Նրանք ապացուցեցին իրենց քաջությունը մեր դրոշակների տակ: Նրանց մտավոր ընդունակությունները սպասում են մեծ կրթվածության: Նրանք առհասարակ ուրախ և սրտաքայք բնավորություն ունեն»: Իսկ հայերի մեջ Պուշկինը արժանացել է ջերմ հյուրասիրության և տեսել է դեպի ուսա ժողովուրդն ունեցած նրանց նվիրվածությունը: Պուշկինը հիացել է Հայաստանի թարմացնող բնությունը ու արգավանդ հողով: «Ընդհանուր էի բերրի արտերի և ծաղկափթիթ մարգագետինների միջով,— պատմում է նա:— Հունձը ծորում էր, սպասում էր մանգաղի: Ես հիանում էի այս սքանչելի հողով, որի բերրիությունը արևելքում առած է դարձել»: Մեծ բանաստեղծի այս լիրիկական տողերի մեջ չի կարելի չնկատել ջերմ վերաբերմունք դեպի այն ժողովուրդը, որ կյանք է տրվել այդ հողին և հալալ քրտինքով դարձրել է այն բերքառատ:

Պուշկինը կապված էր կովկասյան ժողովուրդների հետ, համակրում ու սիրում էր նրանց և բարձր էր գնահատում կովկասցիների անկեղծությունը, պարզությունը և դեպի ռազմական գործն ունեցած նրանց սերը: Միաժամանակ նա

ցանկանում էր կովկասյան ժողովուրդների և ուսա ժողովրդի բարեկամութունը, որի համար ոեալ հող և անհրաժեշտ նախադրյալներ էր տեսնում նա: Այդ բոլորը բղխում էր ժողովուրդների բարեկամության մասին ունեցած նրա ընդհանուր հայացքից, որն այնքան ցայտուն արտահայտություն է գտել լեհ մեծ բանաստեղծ Միցկևիչին նվիրված ոտանավորի մեջ: Պուշկինը այցելելով գործող բանակ, չի ոգևորվում ցարիզմի նվաճողական պլաններով, այլ առանձին ցայտուն գծերով, ճանապարհորդական նոթերի ձևով տալիս է կովկասյան ժողովուրդների կյանքը: Նա աշխատել է տեսնել նրանց ուսա ժողովրդի հետ միավորող ընդհանուր հիմքերը և այն գտել է լուսավորության ու քաղաքակրթության մեջ: Ժողովուրդների բարեկամութունը Պուշկինի նշանաբանն էր: Այդ ոգով է առգորված Դոնին նվիրված նրա հիառալի բանաստեղծությունը, որ նա գրեց իր վերագարձին.—

Կայն դաշտերի մեջ շողալով
Հոսում է... Դոն, բարև քեզ:
Զավակներիցդ քո հեռավոր՝
Քեզ ողջուն են բերել ես:

Որպես եղբայր հռչակավոր,
Գետերն ամեն դիտեն քեզ.
Արաքսից ու Եփրատից խոր
Քեզ ողջուն են բերել ես:

Շունչ քաշելով ոսոխից շար,
Զգալով հողն հայրենի,
Արփաշայի ջուրը վարար՝
Չիերն խմում են Դոնի:

Դու պատրաստի՛ր, սրբազան Դոն
Հեծյալներիդ համար քաջ՝
Հյուսիս կիզող ու կայծկլտուն
Քո խաղողի արևաճ:

(Թարգ. Վեսպերի).

Այս բանաստեղծութիւնն իր սքանչելի պարզութեամբ ու քոր հայրենասիրութեամբ հանդերձ նշանավոր է նաև նրանով, որ այստեղ մեծ բանաստեղծը արտահայտել է Կովկասի ու Ռուսաստանի զավակների միջև գոյութիւն ունեցող հարազատութիւնը, նվիրվածութիւնը և փոխադարձ սերը: Պակաս հետաքրքրութիւն չի ներկայացնում «Եվգենի Օնեգին»-ի սևագրութիւններում պահպանված հատվածը, որ տեղ պոետը վերհիշելով իր այցը Կովկաս, բացականչում է.

Մի անգամ չէ, որ ընդունում ես ինձ.
Սիրում եմ քեզ, սիրում եմ սաստիկ,
Ինձ ողջունեցիր դու աղմկալի—
Հզոր ձայնով քո փոթորիկների:

Մեծ գրողը ներքին օրգանական կապերով էր կապված պոետիայով հարուստ այդ երկրի հետ: Եվ հասկանալի է, թե ինչու իր ստեղծագործական արշալույսից մինչև իր կյանքի վերջը՝ Կովկասի հսկայական կերպարը իր ռազմասեր բնակիչներով՝ միշտ էլ հուզել է մեր հեղինակին, լցրել նրա սիրտը ստեղծագործական անհուն ոգևորութեամբ, հարբստացրել նրա պոետական աշխարհը: Կովկասին նվիրված նրա ստեղծագործութիւններն աչքի են ընկնում արվեստի կատարելութեամբ: Պուշկինը առաջինը ցնցեց ռուս ընթերցողների սրտերը Կովկասի գեղեցկութեամբ, վառեց նրանց երևակայութիւնը այդ երկրի պոետիայով և ընդհանուր պատկերացում տվավ նրա մասին: Այս տեսակետից պոետի պատմական ու գրական նշանակութիւնը շատ մեծ է: Այդ փաստը փայլուն ընդհանրացման ենթարկելով Բելինսկին իրավացիորեն գրել է. «Պուշկինի թեթև ձեռքով Կովկասը դարձավ ռուսների համար նվիրական երկիր. ոչ միայն լայն, ազատ կամքի, այլև դարձավ անսպառ պոետիայի, եռացող կյանքի ու համարձակ երազանքների երկիր: Պուշկինի մուսան կարծես թե սրբագործեց վաղուց արդեն գործնականորեն գոյութիւն ունեցող Ռուսաստանի հարազատութիւնը այդ երկրի նկատ-

մամբ, երկիր, որը գնված է ռուս զավակների թանկարժեք արյունով և հերոսների սխրագործութեամբ»:

V

Պուշկինը «Ճանապարհորդություն» ակնարկի մեջ նկարագրում է իր անսպասելի հանդիպումը Գրիբոեդովի խոշտանգված դիակի հետ, որ սալլի վրա դրած Թեհրանից փոխադրում էին Քրիլիսի: Այս աննշուխամբ նա վերհիշում է մեծ դրամատուրգի կյանքի առանձին դրվագները և նրա մեկուսացած աշխատանքը Վրաստանում, որի արդյունքն է եղել նրա հանձարեղ կատակերգությունը: «Նա, — կարդում ենք Պուշկինի մոտ, — հրաժեշտ տվեց Պետերբուրգին և անհուգ սրվածությունը, գնաց Վրաստան, ուր մնաց ութ տարի նվիրված իր մեկուսացած անխոնջ պարապմունքներին: Նրա Մոսկվա վերադառնալը 1824 թ. հեղաշրջում էր նրա վիճակի մեջ և սկիզբ անընդհատ հաջողությունների: Նրա «Խելքից պատուհաս» ձեռագիր կոմեդիան աննկարագրելի աչքեցություն գործեց և միանգամից նրան դասեց առաջնակարգ բանաստեղծների շարքը»: Ութ տարիների աշխատանքը Վրաստանում անհետևանք չի անցնում նաև Գրիբոեդովի անձնական կյանքի համար: Փոխադարձ սիրո դացմունքներով նա կապվում է վրացական իշխանագուստը Նինա Ճավճավաձեի հետ և ամուսնանում: Պուշկինն այդ համարում է երջանիկ ամուսնություն: «Գալով Վրաստան, — պատմում է պոետը, — նա ամուսնացավ նրա հետ, որին սիրում էր... ես չգիտեմ ավելի նախանձելի մի բան, քան նրա փոթորկալից կյանքի վերջին տարիները»: Այս հավաստիացումներից և Բելինսկու փայլուն գնահատականից հետո հասկանալի է դառնում, թե ինչպիսի կարևոր դեր է խաղացել Կովկասը Գրիբոեդովի անձնական կյանքում ու գրական ստեղծագործության մեջ: Մեծ դրամատուրգը Կովկասին, նրա բնության ու մարդկանց հետ կապված էր իր հոգու քոլոր թելերով: Եթե չքնաղ վրացուհու հետ ամուսնանալը

նրա կյանքի վերջին տարիները լցնում են նախանձեղի եր-
ջանկութեամբ, ապա Կովկասի դաժան բնությունը և նրա
երգիների եռացող կյանքն ու ազատասիրությունը, — ինչպես
Մշում էր Բելինսկին, ոգևորում են նրան ստեղծելու իր հան-
ճարեղ երկը, անմահ հեղինակների շարքին դասվելով: Բայց
Կովկասի դերը դրանով չի սահմանափակվում Գրիբոեդովի
ստեղծագործական որոնումների մեջ: Ինչպես հայտնի է նրա
մեղ հասած ժառանգությունից, անավարտ գրվածքներից և
չգրված երկերի պլաններից, Գրիբոեդովը փութաջանությամբ
ուսումնասիրել է կովկասյան ժողովուրդների կյանքը, սովոր-
ություններն ու պատմությունը և նախաձեռնել է դրամա-
ներ գրելու Վրաստանի կյանքից ու Հայաստանի պատմու-
թյունից: Գուցե և նա գրել է այդ երկերը, ինչպես պնդում
էին ժամանակակիցներից ոմանք, բայց այդ դրամաները
մեզ չեն հասել: Մենք կարող ենք դատել նրանց մասին հի-
շողությունների և այն պլանների ու առանձին հատվածների
հիման վրա, որոնք գտնվել են նրա թղթերում: Այս տեսակե-
տից հետաքրքրական է նրա «Վրացական դիշեր» տրագե-
դիան: Ինչպես ժամանակակիցներն են պատմում, այդ գրք-
վածքը նրանք տեսել են ավարտված վիճակում: Նրա հիմ-
քում ընկած է վրացական ժողովրդական մի ավանդութուն:
Բռնակալ իշխանն իր աղջկա դայակի տղին փոխանակում է
ձիու հետ: Մայրը խորապես վշտացած դիմում է իշխանին,
հիշեցնում է իր ծառայությունները և պահանջում է սիրելի
որդուն հետ բերել, ուղղել այդ շարագործությունը: Իշխանը
խոստանում է, բայց իր խոստումը չի կատարում: Մայրը
զայրացած մտերմություն է հաստատում անտառում բնակ-
վող Վրաստանի շար ոգիների հետ՝ բռնակալից վրեժ լուծե-
լու համար: Այդ ուժերի օգնությամբ դայակը իշխանի աղջը-
կան սիրահարեցնում է ռուս սպային, որի հետ նա փախ-
չում է: Իշխանը ցանկանալով պատժել սպային՝ գնդակով
սպանում է իր աղջկան: Մայրը դրանով չի բավարարվում,
նա ցանկանում է վրեժ լուծել և հորից՝ սպանելով նրան,
բայց սխալմամբ սպանում է որդուն: «Ոչ մարդկային իշխա-

նը, — կարգում ենք Գրիբոեդովի ժամանակակիցներից մեկի, հիշողությունների մեջ, — պատժվում է երկնքից՝ ծնողական զգացմունքներն արհամարհելու համար և ճաշակում է զավակի կործանման արժեքը: Իսկ շար դայակը պատժվում է նրա համար, որ մայրական ազնիվ զգացմունքները ապականում է վրեժով: Նրանք կործանվում են հուսահատության մեջ: Տրագեդիան հիմնված է վրացական ժողովրդական հեքիաթի վրա և եթե նա վերջանար այնպես, ինչպես սկսված էր, կկազմեր ոչ միայն ուուսական, այլև ամբողջ եվրոպական գրականության զարդը: Գրիբոեդովը կարգաց մեղ հատվածներ և ամենասառը մարդիկ հուզվեցին մոր գանգատով, որը պահանջում էր տիրոջից՝ վերադարձնել իր որդուն: Սույն տրագեդիան խորտակվեց հեղինակի հետ միասին»^{*}): Ահա այս տրագեդիայից մեզ են հասել միայն առանձին հատվածներ, որոնք հաստատում են հիշողությունների ճշտությունը: Ինչպես երևում է մեզ հասած նյութերից, «Խելքից պատուհաս»-ի հեղինակը արվեստի մերկացնող մտրակի տակ է առել ճորտատիրական բռնակալական սեփիմը և անողոք քննադատության է ենթարկել վրեժի ֆեոդալական սկզբունքը: Ընդհանրապես Գրիբոեդովի այդ շրջանի ստեղծագործություններն աչքի են ընկնում իրենց հակաճորտատիրական ցայտուն տրամադրություններով: Այդ գաղափարներով է համակված և նրա մյուս «1812 թիվը» անավարտ տրագեդիան: Գրիբոեդովի բարեկամությունը հայտնի ղեկաբրիստների՝ Ռիլենի, Կյուխելբեկերի և մյուսների հետ անհետևանք չի անցել: Չունենալով կազմակերպչական կապեր այդ շարժման հետ՝ Գրիբոեդովը հանդիսանում էր նրա գաղափարական արտահայտիչը: Այդ են հաստատում նրա ստեղծագործությունները: Գաղափարական այդ մոտիկությունը, սակայն, չի խանգարել Գրիբոեդովին քննադատաբար վերաբերվելու ղեկաբրիստների շարժման պատմական

^{*}) «А. С. Грибоедов в воспоминаниях современников», под редакцией Н. Пиксанова, Москва, 1929 г.

սահմանափակութեան, նրանց տակտիկայի նկատմամբ: Այդ քննադատական մոտեցումը նա ցանկացել է արտահայտել «Ռոդամիստ և Զենոբիա» պատմական տրագեդիայում, որի նյութը վերցված է Հայաստանի և Վրաստանի հեռավոր պատմությունից (առաջին դարի կեսերը մեր թվագրությունից առաջ): Ռոդամիստը բռնակալ թագավոր է. նրա խղճի վրա է ծանրացած իր կնոջ՝ Զենոբիայի հոր մահը: Կինն լուր ուժեղ բնավորության տեր, նա «մեծ գործի ծարավ է զգում», ինչպես այդ մասին խոստովանվում է իր դրեշակակրին: Բռնակալ թագավորի դեմ ազնվատոհմիկները խոռվություն են կազմակերպում և աշխատում են այդ խոռվության մեջ ներգրավել նաև Ռոդամիստի կնոջը՝ նրա մեջ վառելով վրեժի զգացմունքը: Խոռվարարների շարքում կան Արմասիլի նման ազնիվ և հաստատուն բնավորության տեր մարդիկ: Արմասիլն իմաստալից խոսքեր է ասում: «Ուժը թվի մեջ չէ, երբ գործը արդար է, այլ գործի մասնակիցների փորձառության, վստահելիության և անկասկածելի քաջության մեջ»: Բայց դա չի փրկում, խոռվությունը պարտություն է կրում, որովհետև խոռվարարները հեռու են ժողովրդից: «Ընդհանրապես պետք է նկատել, ասված է այդ տրագեդիայի պլանի մեջ, — որ ժողովուրդը մասնակցություն չունի նրանց գործում, նա կարծես գոյություն չունի: Երրորդ գործողության մեջ զայրույթը դառնում է ժողովրդական, բայց բոլորովին ոչ այն պատճառներից, որով առաջնորդվում էին ազնվատոհմիկները»: Այնուհետև հեղինակը նշում է, որ այդ խոռվարարներին համակում է «մանր կրքեր», փառասիրական զգացմունքներ և նրանք սկսում են «վիճել ապադա հշխանության մասին»: Ինչպես իրավացիորեն նշվում է քննադատության կողմից, տրագեդիայի այս պլանը կազմված է ամենայն հավանականությամբ 1825 թվի դեկաբրիստական ապստամբության պարտությունից հետո: Այստեղ հեղինակը ցանկացել է դրսևորել իր տրամադրությունները, որոնք առաջ էին եկել դեկաբրիստական շարժման պարտությունից հետո, և ցույց տալ նրա արատները: Բռնության

գեմ ուղղված խոռվութեան տապալումը, խոռվութիւն, որի մեջ մասնակցութիւն չունի ժողովուրդը, ուղղակի վերաբերում է գեկաբրիստների ապստամբութեանը: Այդպիսի խոռվութիւնը դատապարտված է անհաջողութեան: Գրիբոեդովը քննադատական վերաբերմունք ունի գեկաբրիստների տակտիկայի նկատմամբ, նա ցույց է տալիս այդ շարժման հեռանկարից զուրկ լինելը: Եվ իրեն հուզող այդ հարցերն էլ նա լուծում է Հայաստանի պատմութիւնից վերցված նյութի վրա: Երևույթը ինքը նշանակալից է: Դա ցույց է տալիս, թե ինչպես սերտ էր նրա կապերը Կովկասի հետ և համակրանքի ինչպիսի վերաբերմունք ունեւր Գրիբոեդովը կովկասյան ժողովուրդների նկատմամբ:

Պակաս ուշագրավ չէ այն փաստը, որ Գրիբոեդովը բացի Թրիլիսիում ապրելուց, միքանի անգամ այցելել է Երևան և այնտեղ 1827 թվին դիտել է իր հայտնի կոմեդիայի՝ առաջին բեմադրութիւնը:

Գրիբոեդովի գործունեութիւնը, անշուշտ, չի սահմանափակվել գեղարվեստական գրականութեան սֆերայով, Կովկասին նվիրված դրամաներով ու առանձին բանաստեղծութիւններով («Ալազանին» նվիրված բանաստեղծութիւնը), կամ թե ճանապարհորդական նոթերով ու օրագրերով, որոնց մեջ նա գրի է առել իր տպավորութիւնները Կովկասից՝ Վրաստանից ու Հայաստանից և, մասնավորապես, Երևանից: Զպետք է մոռանալ, որ Գրիբոեդովը գրող լինելով հանդերձ, միաժամանակ և աչքի ընկնող պետական գործիչ էր: Նա խորապես մտահոգված էր Անդրկովկասի տնտեսական ու կուլտուրական զարգացման հեռանկարներով: Նրա այդ վերաբերմունքը ցայտուն արտահայտութիւն է գտել իր կազմած՝ «Ռուս-անդրկովկասյան ընկերութեան հիմնադրման նախագծի» մեջ: Այդ նախագիծը շոշափում է Անդրկովկասի առևտրական և արդյունաբերական զարգացման կարևորագույն հարցերը և միաժամանակ նշում է՝ տեղի ազգաբնակչութեան կուլտուրական մակարդակը բարձրացնելու ձեռնարկումներ՝ դպրոցների բացում, գյուղատնտեսութեան

և արհեստագործության մեջ նոր տեխնիկական ձևեր ներմուծելը և այլն: Գրիբոեդովի այդ նախագիծը հաջողությամբ շունեցավ: Բայց այն մնում է որպես պետական խոշոր գործչի համարձակ մտահղացման ապացույց և դեպի Անդրկովկասն ունեցած նրա հետաքրքրության մի կարևոր փաստաթուղթ: Գրիբոեդովն, ինչպես և Պուշկինը, ձգտում էր ամբացնել և ընդարձակել երկու երկրների կապերը, փոխադարձ բարեկամություն ստեղծել նրանց միջև:

Բայց այդ վերաբերմունքի մեջ՝ Պուշկինն ու Գրիբոեդովը բացառություն չեն կազմում: Կովկասի նկատմամբ հիացմունքով են խոսել շատ ուռա գրողներ: Նրանց մեջ արժանի է հիշատակել պոետ պարտիզան և մեծ հայրենասեր Դենիս Դավիդովի և Սերգեյ Գլինկայի անունները: Եթե առաջինը իր փայլուն ռազմական հուշերի, ինչպես և առանձին բանաստեղծությունների մեջ դրսևորել է իր համակրանքը Կովկասի գեղեցիկ բնության և նրա խիզախ զավակների նկատմամբ, հիշենք, նրա «Полу—Солдат» ոտանավորը, ապա երկրորդ հեղինակը հայտնի է Հայաստանի հեռավոր անցյալին, նրա զավակների հերոսական սխրագործություններին նվիրված բանաստեղծություններով («Тайк» և այլն):

VI.

Գրական տեսակետից ավելի հետաքրքիր են Գրիբոեդովի անձնական բարեկամ Բեստուժև Մառլինսկու և Ալեքսանդր Պոլեժակի Կովկասին նվիրված ստեղծագործությունները: Այս երկու նշանավոր ուռա գրողները մոտավորապես նույն դառը ճակատագիրն են ունեցել և դարձել ցարական զինվորականության զոհ:

Բեստուժևը դեկաբրիստական յապստամբությանը մասնակցելու համար դատապարտված էր աքսորի Յակուտիա: Բայց միջնորդության շնորհիվ նա փոխադրվում է Կովկաս, գործող բանակ: Այստեղ նա ծառայում է որպես շարքային զինվոր և այն էլ պայմանով՝ եթե նա նույնիսկ գերազան-

ցություն ցուցադրի կովի ժամանակ, շներկայացվի բարձր
աստիճանի: Այսպես էր ուսուցիտն շարժման դահիճ նիկո-
լայի կամքը:

1829 թ. սկզբներին Բեստուժևն արդեն Կովկասումն էր:
Նրա համար ստեղծվում է կյանքի ծանր պայմաններ: Շար-
քային զինվորի նրա կյանքը լի է դառնություններ ու տան-
ջանքներով: Ինչպես երևում է նրա այդ շրջանի նամակնե-
րից, Բեստուժևը անհուսալի վիճակից դուրս գալու և տան-
ջանքներից ազատվելու համար գերադասում է մահը և շու-
տով գտնում է այն: Լեռնականների հետ ունեցած մի թեժ
ընդհարման ժամանակ, որը տեղի է ունենում 1837 թվի
հունիսի 7-ին, Բեստուժևն անհետանում է: Նա սպանվում է
այնպես, որ նրա դիակը չի գտնվում: Այս հանդամանքը
առիթ է տալիս զանազան ենթադրությունների ու լեգենդնե-
րի, համաձայն որի նա անցել է լեռնականների կողմը:

Բեստուժևի միակ մխիթարությունը Կովկասում գրակա-
նությունը զբաղվելն էր: Կովկասի բնությունն ու մարդիկ
նրան ինչպես և Պոլեժակին տրամադրեցին վերսկսել իր
ընդհատված գրական գործունեությունը և, պետք է ասել,
Բեստուժևի ստեղծագործությունների մեջ Կովկասյան շրջա-
նը և Կովկասյան մոտիվները կենտրոնական տեղ են գրա-
վում: Բեստուժևի տաղանդը նոր փայլ ստացավ այստեղ և
նպաստեց նրա գրական համբավի արագ աճմանը: Դրա
համար նա ամենից առաջ պարտական էր Կովկասի կյան-
քից վերցրած իր գրվածքներին, որոնք լույս էին տեսնում
Մաուլինսկի ծածկանվան տակ և ստեղծում նրա համար
շոնգալից համբավ:

Նրա գրվածքները 30-ական թվականներին հսկայական
ազդեցություն էին գործում ընթերցող հասարակության վրա:
Ժամանակակիցները Մաուլինսկուն համարում էին «Պուշկին
արձակում»: Ընդհանուր ոգևորությամբ էին շրջապատված
Մաուլինսկու անունը և ստեղծագործությունները: Այդ ոգե-
վորությունը հանկանալի կդառնա, եթե հիշենք, որ ռուս
գրականության պատմության մեջ 20—30-ական թվականնե-

րը — ուժանտիզմի ծաղկման շրջանն է հանդիսանում, իսկ Մաուլինսկին այդ ուղղության ոչ միայն ականավոր ներկայացուցիչն էր իր ստեղծագործություններով, այլև նրա սկզբնավորողն ու տեսաբանը: Նա իր տեսական ելույթներով ու ստեղծագործությամբ զարկ տվեց ուսական ուժանտիզմին, հաստատեց ու ամրապնդեց նրա դիրքերը: Մաուլինսկու գրական հաջողությունների գաղտնիքը թագնված էր Կովկասի փառահեղ պատկերման, անսովոր ու հերոսական բնավորությունների կերտման, գրվածքների սուժեի հետաքրքիր ու էֆեկտիվ կառուցվածքի, լեզվի արտաքին փարթամության ու փայլի մեջ: Այս բոլորը հետաքրքիր նորություններ էին ուս գրականության համար: Այդ գծերն էլ ապահովեցին նրա գրական հաջողությունները 30-ական թվականներին: Դա ուժանտիզմի հաղթանակն էր, նրա հաջողությունները:

Մաուլինսկու գրական փառքի գագաթը հանդիսացավ 1831—33 թվերը, երբ ղրեց կովկասյան պատմվածքներն ու վիպակները: Դրանից հետո նրա աստղը թեքվում է: Գոգոլի ռեալիստական ստեղծագործությունների հանդես դալը և Լերմոնտովի «Մեր ժամանակի հերոս»-ի երևալը գրական հորիզոնում կանխորոշում են Մաուլինսկու փառքի անկումը: Այդ անկումն անձնական լինելով հանդերձ՝ արտացոլում էր գրական ուղղությունների պայքարի ներքին թրինաչափությունները: Մաուլինսկու գրական փառքի անկման մեջ պետք է տեսնել ուժանտիզմի անկումը և ռեալիզմի հաղթանակը: Պատահական չէ, որ Կովկասի «չափազանց րած և փառահեղ նկարագրությունները» հետագայում արդեն 50-ական թվականներին կորցնում են իրենց հմայքը, դառնում քննադատության առարկա: Լև Տոլստոյը, ինչպես քիչ հետո կտեսնենք, համառ կերպով վիճում է Մաուլինսկու հետ և պահադերձ է անում իր գրվածքներում Կովկասի ուժանտիկական, մաուլինսկական նկարագրությունները, հակադրելով դրանց իրական կյանքի պատկերներն ու տիպերը: Իսկ Տուրգենևը մի պատմվածքի մեջ «СТУК, ... СТУК...» խոսում

է Մաուլինսկու ունեցած փառքի ու անկման մասին: Մաուլինսկին այժմ հնացել է, ոչ ոք նրան չի կարդում, և նրա անունը ծաղրում են: Բայց 30-ական թվականներին նա աղմկում էր ինչպես ոչ ոք, և Պուշկինը այն ժամանակվա կրիտասարդության հասկացողությամբ, չէր կարող նրա հետ հավասար ընթանալ: Նա վայելում էր ոչ միայն առաջին ռուս գրողի փառքը, նա նույնիսկ, որն ավելի դժվար և քիչ է պատահում, որոշ շափով իր կնիքն էր դրել իր ժամանակի սերնդի վրա: Հերոսներ ալա Մաուլինսկի հանդիպում էին ամեն տեղ, հատկապես պրովինցիաներում և բանակայինների, հրանոթաձիգների մեջ: Նրանք խոսում էին, նամակներ էին գրում Մաուլինսկու լեզվով: Հասարակության մեջ պահում էին մռայլ, զուսպ—«փոթորկվող հոգով և բոցավառ արյունով», կանացի սրտերը խժռում են: Նրանց կոչում էին «ճակատագրականներ»: Այդ տիպը, ինչպես հայտնի է, պահպանվեց երկար ժամանակ, մինչև Պեչորինի հանդես գալը»:

Մաուլինսկու փառքն ու ազդեցությունը ժամանակակիցների վրա կասկածից դուրս է, բայց, շնայած այդ բոլորին, նա չդիմացավ պատմության փորձությունը և իր դիրքերը զիջեց նոր ուղղությանը և մեծ տաղանդներին: Այդ անկումը Մաուլինսկու տաղանդի միակողմանիության արտահայտությունը լինելու հետ միաժամանակ հանդիսանում է ռոմանտիզմի թուլության ու միակողմանիության ապացույցը: Բելինսկին առաջինն էր, որ խիստ քննադատության ենթարկեց Մաուլինսկու ռոմանտիզմը և բացահայտեց նրա տաղանդի թերությունները: Բայց նա չժխտեց այդ գրողի պատմական խոշոր ծառայությունները: Նա եղել է ըստ մեծ ջրնադատի «մեր առաջին պատմողը, ռուսական վիպակի ստեղծողը, ավելի լավ է ասել, սկզբնավորողը»:

Մաուլինսկու ստեղծագործություններից մեծ մասսայականություն էին վայելում հատկապես «Ամմալաթ-բեկ» և «Մուլա-Նուր» վիպակները: Երկուսի թեման էլ վերցված է կովկասյան իրականության մեջ տեղի ունեցած դեպքերից,

բայց հեղինակը պատմական իրողութիւնները վերցնելով, այլ մոտեցում է հանդես բերել: Կովկասի բնութիւնը գեղեցկութիւնը և մարդկանց հերոսական կյանքն իր բնական անարատութեամբ ու պարզութեամբ ներդաշնակում էր ուժմանտիկորեն տրամադրված Մառլինսկու ապրումներին: Եվ նա ստեղծում է հերոսական կերպարներ, կովկասյան դեմքեր բարդ հոգեբանութեամբ, հպարտ սրտով ու ազնիվ ձգտումներով, որոնք հակադրվում էին իրենց շրջապատին: Նրա Ամմալաթ-բեկն ու Մուլա-Նուրը խոռվահոլջ հոգու և բուռն կրքերի հետ միասին, միաժամանակ քաջ ռազմիկներ են ու հերոսական բնավորութիւններ: Մառլինսկու համակրանքն ամբողջովին այդ հերոսների կողմն է: Նրա Ամմալաթ-բեկը տրագիկ դեմք է. հերոսի տատանումները, հոգեկան տաղնապալից ապրումները, որոնք առաջ են դալիս երախտապարտութեան, սիրո և վրեժի զգացմունքների բաղխումից, կործանման են հասցնում Ամմալաթին:

Ամմալաթ-բեկը ռուսական դաստիարակութիւն ստացած երիտասարդ է, մոտ 23 տարեկան և նշանակված է Դաղստանի իշխանավոր՝ ռուսների կողմից: Նա բուռն կերպով սիրահարված է Սուլթան Ամեթ խան Ավարսկու գեղեցիկ աղջկա՝ Սալթանետային: Խոռվարար և անհանգիստ խանը օգտագործում է երիտասարդի սիրային զգացմունքները և խորամանկութեամբ ու խաբեութեամբ Ամմալաթի մեջ կասկածանքներ ու թշնամական տրամադրութիւն է հարուցում դեպի նրա բարեկամ ու հովանավոր՝ զնդապետ Վերխովսկին: Ամմալաթն ընկնելով խանի վարպետութեամբ նախապարաստված թակարդը՝ դավաճանական գնդակն ուղղում է իր հովանավորի կրծքին: Այդ դեպքը հետագայում նրան շատ տառադանքներ է պատճառում, բայց անօգուտ: Արշունուտ ակտը կատարվելուց հետո, նա ներկայանում է խանին Սալթանետայի ձեռքը խնդրելու: Բայց խանը մահամերձ հիվանդ է, նա տեսնելով զնդապետի արշունոտված գլուխը, անիծում է Ամմալաթին, ասելով՝ հս ցանկանում էի հաշտվել

նրա հետ, ուռաների հետ: Ամմալաթի վերադարձը արագացնում է խանի մահը և դրա համար նա արժանանում է խանի կնոջ դայրույթին: Կինը նրան մեղադրում է սրբապղծության, ուխտադրժույթյան, դավաճանության մեջ բարեկամին սպանելու կապակցությամբ և հրաժարվում է աղջկան՝ Ամմալաթին կնություն տալուց: Սալթանետան իր հերթին մերժում է աղային, ասելով՝ «Ես քեզ ցավում եմ, Ամմալաթ, բայց քոնը լինել չեմ կարող»:

Մերժված բոլորից ու հիասթափված՝ նա հեռանում է միայնակ ու հպարտ: Բոլորը դատապարտում են նրա դավաճանական քայլը: «Նրա անունը ոչ ոք առանց հանդիմանության չի արտասանում», կարդում ենք վիպակում: Վերջում նա ընկնում է ուռաների հրանոթային կրակի տակ և մահացու վերք է ստանում զնդապետ Վերխովսկու փոքր եղբոր հրանոթի արկից և դերի մնում: Այստեղ էլ մեռնում է: Մահից հետո պարզում են նրա ով լինելը: Նրա դաշույնի վրա փորագրված է լինում «Будь медлен на обиду— к мщенью скор» («Դանդաղիր վիրավորանքի համար, իսկ վրեժի համար շտապիր»): Այս խոսքերը միաժամանակ վիպակի էպիգրաֆն են հանդիսանում և պատկերացում են տալիս նրա իմաստի մասին: Ամմալաթ-բեկը բաշ, խիզախ ու համարձակ անձնավորություն է: Չնայած իր երիտասարդ լինելուն, նա ընդամենը 23 տարեկան է, հանդես է բերում անվախություն, խիզախություն: Ավարաչի խանի մոտ ապրած ժամանակ մենամարտի մեջ սպանում է վազրին, իսկ սրսի ժամանակ զնդապետին ազատում է վաչրի հովազի հետապնդումից՝ սպանելով նրան: Ամմալաթը զնդապետի մոտ սովորում է ընթերցանություն ու ծանոթանում է գիտության հետ. նա սկսում է մտածել կյանքի հարցերի մասին և պատասխան չի գտնում: Հեղինակը Ամմալաթին դուրս է բերել կյանքից հիասթափված, հպարտ և միայնակության մեջ տառապող մի անձնավորություն: Հիասթափությունը կյանքից ու պատերազմից հատուկ է և վիպակի մյուս հերոսներին: Սալթանետան, որը կրքոտ սիրում էր

Ամմալաթին, դատապարտում է արյունով ձեռք բերած փառք և խորհուրդ է տալիս «Մոռացիր պատերազմը և փառքը սպանությամբ ձեռք բերած: Ես ասում եմ արյունն այն բանից հետո, երբ քեզ տեսա նրանով ծածկված: Չիմ կարող առանց ցնցման հիշել, որ արյան յուրաքանչյուր կաթիլը քույրերի և մայրերի կամ սիրելի հարսնացուի անընդհատ արտասուքներ արժեին»: Իսկ գնդապետ Վերխովսկին ավելի որոշակի է արտահայտում այդ հիասթափությունը: Վերխովսկին քաջ ու խելոք ռազմիկ է, և մեծահոգի ու բարի անձնավորություն: Նա մտածում է ժողովուրդների բարեկեցության մասին, բայց կյանքն ու ձգձգվող պատերազմը հոգնեցնում են նույնիսկ այդպիսի մի փորձված ու կայուն ղինվորականի և նա Ամմալաթի հետ զրուցելիս դանդաղում և որպես մտերիմի ու բարեկամի բաց է անում իր սրտի գաղտնիքները:

«Այո, Ամմալաթ,— ասում է նա,— ինձ ձանձրացրել է ձեր համարյա միշտ բարկացկոտ դատարկ ծովը, ձեր երկիրը... Ինձ ձանձրացրել է ինքը, պատերազմը անտեսանելի թշնամու հետ, ինքը ծառայությունը ոչ բարչացակամ ընկերների հետ: Բավական չէ, որ խանդարել են ինձ գործում, փշացրել են այն, ինչ հրամայել էի կատարել, այլև վարկաբեկել են այն, ինչ՞ որ մտադրվել էի անել և զրպարտել են կատարածը: Ծառայել եմ հավատով ու խղճմտանքով թագավորին, անշահախնդրորեն հայրենիքին ու այս երկրին: Հրաժարվեցի ես կամավոր քսոորականս՝ կյանքի բոլոր հարմարություններից, հասարակության բոլոր ուրախություններից, դատապարտեցի իմ խելքն անշարժության, առանց դրքերի, սիրտս թողեցի միայնակության մեջ առանց սիրածի և ինչ է եղել դրա պարզելը»:

Այս մտայնությունը ուղղված էր ցարական կառավարության բռնի քաղաքականության դեմ: Հետագայում կերմոնտովը նույնպես հանգեց այդպիսի եզրակացության «Վալերիկ» հայտնի բանաստեղծության մեջ:

Մաուլինսկին համակրում էր լեռնականների ազատու-

թյան ու անկախության ձգտումը և ցայտուն գույներով էլ նկարագրել նրանց ուղղափառությունը, հերոսականությունը, նրանց պայքարը: «Ավարացիները,—պատմում է Մառլինըսկին,—ազատ ժողովուրդ են, նրանք չեն իմանում և չեն հանդուրժում որևէ իշխանություն իրենց վրա: Զբավորները համարձակ են ու չափազանց քաջ. դիպուկ հրթիռներ են, փառավոր գործում են հետիոտն, ձիով գնում են միայն արշավանքների: Նրանց ձիերը փոքր են, բայց անհավատալի ուժեղ: Նրանց լեզուն մի շարք բարբառների է բաժանվում, բայց հիմնականում լեզգիական է... Ավարացու խոսքի ճշտությունը լեռներում դառել է առած: Տանը խաղաղ են, հյուրասեր, կենսուրախ, չեն թաքցնում ոչ կանանց, ոչ էլ աղջիկներին: Հյուրի համար պատրաստ են մեռնել, վրեժ առնել մինչև սերնդի վերջը: Վրեժխնդրությունը նրանց համար սրբություն է, թալանը փառք»: Մառլինսկին անձամբ մասնակցում էր լեռնականների դեմ մղվող պատերազմին, բայց ներքուստ չէր համակրում այդ պատերազմը: Դա երկվում է ոչ միայն նրա նամակագրությունից և «Ամմալաթ բեկ» վիպակից, այլև նրա մյուս ստեղծագործություններից: Այդ տեսակետից ուշադրավ է նրա «Մուլա-Նուր» վիպակը, որի գլխավոր հերոսը հանդիսանում է ազնիվ ավազակ և խեղճերի ու չքավորների պաշտպան: Պատահական չէ, որ Բելինսկին Մուլա-Նուրին անվանել է «Թաթարական Կարլ Մոր»: Այս բնորոշումով մեծ քննադատն ընդգծել է ոչ միայն նրանց միավորող ընդհանուր գծերը, այլև այդ հերոսների ուսմանտիկական բնույթը: Մուլա-Նուրը շատ գծերով հիշեցնում է ժողովրդական հերոս Քյուռ-օղլուն: Նա քաջ է ու խիզախ, պատժում է ժլատներին ու ստախոսներին: Օգնում է չքավորներին ու աղքատներին: Մուլա-Նուրը մարդասեր է. նա մեծ գումարներ չի խլում վաճառականներից, այն էլ կատարում է խեղճերին և իր ընկերներին օգնելու համար: Բայց Մուլա-Նուրի բնավորության հիմնական գիծը հերոսականն է: Նրանից սարսափում են հարուստներն ու վախկոտները, իսկ չքավորները նրա մեջ տեսնում են իրենց բա-

բեկամին: Նա հաճախ ծպտված է շրջում: Դառնում է ջազացական, լսում է ժողովրդի մեջ շրջող կարծիքներն իր մանին և օգնության է հասնում թուլերին ու սիրող զույգերին: Մուլլա-Նուրը բարեկամություն է հաստատում քաջ և վեհանձնը Իսկանդար բեկի հետ: «Շնորհակալությունքն քեզ,—ասում է նա,—ես կհաշտվեմ թեկուզ մի մարդու հետ»,—ասում է նա Իսկանդարին: Որքան Իսկանդարը համարձակ ու անվեհեր է, նույնքան նրա ընկեր Յուսուֆը վախկոտ է ու շաղակրատ: Մուլլա-Նուրի երիտասարդ կինը, որը պատանու շորեր ունի հագած, զինաթափ է անում Յուսուֆին և բերում է ավազակների բնակավայրը: Քաջ ավազակը նրան ձեռ է առնում և վախեցնում, ուշադրություն չդարձնելով նրա շողոքորթություններին:

«Երա նրան դաս կլինի, որ վախկոտությունը փրկություն չի»—ասում է Մուլլա-Նուրը կնոջը: «Վախկոտը մեռնում է հարշուր անգամ, իսկ քաջը—մի անգամ, և այն էլ ոչ շուտ»: «Ով այնպես վախենում է մահից, նա չպետք է ապրի, դու կմեռնես»—վախեցնում է Յուսուֆին: Մուլլա-Նուրի լեկսիկոնը հարուստ է ժողովրդական արտահայտություններով ու իմաստություններով: Դրանց միջոցով հեղինակը բնութագրում է հերոսին: Յուսուֆը մահվան հեռանկարից սարսափած՝ Մուլլա-Նուրին փող է առաջարկում: Վերջինս զայրացած պատասխանում է. «Եու դիտե՛ս, թե ում ես առաջարկում, նապաստակի մորթի... Իմ կամքը չի կարելի սանձել ոչ արծաթե և ոչ էլ ոսկե սանձով»: Մուլլա-Նուրը ասպետ է, ազնվության ու քաջության մարմնացում: Նա ատում և արհամարհում է ստորությունն ու անազնվությունը, երկչոտությունը և մորթեպաշտությունը: Դրա հակառակ բարձր է գնահատում քաջությունն ու անվեհերությունը, վեհանձնությունն ու անձնուրացությունը: Նրա բարեկամությունն Իսկանդարի հետ այդ հողի վրա է տեղի ունենում: Իսկանդարը չի խուսափում Մուլլա-Նուրի հետ մենամարտից: Ընդհակառակը, համարձակությամբ ընդունում է նրա մարտահրավերը և վերջը մեծահոգություն է հանդես բերում Մուլլա-Նուրի

նկատմամբ, որը ձիով փլվածքից վայր է ընկնում. Իսկանդարը նրան օգնում է դուրս գալ անդունդից: Այս տեղից սկսած նրանք բարեկամանում են և Մուլա-Նուրը փնտրում է նրան՝ իր սիրած աղջկա հետ ամուսնանալու: Այդ նպատակով նա պատժում է ժլատ ու ստախոս մուլային, որը ոչ միայն զրպարտություններ է տարածում ազնիվ ավազակի հետքերին, այլև խանգարում է Իսկանդարի ամուսնությանը:

Այս քաջը բարի նախանձ է դգում Մուլա-Նուրի աղատ կյանքի հանդեպ և ավազակությունը բարձր է դասում վաճառականությունից, և դատապարտում է պատերազմը: Նա սսում է. «Այն երկրում, որտեղ պատերազմը ոչ այլ ինչ է, եթե ոչ թալան, իսկ առևտուրը գողություն, ավազակն ընդհանուրի կարծիքով շատ ավելի հարգելի է վաճառականից, որովհետև առաջինի ավարը դնված է խիզախությանը, աշխատանքներով ու վտանգներով, իսկ երկրորդի ավարը՝ սոսկ ճարպկությանը՝ խաբեության ու փոխանակության մեջ»: Իսկանդարն ազնիվ ու վեհանձն երիտասարդ է: Նրա բարեկամությունը Մուլա-Նուրի հետ չի խանգարում, որ նա սիրի ուսաներին: «Իսկանդար-բեկը, — ասված է վիպակում, — այնպես կրքոտ կերպով կապվեց ուսաներին, ինչպես առաջ սրտի խորքից չէր սիրում նրանց»: Գեպի ուսաներն ունեցած այդ վերաբերմունքը արտացոլում է այն դրական բեկումը, որ առաջ էր գալիս լեռնականների մեջ գեպի բարեկամական ուս ժողովուրդը: Այդ երևույթները ճիշտ է դիտված Մաուլինսկու կողմից:

Կովկասյան կյանքից վերցված նրա գրվածքներն, անշուշտ, չեն սահմանափակվում «Ամալաթ-Բեկ» ու «Մուլա-Նուր» վիպակներով: Նա գրել է նաև այլ վիպակներ ու պատմվածքներ, կենցաղային ակնարկներ, բայց բնորոշ գործերը, որոնք հեղինակի համար փառք ստեղծեցին, հիշյալ գրվածքներն են:

Մաուլինսկին թեև ումանատիկ էր, բայց նրա գրվածքների, վեպերի ու մանավանդ կենցաղային ակնարկների մեջ զգալի տեղ է գրավում լեռնական ժողովուրդների կենցաղի

նկարագրությունը, որ ռեալիստական բնույթ ունի: Այդ բու-
լորին նպաստել է այն հանգամանքը, որ Մաուլինսկին գի-
տեր լեռնականների լեզուն և լավ էր ուսումնասիրել նրանց
ավանդությունները, վարքն ու բարքը: Դա երևում է նրա
գրվածքներից, որոնց մեջ հեղինակը օգտագործել է կով-
կասյան ժողովուրդների երգերը (հիշենք «Ամմալաթ-Բե-
կում» օգտագործված երգերը), ասացվածքներն ու ավան-
դությունները և պատկերել է նրանց սովորությունները: Ի-
րենց բնույթով ռոմանտիկական ստեղծագործությունների
մեջ նա ռեալիստական տարր է մտցրել և բազմազան
դարձրել: Վիպակներում և պատմվածքներում եղած ռեա-
լիստական նկարագրություններով Մաուլինսկին իր ընթեր-
ցողներին մոտավոր պատկերացում է տվել կովկասյան ժո-
ղովուրդների կյանքի, սովորությունների ու բարքերի մասին
և դրանով ուժեղացրել է հետաքրքրությունը դեպի Կովկասը:
Բելինսկին նրա փառքի ծաղկման շրջանում քննադատական
հեռատեսությամբ կարողացավ մատնանշել Մաուլինսկու
ստեղծագործությունների աքիլեսյան դարշապարը—փայլի և
էֆեկտի նրա կիրքը, ռիտորիկան և երևույթների նկատմամբ
արտաքին մոտեցում ունենալը: «Դա պոեզիա է, բայց ոչ
մտքի, այլ հիանալի խոսքի, ոչ զգացմունքի, այլ ջերմ կրքի.
դա տաղանդ է, բայց մաքուր արտաքին տաղանդ, որը ոչ թե
մտքից է կերտում պատկերներ, այլ զեղեցիկ առարկաներ
պատրաստելու նյութից»: Այս տողերի մեջ տրված է Մաու-
լինսկու տաղանդի ընդհանուր բնութագիրը, մատնանշված
են նրա ստեղծագործությունների հիմնական թերություննե-
րը: Բայց դրանով բնավ չի նսեմացվում պատմական այն
ծառայությունը, որ մատուցել է աքսորված հեղինակը ռուս
գրականությանը և այն դրական դերը, որ նա խաղացել է
կովկասյան թեմատիկայի մշակման բնագավառում: Նրա
արտաքին փայլով ողողված ռոմանտիզմը, կովկասյան
կյանքի անսովոր և էֆեկտավոր պատկերումը հսկայական
հետաքրքրություն և համակրանք ստեղծեց ռուս ընթերցող-
ների մեջ դեպի այդ երկիրը, նրա ազատ ու համարձակ ժո-

դովորդը: Դա Մառլինսկու կարևոր ծառայություններից է: Եւ իր ստեղծագործություններով զարկ տվալ կովկասյան թեմատիկայի հետագա մշակմանը ուսս գրականության մեջ և դա նրա մյուս կարևոր ծառայությունն է:

Բայց Մառլինսկին այդ ասպարիզում միակը չէ: Այդ գործում զգալի դեր է խաղացել նաև Ալեքսանդր Պոլեժանը, որի կյանքի պատմությունը շատ ընդհանուր դժեք ունի Մառլինսկու հետ: Դառը և ողբերգական է եղել Պոլեժանի ճակատագիրը:

Մոսկվայի համալսարանի ուսանող Ալեքսանդր Պոլեժանն իր սատիրական «Սաշկա» պոեմայի համար, որը տարածվում էր ձեռագիր վիճակում, ձերբակալվեց և զինվորական ծառայության դատապարտվեց: Մառլինսկու նման նրան նույնպես շարքային զինվոր դարձրին՝ կովկասի գործող բանակում: Երեք մարտական տարիներ նա անցկացրեց կովկասյան լեռներում, Դաղստանում և այլ վայրերում: Ազատության զաղափարներով համակված երիտասարդ պոետի համար շատ ծանր էր զորանոցային կյանքը: Հասարակ զինվորի կրած տառապանքների, տանջանքների ու վիրավորանքների ազդեցության տակ նա իրեն հանձնում է ալկոհոլին: Իսկ թորախտն իր հերթին քայքայիչ դեր է խաղում նրա օրգանիզմում: Պոլեժանը չի կարողանում համակերպվել շարքային զինվորի իր դրության հետ, անկարող է լինում կրել այդ ծանրությունը և 1837 թվին ինքնակամ կերպով հեռանում է գնդից. դրա համար նրան դաժան պատժի են ենթարկում՝ մարակահարում, որից, մի քանի ամիս հետո, հիվանդ Պոլեժանը մեռնում է: Այսպիսով, նա դառնում է ցարական բիրտ կարգերի զոհը: Պոլեժանի կյանքի ողբերգական ընթացքը պայմանավորել է նրա պոեզիայի բնույթը և խոր արձագանք գտել նրանում: Կյանքի ամենաժանր պայմաններում պոեզիան եղել է նրա միակ մխիթարությունը: Այստեղ է նա դրսևորել իր հոգու խորքում կուտակված դառն ապրումները, զայրույթն ու ատելությունը: «Կործանվող լողորդի երգը», «Կենդանի մահա-

ցածր», «Քաղում», «Հուսահատություն» վերնագրերը բնորոշում են Պոլեժակի պոեզիայի բնութանուր էությունը և արտացոլում նրա միայնակության ողբերգությունը և տանջալից ապրումները:

Ծաղիկ հասակում ապրեց նա անկյանը,
Արար-աշխարհում մեռավ տրտմագին,—
Ահա, ինչպես են հիշում պոետին...

Պոլեժակի պոեզիայի բնութանուր բնկնվածության, հուսահատության, հոգնածության իշխող մոտիվներում որոշակի դրսևորված են ռազմոչինեց պոետի դեմոկրատական, ազատախոհական տրամադրությունները, լսվում են նրա բողոքի ու զայրույթի հնչյուններն՝ ընդդեմ տիրող կարգերի և ստրկական պայմանների: Պոլեժակը խորապես զգում է կյանքի հակասությունները և դառնությամբ նկատում, որ մարդիկ «կամ ստրուկներ են կամ դահիճներ»: Պոլեժակը հակադրվում է շրջապատին, ինչպես և ազնվական գրականության սկզբունքներին: Արդեն «Սաշկա» պոեմում ազնվական գրականության «քաղցր երգերին» ու ռոմանտիկական պատկերներին նա հակադրում է իրական կյանք իր ուսուցիչներին: Եվ այդ հակադրությունը որոշակի արտահայտություն է գտել նաև նրա կովկասյան պոեմներում: Կովկասի ռոմանտիկական պատկերումը խորթ չէ Պոլեժակին: Նրա մի շարք բանաստեղծություններ («Չերքեզական ռոմանս», «Փարթամ հեղեղվում է Քերեքը պայծառ» և այլն) այդ ուղղության ուժեղ արձագանքներն են հանդիսանում: Բայց Պոլեժակի «Էրպելի» և «Չիր-Յուրտ» կովկասյան պոեմներում Մաուլինսկուն հատուկ ռոմանտիկական պաֆոսը մենք չենք նկատում: Այստեղ ռոմանտիկական ոգևորության փոխարեն զգալի տեղ են գրավում ռեալիստական պատկերները: Նրա պոեմները մեծ մասամբ նկարագրական բնույթ ունեն: Ռազմական արշավանք-

ները, պատերազմական գործողությունները, զինվորների
ժանր կյանքը և նրանց խիզախությունը՝ Կովկասի բնության
ընդհանուր ֆոնի վրա՝ կազմում են այդ պոեմների հիմնա-
կան մտտիվները, Կովկասի գեղեցիկ և փառահեղ պատկեր-
ների միջից նա տեսնում է այլ աշխարհ, տանջված ու այ-
լանդակված մարդուն, ուս պինվորին, որը, ինչպես պոեմն
է նկատում,—

Որպես մի դե այլանդակ,—
Քրտնած, հոգնած, փոշոտված,
Պաքսիմաթն էր թրջում նա
Ճահճի ջրում աղտեղված...

Պոետի դառն կյանքը Կովկասում նախապայման է
հանդիսացել Կովկասի նոր ըմբռնման համար: Այդ երկրի
փառահեղ նկարագրությունը, որն այնպես վարպետությամբ
տրված է Պուշկինի և Լերմոնտովի ստեղծագործություննե-
րում, Պուլեժանը չի ընդունում, նա հակադրվում է դրան և
Կովկասին նայում է՝ նրա լեռներում տանջվող զինվորի
հայացքով: Կովկասի հիանալի պատկերները չեն ոգևորում՝
դառն ճակատագրով սպանված զինվորին և ոչ էլ զարմաց-
նում են: Նա պատրաստ է տեսնել դրանց մեջ «դատարկ
հրաշքներ» կամ «այլանդակություն, ուրիշ ոչինչ».—

Եվ պատկերները այս դյուբիշ, բուրձ
Կտակաղներ, լեռներ, անդունդները խոր,
Դիտում եմ ահա հոգով քարացած,
Դիտում եմ կամքիս իսպառ հակառակ,
Ընկճված՝ բախտի դառը լծի տակ.
Եվ հավատա ինձ, տեսնում եմ զազրիչ
Այլանդակություն, և ուրիշ ոչինչ...

(Թարգմ. 2. Մազմանյանի)

Պուլեժանի պոեմները պոլեմիկական բնույթ ունեն և

արտացոլում են հեղինակի անձնական կյանքի մուսյլ պայմաններն ու արամադրությունները: Դրանով էլ պայմանավորված է ռեալիզմի ուժեղ տարրի առկայությունը նրա պոեմներում: Կովկասի պոլեժեյան ըմբռնումը նոր երևույթ էր ուս պրականության համար:

Քերահավատ լինելով դեպի Կովկասի ուսմանտիկական պատկերները՝ Պոլեժակը, սակայն, խորապես համակրում էր Կովկասի ժողովուրդներին, որոնք կորցնում էին իրենց ազատությունը—ժողովուրդների դահիճ Նիկալայի քաղաքականության հետևանքով: Այդ քաղաքականության զոհը դարձավ նաև ինքը, ուս նշանավոր պոետը: Նրա մասին խոր համակրանքով են խոսել ուս ականավոր քննադատները: «Այդ եռանդուն տաղանդը, անհավասար և անարդյունավետ պայքարի զոհը՝ շէր կործանվի կյանքի այլ պայմաններում,— գրում է Դոբրոլյուբովը: Աշխարհին նա կարող էր պարզեել ոչ թե անեծքի ու շարության հնչյուններ, այլ մաքուր, հանգիստ ձգտումների փարթամ հնչյուններ, որովհետև Պոլեժակի տաղանդը, բացի արտակարգ ուժից, տարբերվում է նույնպես անսովոր կրթոտությանմբ ու շեշտակիությամբ» (Դոբրոլյուբով—հատ. I, էջ 281):

Պոլեժակի կովկասյան մոտիվների այս համառոտ բնութագրից հետո, մենք վերջապես, կարող ենք խոսել Միխայել Լերմոնտովի մասին:

VII

Ռուս ոչ մի գրողի մոտ Կովկասն այնքան խոր ու բազմակողմանի արտահայտություն չի ստացել, ինչպես Լերմոնտովի ստեղծագործությունների մեջ: Ոչ մի գրող այնքան ոգեշնչված սիրով չի երգել Կովկասը, որքան Լերմոնտովը: Այս հարցում նրա հետ կարող է մրցել միայն Պուշկինը: Կովկասը, իրոք, եղել է նրա երկրորդ հայրենիքը, մխիթարանքն ու ապավինը, իսկ Լերմոնտովը նրա հոգեվորդին, որդեգիրը, ինչպես այդ պատկերավոր ձևով որակել է մեր մեծ բանաստեղծ Հովհ. Թումանյանը: «Հազար հազարավոր

մեծ մարդիկ են եկել անցել Կովկասից, բայց դրանք բոլորը Կովկասի համար եղել են անցվորներ, ախոյաններ, բարեկամներ կամ հյուրեր, իսկ որդեգիրներ՝ նա շատ քիչ է ունեցել,— դրոմ է Թումանյանը: Այդ երջանիկ քչերիցը եղան երկու մեծ ոռոս բանաստեղծները—Պուշկին ու Լերմոնտով... Երբ նրանք իրենց ժամանակի ոռուսական կյանքից ու իրենց հիասթափության անսպասելի քշված, հալածված դիմում էին դեպի հարավ, նրանց խոռված ու դազազած սրտերին հեռվից, ամպերի միջից առողջ ու պայծառ ժպտացին Կովկասի ձյունափառ դադաթները՝ հոյակապ ցնորքների նման, նրանք էլ իրենց հոգու ամբողջ ուժով ու աշխուժով փաթաթվեցին Կովկասին, որդեգրվեցին Կովկասին, ու ախպերացան մեզ կովկասցիներին»:

Իրոք, Կովկասը բացառիկ դեր է խաղացել նրա կյանքում և բացառիկ կարևոր տեղ է դրավում նրա ստեղծագործությունների մեջ: Կովկասյան մոտիվները կարմիր թելի նման անցնում են նրա համարյա բոլոր կարևոր գործերի միջով, այդ լինի պոեմը, փոքրիկ լիրիքական բանաստեղծություն, թե արձակ գրվածք: Հանգամանքները նպաստել են դրան: Դեռ մանկության շրջանում, առաջին անգամ 1825 թվին, Լերմոնտովը իր տատի հետ միասին այցելել է Կովկաս: Հանգստացել է հանքային ջրերում և բուռն մանկական ջերմ սիրով կապվել այդ երկրի հետ, սիրել նրա բնության դեղեցկությունը: Այդ այցելությունները կրկնվել են և Կովկասը խորը կերպով տպավորվել է պատանու հիշողությունների մեջ: Լերմոնտովը հաճախ է հիշում իր ստեղծագործությունների մեջ Կովկասից ստացած պատանեկական շրջանի անջնջելի տպավորությունները և որդիական սեր է արտահայտում Կովկասի նկատմամբ:

Քեզ, ով Կովկաս, հզոր արքա այս երկրի,
Քեզ եմ նորից անհոգ երգս նվիրում.
Նրան օրհնիր դու իբրև քո զավակի,
Տուր հովանի քո ձյունապատ լեռներում,

Անկասելի բախտը վաղուց իմ հոգին
Շղթայել է քեզ հետ անվերջ ցնորքով.
Յուրա հյուսիսում—քեզ խորթ, օտար բնավին,
Քոնն հմ, Կովկաս, ես միշտ սրտով ու մտքով:
(Քարգմ. Ա. Մատուրյանի)

Տարիներ հետո՝ 1837 թ., Լերմոնտովն այցելում է Կովկաս արդեն որպես աքսորյալ, որպես Պուշկինի մահվան առթիվ գրած մերկացնող բանաստեղծութայն հեղինակ և Կովկասի ձյունապատ լեռները մտերմաբար ժպտում են աքսորյալ պոետին, մխիթարում ու ապավին են դառնում նրա խոռվահույզ հոգուն: Երկրորդ անգամ նա աքսորվում է 1840 թ. և այլևս չի վերադառնում հայրենիք, Կովկասում էլ սպանվում է՝ ոստիկանութայն կողմից նախապատրաստված դավադրութայն, մենամարտի միջոցով: Այսպիսով, Լերմոնտովի մանկական շրջանը, ինչպես և գիտակցական տարիները, անցել են Կովկասի կախարդական բնութայն ծոցում և հպարտ ու ազատասեր ժողովուրդների շրջանում: Այս բոլորը խորը կերպով ներդաշնակում էին Լերմոնտովի տրամադրություններին և ստեղծագործական ներշնչում տալիս նրան: Կովկասը, ինչպես ասում է Բելինսկին, դարձավ Լերմոնտովի շերմագին սիրած պոետական հայրենիքը: Դրան, անշուշտ, նպաստեցին Պուշկինի, Մառլինսկու, Պուլիժանի և Լերմոնտովի այլ նախորդների՝ Կովկասին նվիրված երկերը, որոնք արդեն պատանեկական շրջանում նրա մեջ դարձեցնում էին հետաքրքրություն Կովկասի նկատմամբ և նպաստում, հատկապես Պուշկինը, նրա Կովկասյան մոտիվների ձևակերպմանը: Լերմոնտովը Կովկասում եղած ժամանակ լուրջ կերպով ուսումնասիրել է տեղի ժողովուրդների կյանքն ու կենցաղը, նրանց ավանդություններն ու ստեղծագործությունները և այդ բոլորը առատորեն ու մեծ վարպետութամբ օգտագործել է իր անմահ հորինվածքներում: Արդեն վաղ շրջանում Լերմոնտովը Պուշկինի Կովկասի գերու ազդեցութամբ ստեղծում է իր պատանեկական պոեմները «Չերքեզները» և «Կովկասի գերին», երկուսն էլ գրված 1828 թ.:

Այս գրվածքների մեջ հեղինակը ցայտուն գույներով պատ-
կերում է լեռնականների խաղաղ կյանքն ու ռազմական
գործողությունները, համակրանքով է խոսում նրանց քա-
ջության ու խիզախության մասին: Ազդվելով իր մեծ նա-
խորդի ստեղծագործությունից՝ Լերմոնտովը, սակայն, ար-
դեն այդ շրջանի գործերում հանդես է բերում ինքնուրույ-
նություն, դեպքերի նկարագրության ու բնավորությունների
կերտման ասպարիզում ցուցադրելով իր պոետական տա-
ղանդը:

Լերմոնտովը համակրում է լեռնականներին, հարգան-
քով է խոսում ազատության համար մղած նրանց պայքարի
մասին և քննադատում է ցարիզմի նվաճողական քաղաքա-
կանությունը: 1830 թ. գրած գողտրիկ «Կովկաս» բանաստեղ-
ծության մեջ Լերմոնտովը շատ որոշակի է արտահայտել
այդ տրամադրությունները.

Կովկաս, երկիր դու հեռավոր—
Օթևան պարզ ազատության,—
Դու էլ կովում արյունահորդ,
Դու էլ ես լի դժբախտությամբ:
Մի՞թե ժայռերն, այրերը քո
Մառախուղիդ քողի ներքո
Նույնպես լսեն պիտի մեկ օր
Ճիշեր կրքոտ, զողանջ փառքի,
Հրնչեղ ոսկու և կապանքի:
Ո՛չ, մի սպասիր օրերն անցած
Հայրենիքիդ համար, շերքեզ.
Հնումն ազատությամբ շոյված՝
Նա կործանվում է հայտնապես:

(Թարգմ. Գ. Աբովի),

Այս մոտիվը հաճախ է կրկնվում Լերմոնտովի ստեղծա-
գործությունների մեջ: Մեծ պոետը խոր ցավով է պատմում

լեռնականների ազատութիւնից զրկվելու մասին: Նա սիրում էր այդ ժողովուրդներին և նրա սերը ջինջ ու անկեղծ բնույթ ուներ: Այդ մասին են վկայում նրա անմահ գրվածքները. Լեռնոնտովն այդ ստեղծագործութիւնների մեջ է գրըսեւորել դեպի լեռնականների կյանքն ու ավանդութիւններն ունեցած իր բուն հետաքրքրութիւնը: Նրա «Կալլա» (մարդասպան), «Բաստունջի աուլը» և «Հաջի—Աբրեք» պոեմները դրա լավագույն ավացույցը կարող են հանդիսանալ: Հեղինակը վառ պոետական գույներով ու բնորոշ կերպարներով պատկերում է լեռնականների մեջ դարերի ընթացքում խտացած սովորութիւնները, արշան վրեժի դաժան աղաթը: Այդ վրեժառութեամբ կուրանալով մարդ ոչնչացնում է մի ամբողջ սերունդ և հետո սոսկում է իր կատարած հանցանքի դաժանութիւնից և միայնակութեան մեջ է անցկացնում օրերը (Կալլա): Մյուսը վրեժ է լուծում ոչ թե հանցավորից, այլ նրա համար՝ ամենից սիրելի էակից, որպեսզի տանջալից ցավ պատճառի հանցավորին (Հաջի—Աբրեք): Կամ նկարագրում է հերոսի ըմբոստութիւնը քարացած սովորութիւնների ու կնոջ ստրկացած վիճակի դեմ (Բաստունջի աուլը): Այս բոլորը մեծ բանաստեղծը պատկերում է բարձր արվեստով, զուգորդում է կյանքի կենցաղի բնորոշ փաստերով և ստեղծում է լեռնականների մեջ իշխող սովորութիւնների ու նրանց դեմ խուլ ըմբոստացումների ցայտուն պատկերը:

Կենցաղի նկարագրութեան ու ազգային բնավորութիւնների կերտման տեսակետից կարևոր տեղ է գրավում «Մեր ժամանակի հերոսը». «Բելան» հատվածը ամբողջութեամբ նվիրված է լեռնականների կյանքի ու կենցաղի ռեալիստական նկարագրութեանը: Այդ մասում նկարագրված Ազամաթի և Կազբիշի ռեալ ու ամբողջական բնավորութիւնների մասին Բելինսկին շատ որոշակի է արտահայտվել. «Պրանք այնպիսի տիպեր են, ասում է քննադատը,— որոնք կարող են հավասարապես հասկանալի լինել և անգլիացուն, և գերմանացուն, և ֆրանսիացուն, ինչպես հասկանալի են նրանք ռուսին: Ահա թե ինչ է նշանակում ֆիզուրաները

նկարագրել իրենց ամբողջ հասակով, ազգային ֆիզիանոս միայով և ազգային զգեստով»:

Այս բոլորի հետ միասին, Լերմոնտովը բացառիկ ուշադրության է արժանացնում կովկասցիների դեպի զենքն ու ռազմական գործողություններն ունեցած սերը և ազատութեան ձգտումը: Կովկասցիները ռազմասեր և ազատասեր ժողովուրդ են. այսպես են պատկերված նրանք Լերմոնտովի մոտ:

Նրանց աստվածն է—լուկ ազատություն,
Նրանց օրենքը—պատերազմ, արյուն:
Եվ մտածում են խորհում օր-դիշեր,
Նրանք արտակարգ ու անգութ գործեր՝

Մատաղ հասակից նվիրված իրանց,
Թարուն ու վայրագ ասպատակությունց:
Այնտեղ հանաք չէ սպանել թշնամուն.
Անսուտ չէ և վրեժ, և մտերմություն.

Այնտեղ սովոր են բարիքին՝ բարիք,
Արյան՝ տեղ արյուն պարգևել մարդիկ.
Այնտեղ, սիրո պես խորն է, անսահման
Եվ զգացմունքը շար ատելություն...

(Թարգմ. Ա. Մատուրյանի):

Այսպես լակոնիկ է բնորոշել այդ ժողովուրդների երկու հիմնական հատկանիշները, պատերազմի և ազատության ձգտումը, որոնք հետագայում հաստատել է Տոլստոյը:

Լեոնականների պայքարը իրենց ազատության ու անկախության համար խոր արտահայտություն է գտել «Ժողովուրդի բեկ» պոեմում: Դա թեև գրված է պատանեկական տարիներին (1832 թ.), բայց աչքի է ընկնում պոետական վարպետությամբ ու քաղաքական նպատակասլացությամբ, ցածրիզմի նվաճողական քաղաքականության ուժեղ քննադատությամբ: Պատահական չէ, որ պոեմը լույս տեսավ բանաս-

տեղծի մահից շատ հետո, այն էլ ցենզուրական զգալի կըր-
ճատումներով: Այս գրվածքի մեջ կերմոնտովը ծավալուն
կերպով նկարագրել է ոչ միայն լեոնականների հերոսական
պայքարը, այլև այն բոլոր դառնություններն ու տանջանք-
ները, որ բերում է պատերազմն իր հետ: Կերմոնտովի հա-
մակրանքը, անկասկած, Իզմայիլ բեկի կողմն է, որ քաջա-
բար կռվում է իր հայրենիքի ազատության համար: Կերմոն-
տովը կովկասյան թեմատիկայի վրա լուծում է իրեն հուզող
տանջալից հարցերը, ստեղծում է կերպարներ, որոնք ար-
տացույցում են իր տրամադրությունները, մտքերն ու հույզե-
րը: Իզմայիլ-բեկը այդ կերպարներից է. դա Կերմոնտովի
սիրած խոովարար, հպարտ, կյանքից հիասթափված և մի-
այնուժյան մեջ տառապող հերոսի նախատիպն է, Արբենի-
նի, Պեչորինի, Մծիրիի նախատիպը: Բացի այդ հատկանիշ-
ներից, Իզմայիլ-բեկն օժտված է նաև այլ հատկություննե-
րով. դա նրա քաջությունը ու հայրենիքի նկատմամբ ունե-
ցած սերն է: Այդ հատկանիշները կան նաև հիշյալ հերոս-
ների մոտ, օրինակ Մծիրիի, բայց այն կոնկրետ ձևը չու-
նեն, ինչպես այդ մենք տեսնում ենք Իզմայիլ-բեկի մոտ:
Նա սոսկ պասսիվ հայրենասեր չէ, այլ զենքը ձեռքին պայ-
քարում է իր հայրենիքի անկախության համար: Նա ազա-
տության մասին վերացական երազող չէ, այլ գործնական
կյանքում իր արյան դնով պաշտպանում է հարազատ ժողո-
վրդի ազատությունը: Սրանով էլ նա տարբերվում է Կերմոն-
տովի մյուս հերոսներից: Նա չունի այն փիլիսոփայական
խորությունը, որով աչքի են ընկնում Դեմոնը, Մծիրին կամ
Պեչորինը: Իզմայիլ-բեկը դրանց նախնական վարիանտն է
գործնական հատկանիշներով, ռազմական հոգով: Նրա կյան-
քի հետաքրքիր ուղին այդ է հաստատում: Փոքրուց որպես
պատանդ ապրել է ռուսների մոտ, կրթություն է ստացել
Պետերբուրգում, որպես սպա ծառայել է ռուսական բանա-
կում, ընդունել է քրիստոնեություն, բայց այդ բոլորով հան-
դերձ չի մերվել ռուսական կուլտուրայի հետ: Փախել է
հայրենիք և հայրենակիցների հետ միասին մասնակցում է

ցարիզմի դեմ մղվող պայքարին: Այդ կովի մեջ նա աչքի է բնկնում իր ընդունակութիւններով, խելքով ու քաջութեամբ և մասսայականութիւն է վայելում հայրենակիցների շրջանում: Այս բոլորը շարժում են մեծ եղբոր Ռուստամ-Բեկի նախանձը, որի դավաճանական գնդակից սպանվում է Իգմայիլ-Բեկը: Այս պոեմայի մեջ, կերմոնտովը նկարագրում է Կովկասի տարբեր ժողովուրդների մեջ գոյութիւն ունեցող բարեկամութիւնը ու փոխադարձ կապերը: Պոետական ցայտուն դուշներով ու խոր համակրանքով հեղինակը պատկերում է լեռնականների կյանքն ու կենցաղը և ուժեղ քրննադատութեան է ենթարկում նրանց դեմ մղվող դաժան պատերազմը: Այդ բոլորին նա հակադրում է կովկասցիների նախապատերազմյան ազատ, խաղաղ կյանքը, երբ «օտարի հողի սահմանների մոտ, խաղաղ աուլները ծաղկում էին, և պարծենում փոխադարձ բարեկամութեամբ. այնտեղ յուրաքանչյուր ճանապարհորդ գտնում էր հյուրասեր օթևան և լեռնականը երջանիկ ու ազատ էր»:

Դաժան պատերազմը սկսվելուց հետո արմատապես փոխվում է կյանքի պայմանները: Լեռների բնակիչների մեջ խոսում է զայրույթն ու ատելութիւնը՝ իրենց ազատ կյանքի վրա ձեռք բարձրացնող բռնակալի դեմ: Նրանց երակների մեջ եռում է ռազմական կորովի արշույնը և նրանք պատրաստ են փառքով մեռնելու իրենց հայրենիքի ազատութեան համար:

Կովկասցու համար ազատ կյանքից բարձր ու վեհ բան գոյութիւն չունի, դրա համար նա պատրաստ է զոհելու աճեն ինչ, իր արշույնն ու կյանքը, բայց ազատութեանից չզրկվել:

Անդորրութիւն է սիրում լեռնեցին,
Հայրենի հողն է սիրում կաթողին,
Սակայն հերոսին է՛լ ավելի շատ
Թանկ է, սիրելի իր կյանքը ազատ:

Այս տողերը բնորոշում են կովկասցու ամբողջ հոգե-

կան կառուցվածքը, նրա մարտական ու ռազմական շունչը
և այդ բոլորը ցայտուն կերպով արտահայտություն է ստա-
ցել նաև լեռնականների ժողովրդական երգերի մեջ: Լերմոն-
տովը իր պոեմների մեջ հիշում է այդ տիպի երգերը, նրանց
մեջ գովերգվում է ազատությունը և ռազմական խիզախու-
թյունը.

Շատ աղջիկներ կան մեր այս սարերում,
Գիշեր ու աստղեր—նրանց աչքերում:
Ինչպիսի բախտ է—նրանց հետ ապրել,
Բայց ազատությունը թանկ է առավել:

Դու կին մի՛ առ, կտրիճ տղա,
Խոսքիս ականջ դիր.
Այդ փողերով, կտրիճ տղա
Նժույզ-ձի գնիր:

(Թարգմ. Հ. Մաղմանյանի):

Մի այլ երգի մեջ փառաբանելով հաստատակամությունը
ու սիրո հավատարմությունը՝ ժողովուրդն ասում է.

Լուսինն է լողում
Հանգիստ ու խաղաղ,
Ռազմի է գնում
Քաջասիրտ տղան,

Հրացանն է լցնում
Իգիթը անահ.
Աղջկան ասում է—
Սիրելիս, դնա

Եվ արևելքին
Եվ մարգարեին—
Աղոթիր կրկին
Դու հավատարիմ:

Ով որ վհատվի
Թշնամուց, մենակ
Նա կնախատվի,
Մեռնի անարգ:

(Թարգմ. Ս. Տարոնցու):

Հերոսական, մարտականը ռազմական ոգին—ահա թե
Կովկասցու որ գծերն են ամենից առաջ գրավում մեծ բա-
նաստեղծին: Եվ այդ գծերը նրանց հերոսական պայքարի
հետ միասին՝ նա դրսևորել է պոետական վառ ու ցայտուն
բույներով, խոր սիրով ու համակրանքով: Այդ նա էր ոգե-
վորված բացականչում՝ դիմելով սիրելի Կովկասին.

Օ՛հ իմ վեհ Կովկաս, ես սիրում էի
Ռազմատենչ բարբերը քո զավակների.
Սիրում երկինքդ կապուտակ, անհուն,
Եվ այն սքանչելի, ահեղ մոնչունը

Քո հանկարծահաս փոթորիկների,
Եվ շորս կողմերից քեզ ձայն են տալի
Խորունկ քարայրեր, սեպ սեպ բըլուրներ,
Որպես գիշերվա քաջ պահապաններ:

(Թարգմ. Ա. Մատուրյանի):

Այս սրտառուշ տողերում արտահայտություն է գտել
ուրու ժողովրդի առաջավոր զավակների դրական վերաբեր-
մունքը դեպի Կովկասի ժողովուրդը, այն էլ նրանց դեմ
մղվող կռվի ամենարորբորված շրջանում: Լերմոնտովի պոե-
մը և նրա մյուս գրվածքներն այդպիսի համակրանքի ցայ-
տուն արտահայտությունն են հանդիսանում: Լերմոնտովը
գիտակցում էր, որ ցարական բանակը բռնությամբ ու դա-
ժանությամբ էր ճանապարհ հարթում Կովկասի լեռներում:
հետագայում Լերմոնտովը որոշ խմբագրություն է մտցնում
իր վերաբերմունքի մեջ, մեղմում է այն «Վեճ» բալլադայում:
Քայց նրա բացասական դիրքը պատերազմի, ցարիզմի նվա-
ճողական քաղաքականության նկատմամբ մնում է անշ-

խախտ, Լերմոնտովը շարունակում է հերոսական դրվագներ մշակել լեռնականների մարտական կյանքից: Այս տեսակետից նրա «Փախստական» պոեմը մի ցայտուն գործ է: Հեղինակն այդ փոքրիկ պոեմը համարում է «Լեռնային լեզենդ»: Հարունը, պոեմի հերոսը, փոխանակ վրեժ լուծելու հորը և եղբորը սպանողներից, խայտառակ ձևով փախչում է մարտի դաշտից և փորձում է ապավինել բարեկամի սիրած աղջկա և մոր խանդավառ ընդունելութանը: Բայց նրանք երեքն էլ առանձին առանձին շեն ընդունում նրան, խայտառակում են և բոլորից մերժված ու հուսահատված նա ինքնասպան է լինում: Փախստականի վախճանը բնորոշ է: Այստեղ Լերմոնտովը խտացրել է կովկասյան ժողովուրդների հիմնական գծերը՝ ազատության, հայրենիքի համար փառքով մեռնելը և նրանց այրող արհամարհանքը վախկոտների ու հայրենիքի դավաճանների հանդեպ:

Չկա ոչ ոք լեռներում, որ ամոթանքը տանի,
Կվռնդե վախկոտին՝ մեր լեռնուհին գեղանի:

Ազատախոհության ու հայրենասիրության ջատագովում թյանն են նվիրված Լերմոնտովի լավագույն գործերը, որոնք կովկասյան ծագում ունեն: Ես նկատի ունեմ «Մծիրին» և «Դեր» ընդհանրացող պոեմները: Հեղինակն իր Դերն փոխադրում է Կովկասի բարձրասլաց լեռները և կոնկրետ մարդկային գծերով օժտում նրան: Խոովահույս ու հպարտ Դեր, որը հավերժական թշնամության մեջ է երկնքի ու երկրի բռնակալությունների հետ, համարում է իրեն ազատության ու ճանաչողության աստված: Նա հանգստություն ու մխիթարություն է փնտրում Կովկասի բնության գեղեցկության և շքնաղ վրացուհու՝ Քամարայի սիրո մեջ: Լերմոնտովի Դեր փիլիսոփայական խորը կերպար է, որի վերլուծությունը մեր նպատակի մեջ չի մտնում: Կասենք միայն այսքանը, որ պոեմի մեջ հեղինակը Կովկասի բնության նկարագրության

ասպարիզում հասնում է շքերազանցված կատարելության: Նրա սերը դժպի բնության հրաշալիքները, որոնք ցայտուն նկարագրությամբ զարդարված են նրա նախորդ պոեմներն ու բանաստեղծությունները, այստեղ արվեստի կատարելությանն են հասել, խտացվել ու կենդանի շունչ առել: Բնությունը նրա մոտ խորը կերպով արձագանքում է պոետի ու նրա հերոսների հոգեկան ապրումներին, նրանց վշտերին ու խնդություններին և սիրո ու երջանկության զգացմունքով է լցնում ընթերցողների սրտերը: Բնության լերմոնտովյան նկարագրությունները, հիացմունք են պատճառել իր ժամանակին ռուս մեծ քննադատ Բելինսկուն: Այս տեսակետից որքան բնորոշ են նրա խոսքերը «Թերեքի նվերներ» բանաստեղծության մասին, որոնք իր հերթին հավասարապես կարող են վերաբերել նրա մյուս գրվածքներին: «Թերեքի նվերները» հանդիսանում է Կովկասի պոետական գովերգությունը,— գրում է Բելինսկին:— Միայն հույների փարթամ կենդանի երեակայությունը կարողանում էր այդպես անձնավորել բնությունը, տալ նրա համր և ցրված երևույթներին պատկերներ ու անձնավորում... Թերեքը և Կասպին մարմնավորում են իրենցից Կովկասը, ինչպես նրա բնորոշ երևույթներ...»:

Արվեստի այդ ուժը ամբողջ գեղեցկությամբ փայլում է նաև նրա «Մծիրի» պոեմի մեջ: Մծիրին ուժեղ բնավորությամբ, հպարտ հոգու տեր է: Մեծանալով վանքում, զրկված ազատությունից ու հեռու հայրենիքից, Մծիրին, խորը կերպով տանջվում է աննկատելի վշտից— իր հայրենի երկրի, կարոտից, որտեղ մարդիկ այնպես ազատ են ապրում:

Ես լոկ մի մըտքի ուժ եմ իմացել,
Մի, բայց բոցավառ կիրք եմ ունեցել,
Նա ինչպես մի որդ ապրել է իմ մեջ,
Կըրծել է հոգիս, մաշել մինչև վերջ:
Իմ ցնորքները թոցրել, տարել է:

Այս նեղ խցերից անդորրն աղոթքի
Այն վիճ աշխարհը կըռվի, աղմուկի,
Ուր որ ժայռերը թագնվում ամպերում,
Ու մարդիկ այնպես ազատ են ապրում:

Մծիրիի կրակոտ խոստովանության մեջ մարմնացած է նրա բնավորության ուժն ու խորությունը, ազատության բուռն ծարավը և հայրենիքի մաշող կարոտը: Պատմելով վանքի խցերից դուրս ապրած երեք ազատ օրերի տպավորությունների մասին՝ հերոսն իր ժամանակի հասարակության ստրկական վիճակն է ակնարկում, երբ ասում է.—

Մըտքումըս վաղուց, վաղուց դրել եմ՝
Մի անգամ արձակ դաշտերին նայեմ,
Տեսնեմ՝ աշխարհքը սիրո՞ւն է արդշոք,
Ինչո՞ւ ենք, տեսնեմ, գալի մենք աշխարհք,
Ազատ ապրելո՞ւ, թե՞ բանտի համար:

(Թարգմ. Ն. Թումանյան)

Մծիրին ռոմանտիկ հերոս է խոռվահույզ հոգով, նա ցանկանում է հողմազայր մրրիկներ զրկել ու ձևաքերով շանթեր բռնել: Այսպիսի կրակոտ բնավորությունը կաշկանդված էր վանքի նեղ ու մռայլ պատերի մեջ: Լերմոնտովն իր բնավորությունից շատ գծեր է փոխանցել իր հերոսին: Ինչպես Մծիրին, նա տանջվում էր օտարության մեջ, զրկված հայրենիքից ու ազատությունից, և բողոքում է ու շանթեր է արձակում՝ ցարական մռայլ իրականության դեմ: Այս առումով հասկանալի է դառնում, թե ինչու Բեչինսկին Մծիրիին համարել է Լերմոնտովի ստվերը և բարձր է գնահատել պոեմի արվեստը: «Չնայած Մծիրիի գաղափարի անհասունությանը և բովանդակության որոշ ձգձգվածությունը, մանրամասնությունները և այդ պոեմի շարադրությունը հիացնում են իրենց կատարմամբ: Կարելի է ասել առանց չափազանցության, որ բանաստեղծը գույները վերցրել է ծիածանից, ճառագայթները արևից, փայլը կայծակից,

որոտը ամպից, բվվոցը քամուց,— որ ամբողջ բնությունն ինքն է նյութ բերել և հանձնել նրան, երբ նա գրել է այս պոեմը» (Բելինսկի, հ. 1-ին, էջ 516):

Մեզ մնում է խոսել երկու այլ գրվածքի մասին և դրանով եզրափակել Լերմոնտովի կովկասյան մոտիվների բնութագրումը: Ես նկատի ունեմ «Կեճ» բալլադան և «Վալերիկ» ընդարձակ բանաստեղծությունը: Դրանք երկուսն էլ բացահիկ կարևոր են մեզ հետաքրքրող հարցի լուսարանության համար: «Վալերիկ» հայտնի բանաստեղծությունը, որն սկզբում է «Я к вам пишу, случайно, право» բառերով գրված է 1840 թ., երբ Լերմոնտովը երկրորդ անգամ քսոտվեց Կովկաս և մասնակցեց Վալերիկ գետի մոտ տեղի ունեցած ճակատամարտին: Այդ ճակատամարտից ստացած տպավորություններն էլ արտացոլվել են հիշյալ բանաստեղծության մեջ: Դժվար է հիշել մի այլ պոետական երկ, որի մեջ այնքան լակոնիկ ու այնքան ցայտուն գույներով պատկերված լինեն պատերազմական գործողությունները: Այս տեսակետից Լերմոնտովի «Վալերիկը» կարող է համեմատվել միայն Ն. Տոլստոյի զինվորական պատմվածքների հետ, որոնց վրա զգացվում է Լերմոնտովի ազդեցությունը: Լերմոնտովը զարմանալի պարզությամբ ու էպիկական հանդստությամբ է նկարագրում կռվի տեսարանները: Կարգալով նրա բանաստեղծությունը, կարելի է տեսնել պատերազմն իր իսկական արտահայտությամբ՝ արյամբ, տանջանքով ու մահվամբ: Բանաստեղծությունը էպիստոլյար ձև ունի: Հեղինակն իր սիրած աղջկան պատմում է տեղի ունեցած ճակատամարտի ու իր ապրումների մասին, և նրա պատմությունը շատ պարզ ու հասարակ ոճ ունի, առանց ոգևորության նշույլի: Բայց ընթերցողն զգում է Լերմոնտովի արվեստի խորությունը և ռեալիստական ընդհանրացումների ուժը:

Լիրիքական նախաբանին հաջորդում են ռեալ տեսարաններ, դեպքերի էպիքական նկարագրություններ, որոնք հրեմն ընդհատվում են հեղինակի միջամտությամբ, լիրիքական շեղումներով:

Ահա համախմբված են զինվորները և զրուցում են անց-
յալի մասին, թե ինչպես հնում ջարդել են իրենց հակառա-
կորդ լեռնականներին և որ այդ կովից «իրենց էլ է բաժին
հասել»: Իսկ դետի մոտ խաղաղասեր թաթարը նամազ է
անում՝ աչքերը վեր չբարձրացնելով. նրան արձագանքում
են ուրիշները: Հեղինակը չի թագցնում իր խոր համակրան-
քը դեպի լեռնականները և ընդհատելով էպիքական պատ-
մությունն ասում է.

Սիրում եմ գույնը նրանց դեմքերի,
Գեղնավուն, ինչպես սրնքակալներ,
Ու փափախները, թևերը վտիտ,
Նայվածքն աչքերի—խորամանկ, միմաժ
Ու կոկորդային խոսվածքը նրանց:

Հեղինակը շարունակում է ընդհատված պատմություն-
նը: Լսվում է կրակոց, բարձրանում է տագնապ և ճակա-
տամարտն սկսվում է: Փայլում են սվինները, լսվում են
հրացանների կրակոցները, հրանոթների ու նռնակների
պայթյունները, բայց հակառակորդը շարունակում է դիմա-
դրել: Գործը հասնում է սվինամարտի, որը տևում է երկու
ժամ և տեղի է ունենում դետի հոսանքում: Հոսող մարդկա-
յին արյունից դետի ջուրը կարմրում է.—

Ալիքները այն պղտոր
Եվ տաք էին և բոսոր:

Այդ ճակատամարտը մեծ զոհեր է խլում, կապիտանն
սպանվում է. գեներալը վիրավորվում, իսկ սպանված զին-
վորների արյունոտ դիակները հավաքում են մի տեղ,
բայց կոփվը շարունակվում է, աններդաշնակություն ստեղ-
ծելով Կովկասի գեղեցիկ բնության հետ: Հեղինակը տալիս
է այն հակադրությունը, որ կա պատերազմի սարսափների
և բնության գեղեցկության միջև:

Ու սրտի խորին, անհուն տխրությամբ
Ես խորհում էի՝ մարդ ողորմելի,—

Ի՞նչ է նա ուզում, — երկինքն է պայծառ,
Ամենքի համար շատ տեղ կա երկրում,
Բայց իզուր տեղը ու միշտ, անդադրում
Լոկ նա է գժտվում, և ինչի՞ համար:

Այս տողերում հեղինակն արտահայտել է պատերազմի
խմաստին վերաբերող իր խոհերը: Ինչպես ճիշտ նկատված
է քննադատական գրականության մեջ, Լերմոնտովի այդ
պացիֆիստական հայացքները, որոնք զուգադիպում են
Մաուլինսկու համանման տրամադրություններին, նիկո-
լաևյան ռեակցիայի պայմաններում առաջադիմական երե-
վույթ էին: Դա յուրահատուկ ու խիստ դատավճիռ է հանդի-
սանում ցարիզմի կողմից հրահրվող արյունահեղ պատե-
րազմի նկատմամբ, որի նպատակը Կովկասի բռնի նվաճումն
էր: Պատերազմի նկատմամբ Լերմոնտովի ունեցած այդ
տրամադրությունները հետագայում զարգացրել ու խորացրել
է Լեվ Տոլստոյը իր զինվորական պատմվածքներում ու
«Պատերազմ և խաղաղություն» վեպում:

Լերմոնտովի «Վալերիկ» բանաստեղծությունը, որ եր-
բեմն պոեմ է համարվում, արվեստի մի կատարյալ գործ է:
Այստեղ էպիկական հանգիստ, խաղաղ նկարագրությունը եր-
ջանիկ կերպով զուգորդված է լիրիքական խոր ապրումների
հետ: Նրա նկարագրած պատերազմական տեսարանները
ոեալ են ու համոզիչ, պատկերները՝ արտահայտիչ ու ցայ-
տուն, զգացմունքները՝ ջերմ ու անկեղծ: Այս գրվածքի մեջ
Լերմոնտովի ռեալիստական արվեստը հասնում է իր ան-
նման կատարելությանը, որից այն կողմը դժվար է պատ-
կերացնել պատերազմի ոեալ նկարագրություն՝ բանաստեղ-
ծական երկի մեջ:

Այլ բնույթի գործ է Լերմոնտովի «Վեճ» բալլադան:
Այստեղ տրված է էլբրուսի և Կազբեկի զրույցը:

Ինչպես Թերեքն ու Կասպին, այնպես էլ Կազբեկն ու
էլբրուսը մարմնավորում են Կովկասը: Էլբրուսը զգուշաց-
նում է արևելքից սպասվող վտանգի մասին, բայց Կազբեկը

այդ կողմում միայն անշարժութիւնն ու խաղաղ քուն է տեսնում: Վտանգը սպասվում է հյուսիսից և Կազբեկը դիտում է ռուսական զորքի հաղթական երթը դեպի արևելք՝ Կովկասը նվաճելու.

Եվ մոռցված Կազբեկը ծեր
Իր խոհերից շար,
Ուզեց հաշվել ոսոխներին—
Նրանց թիվ չըկար:

Տխուր նայեց նա իր ցեղի,
Լեռներին համայն,
Քաշեց գլխարկը հոնքերին,
Լուեց հավիտյան:

(Քարգմ. Գ. Սարգսնի)

Ոմանք այս բանաստեղծութիւնն մեջ տեսնում են հակասութիւնն Լերմոնտովի ընդհանուր կոնցեպցիայի նկատմամբ՝ Կովկասի նվաճման հարցում. բայց այստեղ դժվար է հակասութիւնն նշել: Մեջ բերված տողերը շատ որոշակի են դարձնում Լերմոնտովի վերաբերմունքը: Կովկասի դրավումը պատմական փաստ էր, պատմական փաստ էր և նրա ընդերքի հարստութիւնների օգտագործումը, արդյունաբերութիւնն զարգացումը: Այս դրվածքի, ինչպես և «Կազակուհու օրորոցի երգը» հիանալի բանաստեղծութիւնն մեջ, Լերմոնտովը դրսևորում է իր հայրենասիրութիւնը և ռուսական ղենքի նկատմամբ ունեցած սերը: Կովկասի լեռների նվաճումը դժվար գործ էր և այդ դժվարութիւնը ռուսական բանակը հաղթահարեց: Գա հիմք դարձավ արդյունաբերութիւնն զարգացմանը, ընդերքի հարստութիւնների օգտագործմանը: Լերմոնտովը այդ բալլադայի մեջ չի արդարացնում նվաճման քաղաքականութիւնը,— դա երևում է Կազբեկի վերաբերմունքից,— այլ արձանագրում է պատմական փաստը իր առաջադեմ արդյունքներով, որը ձեռք էր բերված, ինչպես Բելինսկին էր ասում Պուշկինի պոեմի կապակցութեամբ.

ուս մարտիկների արյունով ու նրա հերոսների սխրագործութեամբ:

Լերմոնտովը բազմաթիվ բանաստեղծություններ է գրել Կովկասում և կովկասյան մոտիվներով, որոնց բոլորի մասին այստեղ խոսել հնարավոր չէ. դա նույնիսկ կարող է կրկնություն լինել այն ամենի, ինչ մենք ասացինք: Հայտնի է, որ Կովկասը անսպառ աղբյուր է եղել Լերմոնտովի ստեղծագործությունների համար: Կովկասից դուրս դժվար է պատկերացնել Լերմոնտովին: Կովկասյան թեմատիկան ու կերպարները միջոց են եղել Լերմոնտովի համար արտահայտելու իրեն հուզող հարցերը և նրա կովկասյան լիրիկան լի է այդ հուզող արամադրություններով: Նա առատ կերպով օգտագործել է ժողովրդական ավանդություններն ու երգերը, ուսումնասիրել է կովկասյան ժողովուրդների, ոչ միայն լեռնականների, այլև կազակների կյանքն ու ժողովրդական ստեղծագործությունները: Այս բոլորը հարստացրել են նրա ստեղծագործությունները, ընդարձակել սահմանները և խորացրել երևույթների մարմնավորման արվեստը: Կովկասում և կովկասյան թեմատիկայի օգնությամբ Լերմոնտովը պոետական վարպետության ու արվեստի կատարելության հասավ: Նա իր անմահ ստեղծագործությունների մեջ մարմնավորեց Կովկասի փարթամ բնությունը և ժողովրդի կյանքի ու պայքարի հերոսական գծերը, Կովկասի ռեալիստական ու ռոմանտիկական պատկերները: Նրա ստեղծագործությունների մեջ այդ երկու գծերն էլ այնքան միաձուլվել ու միասնական են հանդես գալիս, որ շատ հաճախ դժվար է սահմանազատումներ կատարել: Կովկասը ծիածանի գույներով է փայլում Լերմոնտովի ստեղծագործությունների մեջ: Շնորհիվ Պուշկինի և Լերմոնտովի, ինչպես և հետագա շրջանի կլասիկների, Կովկասը դարձավ հարազատ ուս մարդու և այն բոլորի համար, ովքեր կարդում են նրանց ստեղծագործությունները, ովքեր դաստիարակվում են նրանցով: Լերմոնտովը ծավալեց Պուշկինի սկսած գործը և ընդմիջտ իր ստեղծագործությունների մեջ փայտայեց սիրելի Կովկասի հոյակապ կերպարը:

Լերմոնտովը մեծ պոետ էր և նրա հանճարի ձևավորման ու ծաղկման գործում որոշիչ դեր է խաղացել Կովկասը: «Մենք կտեսնենք,— ասում է Բելլինսկին,— որ բուրմունքի թարմությունը, ձևի գեղարվեստական փարթամությունը, պատկերների պոետական փայլը և ազնիվ պարզությունը, էներգիան, լեզվի հզորությունը, ոտանավորների աղամանդյա ամբուսությունը և մետաղյա հնչելությունը, զգացմունքների լիառատությունը և գաղափարների խորությունն ու բազմազանությունը, բովանդակության անընդգրկելիությունը,— Լերմոնտովի պոեզիայի հարազատ բնորոշող նշաններն են և նրա ապագա մեծ զարգացման գրավականը» (Բելլինսկի, նույն տեղ, էջ 560):

Լերմոնտովի ինչպես ողջ ստեղծագործությունը, այնպես էլ նրա կովկասյան մոտիվները, խոր հետքեր են թողել ուսուցողականության զարգացման վրա: Բազմաթիվ գրողներ տարբեր ձևերով արձագանքեցին Լերմոնտովի հովկասյան մոտիվներին:

Այս տեսակետից ուշագրավ են պոետ Յակով Պոլոնսկու կովկասյան բանաստեղծությունները, որոնք գրված են 40—50-ական թվականներին, երբ հեղինակը պաշտոնական ծառայության մեջ էր Թիֆլիսում: Պոլոնսկու ստեղծագործությունների մեջ մենք չենք նկատում Լերմոնտովին հուզող հասարակական քաղաքական հարցերի արժարժումը: Նա հանդես է գալիս որպես պաշտոնական վերաբերմունքի արտահայտիչ: Կովկասը նա ընկալում, վերընդունում է անձնական ապրումների և էստետիկական տրամադրությունների պրիզմայով: Նա հանդես է բերում հետաքրքրություն դեպի կովկասցիների կյանքն ու կենցաղը, նույնիսկ Վրաստանի անցյալից գրում է դրամա («Дареджан, царица Имеретинская»): Բայց նա գլխավորապես սահմանափակվում է բնության ու կենցաղի նկարագրությամբ: Այսպես են նրա «Զրոսանք Թիֆլիսում», «Վրացուհին», «Վրացական երգ», «Քարվան» և այլ բանաստեղծությունները: Ընդհանրապես պետք է նկատել, որ Պոլոնսկու ստեղծագործությունների

հիմնական թեման եղել է Վրաստանը: Մեզ համար հետա-
քրքիր է նաև պոետի վերաբերմունքը դեպի Սայաթ-Նովան:
Վերջինիս ազդեցությունը ու նրա նմանողությունը նա գրել է
մի բանաստեղծություն, որը կոչվում է «Սայաթ-Նովա»: Այդ
բանաստեղծության հետ միասին նա մի ընդարձակ հոդված
է գրել Սայաթ-Նովայի մասին, որը 1851 թվին տպվել է
«Կավկազ» թերթում: Պոլոնսկին առաջինն էր, որ ուսու-
թեցողներին ծանոթացրեց Կովկասի մեծ պոետի կյանքին
և ստեղծագործություններին:

Պոլոնսկուց բացի, Պուշկինի և Լերմոնտովի կովկաս-
յան մոտիվներն իրենց խոր արձագանքն են գտել նաև Լև
Տոլստոյի ստեղծագործությունների մեջ: Սակայն մեծ գրողը
լինելով այլ էպոխայի ծնունդ և այլ աշխարհայացքի տեր,
տարբեր մոտեցում է հանդես բերել Կովկասի նկատմամբ:

VIII

Լեվ Տոլստոյը առաջինն էր ուսուցողների մեջ, որ խոր-
տակեց Կովկասի մասին ստեղծված ռոմանտիկական ու էք-
զոտիկական պատկերացումը և տվեց այդ երկրի ռեալ նկա-
րագիրը: Կովկասի ռեալիստական պատկերման ցայտուն
տարրերը, ինչպես մենք նշել ենք, ուսուցողականության մեջ
տեղ են գտել նաև մինչև Տոլստոյը: Հիշենք Պոլեժակին և
Լերմոնտովին: Բայց ռեալիզմը, որպես իշխող որակ, որպես
հիմնական մեթոդ լեռնային աշխարհի պատկերման գոր-
ծում, հանդես է գալիս Տոլստոյի մոտ: Արդեն առաջին զին-
վորական պատմվածքներում («Արշավանք», «Հանդիպում ջո-
կատում մոսկովյան ծանոթի հետ», Սևաստապոլյան պատ-
մվածքներ և այլն) Տոլստոյը որոշակի ռեալիստ արվես-
տագետ է ներկայանում ընթերցողին: Նրան զբաղեցնում են
ոչ թե վերացական ռոմանտիկական հերոսները, այլ իրա-
կան մարդիկ իրենց խորը հոգեկան անբավարանքով և բարո-
յական դեմքով:

«Այդ երկու դժերը՝ հոգեկան աշարհի գաղտնի շարժում-
ները խորապես գիտենալը և բարոյական զգացմունքների
անմիջական մաքրությունը, — գրում է Չերնիշևսկին Տոլստոյի
առաջին շրջանի գործերի մասին, — որոնք այժմ տալիս են

կոմս Տոլստոյի ստեղծագործություններին առանձնահատուկ ֆիզիոնոմիա, կմնան նրա տաղանդի էական գծերը, որպեսզի նոր կողմեր էլ երևան նրա հետագա զարգացման ընթացքում: Չերնիշևսկու այդ կանխագուշակումը հաստատվեց Տոլստոյի հետագա, հասուն շրջանի գրական գործունեությանը: Իրոք, մարդկային հոգու դիալեկտիկայի նկարագրությունը: և բարոյական զգացմունքների մաքրությունը հանդիսացան մեծ գրողի տաղանդի էական առանձնահատկությունները: Այդ հիմնական գործերը գրսևորվել են նրա դեռևս սկզբնական շրջանի գրվածքներում, Կովկասին նվիրված նրա ստեղծագործությունների մեջ:

Կովկասյան պատկերները մեծ գրողին զբաղեցրել են ոչ միայն այն ժամանակ, երբ նա ապրում էր այնտեղ (1851—53 թ. թ.) և, որպես ռուսական բանակի սպա՝ մասնակցում էր ճակատամարտերին, այլ կարելի է ասել, իր ամբողջ կյանքի ընթացքում: «Արշավանք» պատմվածքից հետո նա 1862 թվին ավարտում է դեռևս Կովկասում սկսած «Կազակներ» ընդարձակ վիպակը, 1872 թվին լույս է ընծայում «Կովկասի գերին» պատմվածքը, և 1904 թվին հիմնականում ավարտում է դեռևս 1896 թվին սկսած նշանավոր «Հաջի Մուրադ» վիպակը: Այս փաստերը վկայում են, որ Պուշկինի և Լերմոնտովի նման Կովկասյան տպավորություններն ու կերպարները շեն հեռացել մեծ վիպասանի ստեղծագործական հորիզոնից, սկսած նրա գրական գործունեության սկզբնական շրջանից մինչև կյանքի վերջին տարիները: Այդ թեմատիկայի հիման վրա Տոլստոյն արծարծել է իրեն հուզող շատ հարցեր, որոնք մարմնավորվել են իրական գեղարվեստական պատկերների մեջ: Իդեական այն բեկումն էր, որ ապրեց Լեվ Նիկոլաևիչը իր կյանքի ընթացքում՝ ազնվականության դիրքերից նահապետական գյուղացիության դիրքերն անցնելով՝ արտահայտություն է գտել նաև Կովկասին նվիրված նրա գրվածքներում:

Իր զինվորական պատմվածքներում հեղինակը շոշափում է այն հարցը, թե ի՞նչ իմաստ ունի պատերազմը, ինչ

է քաջութիւնը, և ինչ է վախկոտութիւնը: Այս հարցերին նա պատասխանում է պատերազմական գործողութիւնների և կոնկրետ անձնավորութիւնների նկարագրութեան միջոցով: «Արշավանք» պատմվածքում խիզախ կապիտան Խոսովը պատասխանելով հեղինակի առաջադրած հարցին, ասում է.— «Ոչ, քաջը նա չէ, որ քիթը խոթում է այնտեղ, որտեղ նրան չեն հարցնում... Քաջը նա է, որ իրեն պահում է ինչպես հարկն է»: Հեղինակը արշավանքի, մարտական գործողութիւնների ընթացքում հետևում է կապիտանի վարքագրածին, և նշում է.— «Նա պահում էր ճիշտ այնպես, ինչպես միշտ ես նրան տեսնում էի»: Միայն նրա հայացքի վրա նկատելի էր իր գործով զբաղվող հանգիստ մարդու ուշադրութիւնը: Արտաքինից նա մարտական տպավորութիւն չի թողնում, բայց հոգեբան արվեստագետի խորաթափանցութեամբ Տոլստոյը նկատում է նրա մեջ այնպիսի հատկութիւններ՝ պարզութիւն, հանգիստ շարժում, միահավասար ձայն և այլն, որոնք հերոսական են դարձնում նրան և հաստատում քաջութեան իր բնորոշումը: Մինչդեռ հեղինակը նկարագրում է նաև այլ սպաների. նրանք աշխատում են քաջ ձևանալ և անտեղի զոհվում են կամ աշխատում են նմանվել իրենց կարգացած զրքերի հերոսներին, Մաուլինսկու և Լերմոնտովի ուսմանտիկական կերպարներին: «Դա մեր երիտասարդ սպաներից, քաջ ջիգիթներից մեկն էր, պատմում է Տոլստոյը իր մի այլ հերոսի մասին,— որոնք կրթել են Մաուլինսկու և Լերմոնտովի համաձայն: Այդ մարդիկ նայում են Կովկասի վրա ոչ այլ կերպ, քան մեր ժամանակի հերոսների, Մոլլա-Նուրերի և այլ պրիզմայի միջոցով և իրենց ողջ գործունեութեան մեջ նրանք ղեկավարվում են ոչ թե սեփական հակումներով, այլ այդ նմուշների օրինակով»: Տոլստոյը պսակազերծ է անում նման ուս սպաներին: Նրանց մոտ քաջութիւնը՝ դա ձև է, առանց կոնկրետ բովանդակութեան, արտաքին զարդ: Ստեղծելով զինվորականների տարբեր տիպեր, Տոլստոյը նրանց մեջ խորապես տարբերում է իսկական քաջութիւնը, որը ուս ռազմիկի էական

հատկութիւնն է, կեղծ, երևույթական քաջութիւնից ու վախկոտութիւնից: Մեծ վիպասանի մոտ քաջութիւնը չի հակադրվում մարդկանց ինտելեկտուալ հատկութիւններին, ինչպես այդ անում են գոեհիկ մտածողները, այլ, ընդհակառակը, քաջութիւնն ուղիղ համեմատական է մարդու մտավոր կարողութեանը: Որքան մարդ գաղափարական է և գիտե, թե ինչի համար է ինքը կռոււում, այնքան նա քաջ է ու համարձակ իր գործողութիւններին մեջ:

«Հիշում եմ,— պատմում է «Հանդիպում...» պատմվածքի մի հերոսը,— ես մասնակցեցի Գուսակովի դեմ ուղղված վեճին և ծայրահեղութեան մեջ ընկա ապացուցելով, որ խելքը և կրթութիւնը միշտ հակառակ հարաբերական են քաջութեանը և հիշում եմ, թե ինչպես Գուսակովը հաճելի և խելոք կերպով ապացուցում էր ինձ, որ քաջութիւնը հանդիսանում է խելքի և որոշ զարգացման անհրաժեշտ արդյունքը»: Սովետական ժողովրդի հայրենական մեծ պատերազմի հերոսների անմահ գործունեութիւնը հաստատում է Տոլստոյի հայացքների ճշմարտութիւնը: Միայն գաղափարապես կռուված, իր հայրենիքի ազատութեան ու անկախութեան կարևորութիւնը գիտակցող մարտիկն է ընդունակ մեծ սխրագործութիւններին:

Շոշափելով այդ հարցերը՝ երիտասարդ վիպասանն այն կասկած է պատերազմի հետ: Լերմոնտովի նման Տոլստոյն էլ բացասաբար է տրամադրված դեպի պատերազմը, ո՞րն աններդաշնակութիւն է ստեղծում «հանգստացնող գեղեցկութեամբ և ուժով շնչող բնութեան» հետ:

«Պատերազմ. ի՞նչ անհասկանալի երևույթ է: Երբ բանականութիւնը քեզ հարց է տալիս՝ անհրաժեշտ է նա, ներքին ձայնը միշտ պատասխանում է՝ ո՞չ: Մի հանգամանք այդ անբնական երևույթը դարձնում է բնական, իսկ ինքնապահպանման զգացմունքը՝ արդար»: Այս տողերից երևում է, որ Լև Տոլստոյը որքան էլ բացասաբար է տրամադրված դեպի պատերազմի՝ անբնական համարելով այն, բայց և

այնպես իր գործունեության սկզբնական շրջանում վերջին հաշվով արդարացնում էր պատերազմը՝ լեռնականների դեմ, համարելով այն ինքնապաշտպանության միջոց: Այսպիսի մտայնումը որոշակի տուրք էր պատերազմի պաշտոնական մեկնաբանությանը, որ տվել է երիտասարդ գրողն իր գործունեության վաղ շրջանում: Այդ երիտասարդական «մեղքերը» հետագայում նա քավել է նրանով, որ անողոք քննադատության է ենթարկել Կովկասի բռնի նվաճման նիկոլաևյան քաղաքականությունը: Այս մասին դեռ խոսք կլինի՝ «Հաջի Մուրադի» վերլուծության ժամանակ: Այստեղ միայն պետք է նշել, որ Լեվ Տոլստոյը անձամբ դիտելով ուսումնասիրության վարքագիծը՝ պատերազմի պայմաններում, գեղարվեստական ընդհանրացման է ենթարկել իր տպավորությունները: Արդեն Կովկասյան պատմվածքներում ու սեյմստոպոլյան ակնարկներում Տոլստոյը առանձին գրծերով տալիս է ուսումնասիրության հայրենասիրության ու քաջության առանձնահատկությունները: Հեղինակը խոր տարբերություն է դնում քաջությունը տպավորիչ խոսքերով արտասանելու ֆրանսիական սովորության և ուսումնասիրության հերոսի քաջության միջև, որը ուժեղ խոսքեր չի արտասանում գործելիս: «Նախ այն պատճառով, որ ուժեղ խոսք ասելով նա կվախենար դրանով փշացնել մեծ գործը, ապա նրա համար, որ մարդ երբ իր մեջ զգում է մեծ գործ կատարելու ուժ, ոչ մի խոսք հարկավոր չէ: Դա, իմ կարծիքով ուսական քաջության առանձնահատուկ և վեհ գիծն է», եզրակացնում է Լեվ Տոլստոյը: Այդ բոլորի մեջ չի կարելի շտեմանել մեծ արվեստագետի խոր հայրենասիրությունը և ազգային հպարտության զգացմունքն ուսական քաջության նկատմամբ, որոնք այնքան ցայտուն ձևով մարմնացան նրա անմահ «Պատերազմ և խաղաղություն» վեպում:

Լեվ Տոլստոյի պատերազմին դեմ էր և նույնիսկ առաջին շրջանում նա թշնամություն չի ունեցել լեռնականների նկատմամբ: Արդեն «Կազակներ» վիպակում նա շատ բաներ

վերանայում է իր հայացքների մեջ և խոր համակրանքով է խոսում լեռնականների մասին: Առաջին իսկ պատմվածքներում ու վիպակներում Տոլստոյի հիմնական մեթոդը՝ մարդկանց բնավորութունների գծագրման ու դեպքերի նկարագրության ասպարիզում եղել է ռեալիզմը: «Կազակներն» այդ տեսակետից բնորոշ գործ է: Այստեղ Կովկասի մասին եղած ողմանտիկական պատկերացման խորտակումը հասցրված է իր վախճանին: Արտաստվոր հերոսների փառավոր ու էկզոտիկ պատկերներին հակադրված են իրական դեմքեր ու ռեալ կյանքը:

Վիպակի հերոս Ալեքսինը հարուստ ազնվական երիտասարդ է: Հիասթափված ու հոգնած անբովանդակ կյանքից նա ցանկանում է հեռանալ բարձր աստիճան հասարակութունից՝ ղինվորական ծառայության մեկնելով Կովկաս: Ճանապարհին մտքերով փոխադրվում է «առասպելական Կովկասը»: Այդ երկրի մասին նրա ունեցած հայացքները ձևակերպվել են Մառլինսկու ողմանտիկական վիպակների ազդեցության տակ: «Այժմ արդեն պատմում է Տոլստոյը, — նրա երևակայությունը ապագայումն էր, Կովկասում: Բոլոր երազներն ապագայի մասին միանում էին Ամմալաթ բեկերի, չերքեզուհիների, լեռների, փլվածքների, սարսափելի հեղեղատների և վտանգավոր պատկերներին: Այդ բոլորը պատկերում է մութ, անորոշ, բայց հրապուրող փառքը և սպանոնացող մահը կաղմում էին այդ ապագայի հեռաքրքրությունը»:

Այսպիսի ողմանտիկական պատկերացում ունեւր Ալեքսինը Կովկասի մասին, երբ նա բնակություն հաստատեց Թերեքի կազակների ստանիցայում և մոտիկից ուսումնասիրեց կազակների պարզ կյանքն ու կենցաղը և սիրեց այն: Այդ պարզ կյանքը, բնության հետ ձուլված մարդկանց կյանքը հեղինակը հակադրում է բարձր աստիճան հասարակությանն ու բուրժուական քաղաքակրթությանը:

«Ձեզ մոտ կեղծ է, ամեն ինչ կեղծ է» — ասում է ծերունի Երոշկան Ալեքսինին, և վերջինս համաձայն է այդ

հարակացութեանը: Ալեհինը համակրում է կազակների կյանքի պարզ ձևերն ու բնականությունը, նա ցանկանում է ձուլվել կազակներին, ապրել նրանց հետ մի կյանքով: Ալեհինն զգում է իրեն շրջապատող կազակների առավելություններն իր նկատմամբ նրանց գեղեցկությունը, ուժն ու անկասխությունը, նրանց բնավորությունների ամբողջականությունը: Այս միջոցով հեղինակը բացահայտում է իր հերոսի երկվությունը:

Զգալով հանդերձ բարձրաստիճան հասարակության աշխանդակ ու զզվելի կողմերը՝ Ալեհինը, սակայն, անկարող է դտնվում, շնայած իր բուռն ցանկությունը, ձուլվել կազակների պարզ ու նահապետական կյանքին: Հին տրագիկոսներն ու սովորությունները կաշկանդում են նրան: Դա էլ հանդիսանում է նրա տրագիկոսն: Նա ցանկանում է կտրել կապերը բարձրաստիճան հասարակության հետ, բայց լինելով բնավորությամբ թույլ ու անկազմակերպ՝ նա անկարող է լինում հաղթահարել իրեն սնուցած հասարակության ճնշումը և չի կարողանում համակերպվել նոր շրջապատին: Նրա փորձերը ամուսնանալու Մարինկայի հետ, որին նա սիրում էր, անհաջողությամբ են վերջանում: Մերժվելով կազակուհուց, որը սիրում էր Լուկաշկային, նա հեռանում է ստանիցայից խորապես միայնակ ու հիասթափված: Դա Ալեհինի անձնական տրագիկոսն է, որը վարպետությամբ նկարագրել է մեծ ռեալիստը: Այդ տիպը որոշ ինքնակենսագրական դժեր է պարունակում իր մեջ:

Ալեհինը մոտիկից ծանոթանալով կովկասյան ժողովուրդների կյանքի պայմաններին, անմիջապես շփվելով կազակների հետ և դիտելով նրանց ու արբեքների փոխհարաբերությունը, այլ պատկերացում է կազմում այդ երկրի մասին: Երևակայական Կովկասի պատկերները փրվում են դիպչելով իրական կյանքին, ռոմանտիկան տեղիք է տալիս ռեալիզմին:

«Կովկասը նրան ներկայացավ բոլորովին այլ կերպ, քան Երևակայում էր: Նա այստեղ ոչինչ չգտավ,— պատմում է

Տուլտոյը, որ նման լիներ իր երազներին և Կովկասի՝ իջ
լսած ու կարդացած նկարագրութեանը: Չկան այստեղ յա-
փընջիներ, հեղեղատներ, Ամմալաթ բեգեր, հերոսներ ու շա-
րագործներ, — մտածում էր նա: Մարդիկ ապրում են, ինչ-
պես բնությունն է ապրում, մեռնում են, ծնվում, զուգավոր-
վում են, նորից ծնվում, կովում են, խմբվում, ուտում, ու-
րախանում են և կրկին մեռնում, ու ոչ մի պայման բացա-
ռութեամբ այն անփոփոխելի պայմանների, որ դրել է բնու-
թյունը արևին, խոտին, գազանին, ծառային: Սրանք ուրիշ
օրենքներ չունեն...»:

Ստեղծելով իրական կյանքի պատկերներ՝ հեղինակը
խորը համակրանքով է ներկայացնում կազակներին, որոնք
նրա մոտ դուրս են եկել ուժեղ ու ամբողջական բնավորու-
թյուններ: Հատկապես Տուլտոյը հիանում է Լուկաշկայի
կերպարով, որը քաջ ու խիզախ կազակ է և արժանի է Մա-
րինկայի սիրուն: Կազակների դրական բնավորութեանների
հետ միասին, բնավորութեաններ, որոնք հակադրված են
Ալենինի ներքին թուլությանը, — Տուլտոյը համակրանքով է
պատկերել նաև արբեկներին, լեռնականներին, որոնք խի-
զախութեամբ վրեժ են լուծում կազակներից սպանված շե-
քեզի համար: Դժվար չէ նկատել, որ արբեկների ու կազակ-
ների այդ ընդհարումը արտաքին պատճառներից է բխում,
արհեստական ուժերի արդյունք է:

Իրականում այդ երկու ռազմասեր ժողովուրդների միջև
գոյություն ունի սեր ու բարեկամություն:

Չնայած այդ բարեկամությանն ու հարազատությանը՝
կազակների ու լեռնականների միջև տեղի էին ունենում ընդ-
հարումներ, որոնք արտաքին ուժի արդյունք էին և կատար-
վում էին իշխող դասակարգերի, ցարիզմի դրդմամբ: Տուլտո-
յը նկարագրելով մի այդպիսի ընդհարում, բնավ բացա-
սական վերաբերմունք չունի դեպի լեռնականները: Ընդհակա-
ռակը «Կազակը, — ասում է Տուլտոյը, — իր խառնվածքով
ավելի քիչ է ատում իր եղբորն սպանող շիգիթ լեռնականին,
քան զինվորին, որ մնում է նրա տանը որպեսզի պաշտպա-
նի նրա ստանիցան... նա հարգում է թշնամի լեռնակա-

ներն, բայց արհամարհում է իրեն օտար ու ճնշող զինվորին»։
Իեպի կովկասցիներն ունեցած այդ դրական վերաբերմունքն ավելի խոր ու ցայտուն կերպով դրսևորել է «Հաջի Մուրադ» վիպակում, որի մասին մենք դեռ կխոսենք։ Այստեղ անհրաժեշտ է հիշատակել մեծ գրողի մի այլ գրվածք, որը կովկասի ռեալիստական պատկերման մի ցայտուն արտահայտություն է հանդիսանում։ Ես նկատի ունեմ մանուկների համար գրած նրա «Կովկասի գերին» պատմվածքը։ Վերնագրով և նկարագրված էպիզոդով նա հիշեցնում է Պուշկինի հայտնի պոեմը։ Սակայն Տոլստոյը գերության մեջ եղած ուս սպայի դեպքը ռեալիստորեն է նկարագրել։ Պատմվածքի հերոս Ժիլինը հասարակ ուս սպա է և անտարբեր է պատերազմի ու քաջագործությունների նկատմամբ։ Մորից նամակ ստանալով, նա շտապում է վերադառնալ տուն, բայց գերի է ընկնում։

«Տոլստոյը, ինչպես նկատում է էյխենբաումը, կարծես թե Պուշկինի հետ վեճի կամ մրցման է մտնում։ Նա ուզում է ցույց տալ, որ միևնույն նյութը կարելի է պատմել հասարակ, առանց բանաստեղծական գեղեցկացումների ու շափազանցությունների, այնպես որ բոլորը կարողանան այն հասկանալ և՛ կրթվածները, և՛ ոչ կրթվածները, և՛ հասակավորները և՛ երեխաները»։

Տոլստոյը ռեալիստական ցայտուն գույներով նկարագրում է Ժիլինի դեմքը, ապրումներն ու զբաղմունքները՝ գերության մեջ և նրա փախուստի փորձերը, որից միայն երկրորդն է հաջողությամբ վերջանում։ Ինչպես Կովկասին նվիրված մյուս գրվածքներում, այնպես էլ այս պատմվածքի մեջ, Տոլստոյը հակադրվում է Կովկասի «պայմանական, շափազանցրած ու փառահեղ» նկարագրության տրադիցիային։

Տոլստոյի անողոր ռեալիզմը ավելի ցայտուն է արտահայտվել նրա լավագույն գրվածքներից մեկում — «Հաջի Մուրադ» վիպակում։ Այդ գրվածքը նվիրված է լեռնականների պայքարի նկարագրությանը։

Հաջի Մուրադը Շամիրի գլխավոր գորավարն էր և քաջ

մարտիկ: Բանսարկությունների պատճառով Շամիրը կասկածում է նրա հավատարմությանը և ցանկանում է նրան ձերբակալել: Խուսափելով Շամիրի և նրա մարդկանց հետապնդումներից՝ Հաջի Մուրադն անձնատուր է լինում ուռաներին, տեսակցում է փոխարքա Վորոնցովի հետ և շփվում է նրա շրջապատի մարդկանց հետ: Նա ցանկանում է ուռաների օգնությամբ պատժել Շամիրին և ազատել գերության մեջ մնացած իր ընտանիքը: Բայց Հաջի Մուրադի հույսերը չեն արդարանում: Նա փորձում է փախչել ուռաներից՝ ընտանիքն ազատելու համար: Նրան հետապնդում են և նա ուժեղ դիմադրություն ցույց տալուց հետո հերոսաբար մեռնում է: Վիպակում նկարագրված է Հաջի Մուրադի կյանքի այդ պատմությունը և դրանում ակնբախ երևում է հեղինակի՝ դեպի լեռնականներն ու Հաջի Մուրադն ունեցած համակրանքը: Այդ վերաբերմունքը նա արտահայտում է գեղարվեստական կոնտրաստների իր սիրած պրիոմի միջոցով:

Շամիրին նա հակադրել էր Նիկոլայ Թադավորին: Վերջինիս կյանքը նկարագրված է սարկազմով և ատելությամբ: Նա անողոք քննադատության ու ծաղրի է ենթարկել նրա ուղմական ծրագրերը և մերկացրել այլասերված կենցաղն ու դաժանությունը: «Նրա ամբողջ կյանքը,— գրում է Տոլստոյը Նիկալայի մասին,— սկսած այն զարհուրելի ժամից, երբ նա հրաման տվավ կարտեշով կրակել Սենատի հրապարակում հավաքված ամբոխի վրա, մի անընդհատ և սարսափելի ոճրագործություն է»:

Լեռնականների դեմ շարունակվող պատերազմը, ըստ Տոլստոյի, այդ ոճրագործությունների թվին է պատկանում:

Վաղուց հաղթահարած լինելով երիտասարդական շրջանի ըմբռնումները կովկասյան պատերազմի մասին՝ Տոլստոյը հետագայում այդ պատերազմը առանց վարանելու դատապարտում է, և սիրով է խոսում իրենց անկախությունը պաշտպանող կովկասյան ժողովուրդների, նրանց քաջության ու հերոսության մասին: Այս տեսակետից հատ-

Գապին ուշագրավ է Հաջի Մուրադի կերպարի կերտումը, որը կատարված է մասամբ իր անձնական տպավորությունների և մասամբ էլ ուսումնասիրած նյութների հիման վրա: Յայտուն է դժագրած Հաջի Մուրադի դիմանկարը: Նա հանդես է գալիս որպես խելոք ու քաջ ուղմիկ և միաժամանակ վեհանձն ու հպարտ անձնավորություն: Հաջի Մուրադի նրկատմամբ եղած այդ համակրանքը որոշակի արտահայտություն է ստացել վիպակում: Զինվորները երբ լսում են Մուրադի ուսանների կողմն անցնելու մասին, աշխույժ արձագանքում են դրան. նրանցից մեկն ասում է «Շամիլի առաջին հրամանատարն է եղել: Իսկ հիմա վախ չկա»: Իսկ երկրորդն ավելացնում է. «Բայց կտրիճ է, ինչ ասել կուզի, ջիզիթ է»: Զինվորների հետ միասին, Հաջի Մուրադի քաջասրտությունը, խելքն ու վեհանձնությունն են դրվատում նաև բարձր աստիճան հասարակության ներկայացուցիչները, փոխարքա Վորոնցովի «հյուրերը»: Բայց ավելի հետաքրքիր է ուսուսպաչի կնոջ՝ Մարիա Դիմիտրևիչնայի և երիտասարդ ուսուսպա Բուտլերի վերաբերմունքը: Առաջին իսկ հանդիպումներից Բուտլերը և Հաջի Մուրադը փոխադարձաբար համակրում են իրար և բարեկամանում, իսկ Մարիա Դիմիտրևիչնան հարգանքի ակններև զգացմունքներ է տածում դեպի Հաջի Մուրադը: «Մի շաբաթ մեզ մոտ ապրեց, բացի լավությունից ուրիշ ոչինչ չտեսանք, — ասում է նա, — վարվեցող է, խելացի և արդարամիտ»: Երբ վերջում բերդ են բերում Հաջի Մուրադի կտրված գլուխը այդ երիտասարդ կինը արտասովաթոր աչքերով ու զայրույթը սրտում ասում է սպաներին. — «Դուք բոլորդ մարդասպաններ եք, տանել չեմ կարող, մարդատպաններ, ճշմարիտ... ավելի ոչինչ»:

Այս բոլորի մեջ պարզ արտահայտված է համակրանքի զգացմունքը դեպի Հաջի Մուրադը, բայց դա հարցի մի կողմն է, և հեղինակը դրանով չի սահմանափակվել: Հաջի Մուրադի կերպարն ավելի կենդանի ու ջերմ դարձնելու համար, Տոլստոյը հատուկ ուշագրություն է դարձրել նրա հոգեբանական ապրումների ու կենցաղային սովորություննե-

բի նկարագրութեան վրա: Իր հերոսի վարքագիծը մեծ գրողը պատճառաբանել է այդ տվյալներով: Հաջի Մուրադին զբաղեցնողը նրա մտորումների առարկան՝ իր ընտանիքն է, Շամիլի մոտ պատանդ մնացած որդին և դերութեան մեջ տառապող կինը՝ մյուս երեխաների հետ միասին: Ընտանիքի ճակատագրին վերաբերող ապրումները հիմնական տեղ են զբաղում Հաջի Մուրադի մոտ, այդ հոգեբանական ապրումների համար հեղինակը ստեղծել է համապատասխան կենցաղային ֆոն և օդապորձել է լեռնականների ժողովրդական պոեզիան, որի մասին Տոլստոյը հիացմունքով է արտահայտվել համարելով այն «անսովոր բանաստեղծական գանձ»: Այդ երգերից մեկը, որը նվիրված է վրիժառուությանը, ազատ փոխադրութեամբ մեջ է բերված վիպակի 20-րդ գլխում:

«Գերեզմանիս հողը կշորանա, և դու ինձ կմոռանաս, մա՛յր իմ հարազատ: Շիրիմների խոտով գերեզմանոցը կծածկվի, և խոտը կխլացնի վիշտը, հա՛յր իմ ծերունի: Քրոջս աչքերում արտասուքը կցամբի և վիշտը նրա այտիցը կթռչի...»

Տաք ես դու, ո՛վ գնդակ, և մահաբեր, բայց արդյոք դո՞ւ չէիր իմ հավատարիմ ստրուկը: Սև՛ հող, դու ինձ կծածկես, բայց արդյոք ե՞ս չէի ձիով քեզ կոխտոտմ: Սառն ես դու, ո՛վ մահ, բայց ես քո տերն էի:

Հողն իմ մարմինը կվերցնի, երկիրը հոգիս կընդունի: Իր ժամանակին բանաստեղծ Ֆետը այդ երգի արձակ թարգմանությունը վեր է ածել շափածոյի.—

Станет насыпь могилы моей просыхать,—
И забудешь меня ты, родимая мать;
Как заглушит трава все кладбище в конец,
То заглушит и скорбь твою, старый отец;

А обсохнут глаза у сестры у моей,
Так и вылетит горе из сердца у ней.

Ты, горячая пуля, смерть носишь с собой,
Но не ты ли была моей верной работой?

Земля черная, ты ли покроешь меня?
Не тебя ли топтал я ногами коня?
Холодна ты, о, смерть, даже смерть храбреца;
Но я был властелином твоим до конца.

Свое тело в добычу земле отдаю,
Но зато небеса примут душу мою.

Լեռնականների այդ հրգը խոր արձագանք է գտնում Հաջի Մուրադի խոռովահույզ հոգում և նրա մեջ վերակենդանացնում անցյալի հուշերը: Նման միջոցներով հեղինակը մաքսիմալ էֆեկտի է հասնում հերոսի կերպարի կերտման ասպարիզում, այն դարձնելով ջերմ ու կենդանի:

Այս բոլորը որոշակիորեն հաստատում են Տոլստոյի դեպի կովկասյան ժողովուրդները ունեցած համակրանքը և հատկապես Հաջի Մուրադի անձնավորությունն ունեցած բուն հետաքրքրությունը:

Նրա համար լեռնական ժողովուրդների քաջությունն ու հերոսությունը կասկածից դուրս է եղել: Այդ երևում է ոչ միայն Հաջի Մուրադի և նրա կողմնակիցների մահը նկարագրելիս, որոնք հակառակորդի գերազանց ուժերի դեմ կռվում են մինչև վերջին շունչը, այլև հեղինակի համակրանքն արտահայտող՝ Բուտլերի կերպարի միջոցով: Բուտլերը ուսու բանակի սպա է. Պետերբուրգում եղած ժամանակ նա թղթախաղում տանուլ է տալիս իր վերջին ունեցածը և թղթախաղի դալթակությունից խուսափելու համար, գվարդիայից դուրս գալով ծառայության է մեկնում կովկաս: Այս նոր վայրն իր պատերազմական գործողություններով համընկնում են Բուտլերի տրամադրություններին: Ընդհանրապես կովկասը, նրա քաջ զավակներն ու գեղատեսիլ բնությունը իրենց արտասովոր պոեզիայով ներդաշնակում են

հերոսի կենսութիւնն ու ողորմանտիկ բնավորութեանը: Նա շատ ուրախ է, որ դուրս է եկել Պետերբուրգի բարձրաստիճան սպայական միջավայրից և ապրում է «այստեղ, այս սրանշելի երկրում, կտրիճ կովկասցիներէ շրջանում»:

«Բուտլերը նայում էր այդ սարերին, լիաթոք օդ էր ծրծում և ուրախանում, որ նա ապրում է, ապրում է հենց ինքը և այն էլ այդ գեղատեսիլ վայրում»: Բուտլերին շնորհազեցնում պատերազմի սարսափները: Նա այդ մասին բնավ չի էլ մտածում և աշխատում է շնորտակել պատերազմի մասին ունեցած «իր բանաստեղծական պատկերացումը»: Նա վայելում է շրջապատի համակրանքն իր քաջութեամբ ու ազնվութեամբ: Պատերազմը, կռիվը նրա տարերքն է, նա մահից չի վախենում: Հեղինակն ասում է. «Բուտլերի միակ մխիթարութեամբն այդ ժամանակ ռազմական պոեզիան էր, որին նա անձնատուր էր լինում ոչ միայն ծառայութեան ժամանակ, այլև մասնավոր կյանքում: Չերքեզի շորեր հագած՝ նա ձիով ջիզիթութեամբ էր անում»: Այս տողերի մեջ զգացվում է Տոլստոյի դրական վերաբերմունքը դեպի այդ երիտասարդ ուռա սպան. ջերմութեամբ կերտելով նրա կերպարը՝ հեղինակը զգալի տեղ է հատկացնում նաև ուռազինվորների կովկասյան կյանքի նկարագրութեանը:

«Հաջի Մուրադը» և Տոլստոյի կարևոր գործերից է: Պատմական ու գեղարվեստական մեծ արժանիքների հետ միասին այդ վիպակն ունի միաժամանակ փիլիսոփայական էություն, որ պարզորոշ արտահայտված է առաջաբանի մեջ: Տոլստոյը Հաջի Մուրադի կյանքը համեմատում է այն վայրի ծաղիկի հետ, որը հեշտութեամբ անձնատուր չի լինում իրեն պոկողին և թանգ է ծախում իր կյանքը: Հեղինակը ճանապարհով անցնելիս, տեսնում է թաթար կոչված գեղեցիկ ծաղիկը և ցանկանում է քաղել ու միացնել իր ծաղիկփնջին: Բայց ծաղիկը դիմադրում է, նա հեշտութեամբ չի ցանկանում զրկվել իր կյանքից և ծախում է իրեն քաղողի ձեռքերը: «Նրբ, վերջապես, ծաղիկը պոկեցի, պատմում է Տոլստոյը, — ցողունն արդեն զգզված էր և ծաղիկն

էլ այնպես թարմ ու գեղեցիկ շէր թշնամ: Բացի դրանից իր
կոպտութեամբ և տձևութեամբ փնջի քնքուշ ծաղիկներին շէր
հարմարվում: Ես ափսոսացի, որ զուր տեղը փշացրի այն
ծաղիկը, որն իր տեղումը լավ էր, ու դեն ձգեցի: «Բայց կյան-
քի որպիսի՞ հոանդ և ուժ», մտածեցի ես հիշելով այն ձի-
գերը, որ դործադրեցի ծաղիկը պոկելու վրա: «Ի՛նչպես էր
նա բուռն ուժով պաշտպանվում և ի՛նչ թանգ ծախեց իր
կյանքը»:

Այս տողերում բացահայտված է վիպակի խոր փիլիսո-
փայական իմաստը, այն է՝ ծաղիկի նման Հաջի Մուրադը և
ընդհանրապես յուրաքանչյուր մարդ «պաշտպանում է կյանքը
մինչև վերջը», ինչպես գրել է Տոլստոյն իր օրագրում
1896 թվի հուլիսի 19-ին: Այս գաղափարը արմատապես
հերքում է Տոլստոյի կրոնաբարոյագիտական ուսմունքը, շա-
րին չհակառակվելու սկզբունքը: Գուցե հենց դրանով էլ
բացատրվում է այն հանգամանքը, որ հեղինակն անհրա-
ժեշտ չի գտել հրապարակել այդ վիպակը իր կենդանության
ժամանակ: Այս ենթադրությունը շատ հավանական է: Իրոք,
խոր համակրանքով ու սիրով է կերտված Հաջի Մուրադի
կերպարը, որն այնպես համարձակութեամբ «պաշտպանում
է իր կյանքը մինչև վերջ» և ազադակող հակասության մեջ
չարին չհակառակվելու տոլստոյական ուսմունքի հետ: Բայց
այդ հակասությունը նորություն չէ: Մեծ գրողի գեղարվես-
տական ստեղծագործությունների օրեկտիվ իմաստի և նրա
կրոնաբարոյագիտական ուսմունքի միջև եղած այդ հակա-
սությունը ժամանակին նշել է Մաքսիմ Գորկին՝ ուսու գրա-
կանության մասին կարդացած իր դասախոսությունների
մեջ: «Տոլստոյի ողջ գեղարվեստական ստեղծագործությու-
նները գրված ահռելի ու հիանալի ուժով,—ասում է Մաքսիմ
Գորկին,—նրա բոլոր վեպերն ու վիպակներն արմատապես
ժխտում են նրա կրոնական փիլիսոփայությունը»: Համարձակ
«ավազակ» Հաջի Մուրադի կյանքի պատմությանը նվիրված
այս վիպակը, որը միաժամանակ ցայտուն հակացարական
բովանդակություն ունի, այդ թեղի լավագույն ապացույցը կա-

տող է հանդիսանալ: Գորկու այդ խոսքերով կարող ենք եզրափակել ևև Տոլստոյի Կովկասին նվիրված ստեղծագործությունների բնութագիրը: Այդ ստեղծագործություններն իրենց անողոր րեալիզմով և խորը գաղափարականութեամբ նոր էջ բաց արին Կովկասի ժողովուրդների կյանքի ու հերոսական պայքարի գեղարվեստորեն պատկերման պատմութեան մեջ: Այդ երկերը, ինչպես մի կաթիլ ջուր անդրադարձրել են հեղինակի աշխարհայացքի մեջ տեղի ունեցած խոր բեկումը, որը հանճարեղ կերպով բացահայտված է մեծ գրողին նվիրված Լենինի հոդվածներում: Կովկասի ժողովուրդների պայքարի ու պատերազմական տեսարանների այդ ռեալիստական նկարագրությունները կարևոր տեղ են գրավում ոչ միայն հեղինակի, այլև ռուսական և եվրոպական գրականութեան մեջ:

IX

Կովկաս այցելած ռուս գրողների մեջ կարևոր դեմք է հանդիսանում Վալերի Բրյուսովը. նրա անունը հայ գրականութեամբ ու պատմութեամբ զբաղվողներին շատ լավ հայտնի է: Մեր գրականութեանը շատ բանով է երախտապարտ այդ ականավոր պոետին ու խոշոր գիտնականին: Բրյուսովը հայկական պոեզիայի իր հայտնի թարգմանություններով, իր խմբագրած պոեզիայի անտոլոգիայով և ներածական ակնարկով հայկական պոեզիան դարձրեց ռուս և այլ ժողովուրդների սեփականութեանը: Նրա ջանքերի շնորհիվ հայկական պոեզիան ազգային սահմաններից դուրս եկավ և գրավեց իր պատվավոր տեղը համաշխարհային պոեզիայի պատմութեան մեջ: Այդ բոլորը բավական լուրջ նախապատրաստական աշխատանքի արդյունք էր: 1916 թվին Վ. Բրյուսովը գալիս է Թբիլիսի և ձեռնարկում է հայկական պոեզիայի թարգմանութեանը: Բրյուսովի աշխատանքները՝ զուգորդվում էին հայ ժողովրդի պատմութեան ու կուլտուրայի բազմակողմանի ու խոր ուսումնասիրութեամբ: Այդ նպատակով նա նույնիսկ սովորում է հայերեն լեզուն: Թե պատասխանատվութեան ինչպիսի զգացմունքով ու սիրով է նա մոտեցել ստանձնած գործին, այդ երևում է հայ

ժողովրդի պատմության ու պոեզիային նվիրված նրա փայ-
լուն ուսումնասիրություններից: Ես նկատի ունեմ «Հայ ժո-
ղովրդի պատմական ճակատագրի տարեգրությունը» աշխա-
տությունը և «Հայաստանի պոեզիայի» անսուղղիայի ներա-
ձական ակնարկը: Այս աշխատությունների մեջ Վ. Բրյուսո-
վը հանդես է բերում գիտնականի խոշոր էրոլիցիա և պոե-
տական բարձր ճաշակ՝ գրական արժեքների գնահատության
ասպարեզում: Մոտիկից ծանոթանալով և ուսումնասիրելով
իրեն զբաղեցնող նյութը, Բրյուսովն անկեղծ կերպով ոգե-
վորվում է հայկական կուլտուրայի ու գրականության ան-
մահ գանձերով: Նա ոչ միայն ըստ արժանվուն գնահատեց
հայ ժողովրդի հերոսական պայքարն իրազատության ու ան-
կախության համար, այլև վեր հանեց հայկական կուլտու-
րայի համաշխարհային նշանակությունը, ցույց տվեց այդ
ժողովրդի դերը մարդկային կուլտուրայի զարգացման պատ-
մության մեջ: «Մինչդեռ հայերը, — գրում է Բրյուսովը, —
մեր և ողջ աշխարհի ուշադրությանն ավելի բարձր իրավունք
ունեն այն բարձր կուլտուրայով, որ հայ ժողովուրդը մշա-
կել է իր անկախ գոյության երկար դարերի ընթացքում, և
այն բացառիկ հարուստ գրականությամբ, որ կազմում է
Հայաստանի թանկարժեք ավանդը մարդկության գանձարա-
նին»: Այս է այն հիմնական եզրակացությունը, որին հան-
գում է Բրյուսովն իր ուսումնասիրության ընթացքում: Հայ
ժողովրդի հերոսական պայքարի և նրա ստեղծած բարձր
կուլտուրական արժեքների նկատմամբ ունեցած այդ ոգևո-
րությունն իր բանաստեղծական արտահայտությունն է ստա-
ցել Բրյուսովի պոեզիայում:

«Девятая Камена» («9-րդ Կամենա») գրքի մեջ բա-
նաստեղծությունների մի ամբողջ շարք նա նվիրել է կով-
կասյան ժողովուրդներին: Բրյուսովը պատմական տեսան-
կյունով է նայել հարցին: «Բարբոս», «Բարոս», «Թբիլիսիում»
և այլ բանաստեղծությունների մեջ Բրյուսովն ուշադրությամբ
է դարձնում այդ քաղաքների հեռավոր պատմական անցյա-
լին և ոչ արդիականությունը: Նա ոգևորված է կովկասյան
ժողովուրդների պատմական հերոսիկայով: «Թբիլիսիում»

բանաստեղծութեան մեջ, նա վերհիշում է պատմութեան խաչ-
տարդետ ավանդութիւնները, Թամար թագուհու դարն իբ-
ազմկոտ գործերով և Սայաթ-Նովայի ժամանակները:—

Վերհուշերի մեջ, երազանքներում
Փնտրել բեկորներն անցած դարերի,
Թամարի դարը գործերով թնդուն
Նվ դարը՝ դերող Սայաթ-Նովայի:

Ավանդութիւններն հիշել շարիշար,
Դարերի հնամուրն այն խայտանկար,
Ու խոր հայացքով նայել վերստին
Ձյունապատ լեռանց սուր դագաթներին:

Նվ ստեղծում է ցայտուն պատկերներ.—

Արարատի դեմ կանգնած է փառքով,
Ձյունապատ, շողուն լեռը—Արագած,
Ու որպես մի կույս թագով պսակված,
Նայում է ծերին անփթիթ աչքով:

«Հաղթանակ Կարի մոտ» («Победа при Каррах») բա-
նաստեղծութեան հիմքում ընկած է պատմական եղելութիւ-
նը: Բրյուսովը գովերգում է հայկական զորքերի հաղթու-
թիւնը հոռմեական լեզիոնների դեմ, և նկարագրում է, թե
ինչպես հոռմեական զորավար Կրասոսի զուլի: Նվեր տարվեց
Արտաշես հայկական թագավորին: Հայ ժողովրդի պատմու-
թեան այդ հերոսական դրվագը ցայտուն գույներով ու հը-
պարտութեամբ է նշված հիշյալ բանաստեղծութեան մեջ:

Ընդհանրապես պետք է նկատել, որ Բրյուսովը ոչ մի-
այն իր պատմական ու գրական ուսումնասիրութիւնների,
այլև իր բանաստեղծութիւնների մեջ անկեղծ ոգևորութեամբ
է խոսում հայ ժողովրդի պայքարի և նրա կերտած բարձր
կուլտուրայի ու գրականութեան մասին: Այդ տեսակետից
ուշադրութեան արժանի է նրա «Հայերին» ուղերձը, որի մեջ
նա բանաստեղծական վառ պատկերներով դրսևորել է իբ-

զերմ սերն ու համակրանքը հայերի նկատմամբ, բացատրել
իր գրական վերաբերմունքը: Այդ ցայտուն բանաստեղծու-
թյամբ հեղինակը վերհիշում է հայ ժողովրդի հեռավոր
անցյալը և այն փոթորիկները, որոնք եկել ու անցել են
հրա խռովահույզ լեռներով:

Իրարամերժ զույգ աշխարհքի
Մեջտեղն էք միշտ եղել կանգուն.
Ձեր հայրենի ասքի խորքից
Գարերն են հին արձագանքում:

Գլխովն են ձեր անցել անդու
Փոթորիկներ միշտ նորանոր—
Նվ Կյուրոսի որտաը խույ,
Ալեքսանդրի դռույթը գու:

Բայց այդ բոլորը շեն ընկճել հայերին: Հայ ժողովուրդը
ոչ միայն մարտական դիմադրություն է ցույց տվել ահեղ
փոթորիկներին, երբ ցեղեր շղիմանալով հիմնահատակ կոր-
ծանվեցին, այլև անշեշ է պահել ստեղծագործական հուրը.—

Ընդվրզումով Հոռմի հրպարա
Ցած բերեցիք դուք զենքն ու զարդ.
Հուստինյանի մարտին ահեղ
Գընդերն ելան ձեր փառահեղ:

Հողմից գարնան ծաղիկն ինչպես—
Թերվել է ձեր գլուխը վես.
Տեսաք Չինգիզ, Թեմուրն անգութ,
Կիսալուսնի խրախճանքը մութ:

Ձեր շուրջն երկու աշխարհ ետուն
Բնաջինջ եղան խուլ պալքարում.
Բայց չըզորեց ոչ մի շար բախտ
Ընկճել մարտիկ ոգին ձեր հաղթ:

Նա ղերթ հըղկված քարն ալմազի
Շողքերն ամեն պահեց իր մեջ—
Եվ վարդի բույրը Շիրազի
Եվ հոմերյան ճաճանչն անշեշ:

Այս բոլորից հետո Բրյուսովն անդրադառնում է հայերի արդի տխուր վիճակին (բանաստեղծությունը գրված է 1916 թ.) և հավատ է հայտնում, որ «Տիգրանի հաղթական ազգը» նոր սխրագործություններով կանմահացնի իրեն և խոլ փոթորիկներից ու մուժից դուրս կգա «աստղի նման հավերժ պայծառ» և նրա երգը կհնչի «հավետ անմեռ».

Հիմա այս մեր աշխարհում նոր—
Փոթորկածուսի ու անհանգիստ,
Տեսքովը հին դարերի խոր
Կանգնած եք սեզ, խոհուն ու խիստ:

Բայց ինչ եղել է, կա անմեռ՝
Որպես պարզև, կամ դաս անանց—
Հպարտ կրում եք դուք մինչդեռ
Ձեր հին պըսակը հաղթանդանձ:

Ձույգ աշխարհի գանձն ընդերքի
Ձույած մի նոր բարձր երգի
Քրնարը քո հավետ անմեռ
Հընի վրա հնչում է դեռ:

Բրյուսովի երազանքը իրագործվեց: Հայ ժողովուրդը նոր փոթորիկից դուրս եկավ հաղթանակով: Սոցիալիստական ռեոլուցիան, սովետական կարգերը ապահովեցին նրա և նրա նման մյուս փոքր ժողովուրդների ազգային վերածնունդը, տնտեսական ու կուլտուրական վերելքը՝ Սովետական Միու-

Յայն եղբայրական ընտանիքում: Բրյուսովը բախտ ունեցաւ
տեսնելու ժողովուրդների այդ բարեկամութիւնը, որը հաս-
տատուն բարձրանում է Լենինի-Ստալինի ազգային իմաս-
տուն քաղաքականութեան հիման վրա: Նշանավոր պոետն
ըմբռնելով նոր դաշտի արձանների ճշմարտութիւնը և ազատա-
բար նշանակութիւնը մարդկութեան համար, իր վերջին տա-
րիներին ստեղծագործութեան մեջ փառաբանեց այն: Այդ շքե-
շանի բանաստեղծութիւններից է հանդիսանում Անդրկով-
կասի ֆեդերացիային նվիրւած ոտանավորը: Նա գրւած է
1924 թվին Անդրկովկասյան ֆեդերացիայի հիմնադրման
առթիւ: Հիշելով կովկասյան ժողովուրդների հերոսական
անցյալը և ի հաճույս շահագործողների հրահրվող ազգային
թշնամանքը, Բրյուսովը հրճվանքով է նշում այդ ժողովուրդ-
ների մեջ ստեղծված բարեկամութիւնը և պայծառ ապագան
սովետական արևի տակ:—

Իմ ուղջույնը այն ցեղերին, որ գծովելով դարեդար,
Կյանք են առել՝ կայսրութեան, հին աշխարհի վիթխարի
Փլուզման մեջ: Դուք շողացիք աստղերի պես լուսավառ,
Դուք արշունն եք նորոգ կյանքի, դուք ուժերն եք աշխարհի:

Պայծառ ճամբով—անձամբերից, ճահճուտներից իրենց հին
Ընթանում են՝ արխագեցին, թյուրքը, հայը, վրացին:

Բրյուսովն անցել է կյանքի և գրական գործունեու-
թեան բեղմնավոր ու փառավոր ուղի: Նրա բարեկամական
վերաբերմունքը դեպի Կովկասը և հատկապես հայ ժողո-
վուրդն ու նրա գրականութիւնը, որի մասսայականացման
համար նա այնքան շատ գործ է կատարել, հանդիսանում է
նրա գործունեութեան լուսավոր պայծառ էջերից մեկը:

Բրյուսովն իր կյանքի վերջին տարիները նվիրեց սովե-
տական կուլտուրայի շինարարութեան գործին և մեծաւ որ-
պես Կոմունիստական պարտիայի անդամ: Այս բոլորը պա-
տիվ են բերում նրան, որպես ազնիվ քաղաքացու, խոշոր
գիտնականի և նշանավոր պոետի:

Բրյուսովի ժամանակակիցներից դեպի Կովկասը, մասնավորապես դեպի Հայաստանը հատուկ սեր է տածել Յուրի Վեսելովսկին: Ոչ միայն իր բանասիրական հոգվածներով, այլև իր բանաստեղծություններով նա մեծ գործ է կատարել հայկական կուլտուրայի մասսայականացման գործում, արտահայտելով ջերմ սեր ու նվիրվածություն այն ժողովրդի նկատմամբ: Նա իր հոգվածներով, նվիրված հայ կուլտուրայի ներկայացուցիչներին, ինչպես և հայերենից կատարած իր թարգմանություններով հիմք դրեց այն արժեքավոր ձեռնարկությանը, որն իր փայլուն շարունակությունը գտավ Վ. Բրյուսովի բեղմնավոր գործունեության ու Մ. Գորկու դեպի հայ կուլտուրան ունեցած հոգատար վերաբերմունքի մեջ, նպաստելով հայ և ռուս ժողովուրդների գրական կուլտուրական կապերի ամրապնդմանը: Այս առումով ուշագրավ են նաև Հայաստանին նվիրված նրա ոտանավորները («Հայ ժողովրդին», «Հայերին» և այլն), թեև գրական տեսակետից նրանք զիջում են ոչ միայն Պուշկինի ու Լերմոնտովի երկերին, այլև Բրյուսովի նույն թեմայով գրած ոտանավորին:

X

Մաքսիմ Գորկու անվան հետ է կապված Կովկասի նոր մեկնաբանությունը: Կովկասը Գորկու կյանքում և ստեղծագործությունների մեջ պահպանելով հանդերձ իր բնական ուսմանտիկան, հանդես է գալիս, որպես ռևոլուցիոն պայքարի թատերաբեմ, որպես մարտական գործողությունների ռեալ վայր: Այն վերացական ուսմանտիկական շղարշը, որով պարուրված էր Կովկասը էկզոտիկորեն տրամադրված գրողների գրվածքներում, Գորկին անողոր կերպով պատճռում, դեն է գցում: Նա Կովկասին նայում է ռեալիստ արվեստագետի և ռևոլուցիոն մարտիկի աչքերով: Ինչպես իր ամբողջ գործունեությամբ, այնպես և Կովկասին նվիրված իր հոգվածներով ու ակնարկներով, Գորկին նոր մոտեցում

է հանդես բերում, նոր խոսք է ասում ուսս գրականութեան պատմութեան մեջ:

Շարունակելով Պուշկինի և Լերմոնտովի լավագույն տրագիցիաները դեպի Կովկասն ունեցած նրանց բոցավառ սերը, և Լեվ Տոլստոյի անողորմ եհալիզմը, Գորկին այդ բողոքին ավելացնում է իր ռեալուցիոն ոգին և Կովկասը նրա մոտ հնչում է այլ ակորդներով և լուսավորում այլ, ավելի պայծառ ու հզոր լույսով: Գորկիով սկսում է ավելի բարձր էտապ Կովկասի գեղարվեստական յուրացման ասպարիզում:

Կովկասը շատ է դբաղեցրել Մաքսիմ Գորկուն, եղել է նրա ստեղծագործական և, կարելի է ասել, ռեալուցիոն գործունեության օրրանը: Իր գրական գործունեության արշալույսին Գորկին շրջագայել է Կովկասում և 1891 թ. աշնանը բնակություն է հաստատել Թբիլիսիում, որտեղ մնացել է մինչև 1892 թ. վերջերը: Այստեղ, հենց սկզբից Գորկին կապվում է ռեալուցիոնորեն տրամադրված շրջանների հետ, լինում է քաղաքական հայացքների համար աքսորված մարդկանց շրջանում (հիշենք Կալուժնինի հետ ունեցած նրա բարեկամությունը, որը կարևոր դեր է խաղացել Գորկու կյանքում) և բանվորություն է անում Թբիլիսիի երկաթուղային արհեստանոցում: Այդ շրջանում նա շրջագայում է Վրաստանում, ուսումնասիրում տեղի ժողովուրդների կյանքը և իր նախնական գործունեությամբ նպաստում է աշխատավորների ռեալուցիոն գաղափարական դարթոնքին: Պատահական չէ, որ 1898 թ. Գորկուն էտապով բերում են Նիժնի-Նովգորոդից և ձերբակալում Թբիլիսիի Մետեխի բանտում: Թբիլիսի, Բագու, Մայկոոպ և Կովկասյան այլ քաղաքներ Գորկին մինչև ռեալուցիան՝ մի քանի անգամ է այցելել. նա շատ լավ գիտեր ժողովուրդների կյանքը, բարքերը, ուսումնասիրել էր նրանց փոխհարաբերությունները և ծանոթ էր այդ ժողովուրդների ռեալուցիոն ոգուն: Իր գործունեության ընթացքում Գորկին շատ մեծ ծառայություններ է մատուցել Կովկասյան ժողովուրդներին, ամեն կերպ

աշխատել է մասսայականացնել նրանց կուլտուրական հարստությունները, բարձր է գնահատել նրանց գրական մեծարժեքները: Բավական է հիշել, որ դեռևս 1916 թ. Գորկու խմբագրությունը լույս տեսավ «Հայ Գրողների» ժողովածուն: Նա պատրաստվում էր խմբագրելու վրացական գրականության ժողովածուն: Այդպիսի ժողովածուներ նվիրվելու էին նաև ադրբեջանական, թաթարական և կովկասյան մյուս ժողովուրդների գրականություններին: Մինչև իր կյանքի վերջը Գորկին լուրջ հետաքրքրություն էր հանդես բերում դեպի կովկասյան ժողովուրդների գրականությունը՝ բարձր գնահատելով այն: Հիշենք, որ գրողների համագումարում Գորկին 20-րդ դարի Հոմերոս անվանեց Գաղստանի ժողովրդական երգիչ Սուլեյման Ստալսկուն: Գորկին անձնական կապերով, նամակներով կապված էր Վրաստանի ու Հայաստանի մի շարք գրողների ու գրականագետների հետ: Այս փաստերը բավական են ասելու թե Գորկին ինչպիսի սեր է տածել դեպի կովկասյան ժողովուրդները և նրանց գրականությունը: Բայց կան և այլ փաստեր, պերճախոս վիպություններ, որոնք այդ տեսակետից պակաս հետաքրքրություն չեն ներկայացնում, ընդհակառակը ընդարձակում ու խորացնում են մեր գիտելիքները այդ մասին:

Արդեն առաջին այցելության շրջանում Գորկին լուրջ կերպով ուսումնասիրում է տեղի ժողովուրդների կյանքն ու բարքերը, ուշադրությամբ լսում է նրանց ավանդությունները: Այժմ արդեն հայտնի է, որ Գորկին դեռևս առաջին շրջանում Կովկաս եղած ժամանակ մոտիկ ծանոթություններ է հաստատել նաև Թբիլիսիի հայկական-գրական կուլտուրական շրջանների հետ: Նա ծանոթ է եղել «Մշակ»-ի խմբագիր Գրիգոր Արծրունուն և բժիշկ՝ Ս. Վարդանյանցին: Վերջինիս գրչին են պատկանում հետաքրքիր հուշեր Գորկու այդ շրջանի կյանքի մասին: Ինչպես նշվում է Գորկու մասին վերջերս հրատարակված նյութերում, մեծ գրողը Կովկասում եղած ժամանակ հավաքել է ֆուկլորային նյութեր: Բացի «Մակար Չուպրա» գրվածքից, Գորկին այստեղ է ձեռ-

նարկում գրել Գանկույի լեզենդան և «Աղջիկը և մահը» նշանովոր երկը: Նա ֆուլիորային նյութերով հարստացնում էր իր ստեղծագործությունները: Հայկական «Մշակ» թերթից նա գրի է առնում պարսկական ավազակ Նարիի մասին եղած լեզենդը: Մի այլ լեզենդ ավազակ Քերիմի մասին Գորկին լսում է հայ հրապարակախոս Արծրունուց:

Գորկու հետաքրքրության սահմանները աչքի են ընկնում իրենց ընդարձակությամբ ու բազմազանությամբ: Արդեն այդ շրջանի կովկասյան սպավորությունները հիմք են դառնում Գորկու առանձին ակնարկների համար: Հայտնի է նրա «Ուլիկից» ակնարկը: Նրա հերոսն է ազնվական թափափուկ Շաքրոն: Շաքրոն բացասական երևույթ է, բայց նա բնորոշ չէ Կովկասի ժողովուրդների վրացիների համար, որոնք սևուցիտն գործիչների փայլուն պեղծաբան են ստեղծել: Այդպիսի տիպեր կարելի է գտնել և այլ ժողովուրդների մեջ, բայց դրանով չեն բնորոշում նրանց հատկանիշները: Այդ լավ էր դիտակցում Գորկին: Կարևորն այն է, որ Գորկին հեռանալով Կովկասի վերացական ռոմանտիկական պատկերումից, ռեալիստի խորաթափանցությամբ կարողացել է բացահայտել բացասական երևույթներ ու խոցելի տեղեր՝ Կովկասի ժողովուրդների կյանքում: Պակաս հետաքրքրություն չի ներկայացնում Գորկու «Ավազակները Կովկասում» ակնարկը: Այստեղ նկարագրված է երկու ավազակների մահապատիժը, կախելու պրոցեսը՝ Գորիում, որին ականատես է եղել ինքը մեծ գրողը՝ վրաստանում կատարած իր շրջագայության ժամանակ: Մահվան դատապարտված մարդիկ իրենց պահում են հպարտ, համարձակ և չեն ընկճվում մահվան դիմաց: Նախքան մահվան օղակներն իրենց վզեր հնգյունելը նրանք պարում են: Այդքան խոր կերպով արհամարհում էին մահը և իրենց շրջապատող դահիճներին:

Գորկին նայում է այդ մահվան դատապարտվածներին ոչ որպես ավազակների և խորապես ցավակցում ու համակրում է բռնակալության զոհերին: Որքան էլ ակնարկը գրված լինի էպիկական հանգստությամբ, Գորկու զգայուն

սրտի բաբախումը հասնում է ընթերցողին: Կովկասյան մոտիվների տեսակետից ուշագրավ է «Շաթերի տոնը» ակնարկը: Այստեղ Գորկին նկարագրել է դարձյալ իր տեսածը, մահմեդական շաթերի շախսեյ-վախսեյ կրոնական տոնը, որին նա ականատես է եղել Թբիլիսիում ապրած ժամանակ: Գորկին բավական հանգամանորեն նկարագրել է շաթերի երթը, խոշտանգումների պրոցեսը, թագցնելով իր զարմանքն ու զայրույթը այդ բարբարոսական սովորության առթիվ: «Այդ երեք օրը արժանի են նկարագրության,— կարդում ենք Գորկու մոտ,— օրեր, որոնց ընթացքում արևելքի մարդկանց կրոնական ֆանատիզմը զարգանալով աղատ և անկաշկանդ, հասնում է իր բարձրագույն կետին, ընդունում է անմիտ կատաղության ձև, հաճախ խեղանդամ է դարձնում և սպանում իր ստրուկներին»: Գորկին անողոք քննադատության է ենթարկում կրոնական հետամնացության ու ֆանատիզմի այդ հիվանդոտ սովորությունը, որակում է այն «որպես սարսափելի ու զզվելի մրցություն»: Մեծ արվեստագետին զարմացնում է մարդկանց ինքնախոշտանդման ասպարիզում հանդես բերած «երկաթյա համբերությունը»:

Գորկու քննադատության նշանակությունը մեծ էր, կրթոտությունը հասկանալի: Կրոնական ֆանատիզմը կաշկանդում էր մասսաների ուղուցիտն զարթոնքը, խանդաբում էր նրանց ազատագրության գործին և Գորկին քննադատության ծանր մուրճով փշրում է տգիտության, հետամնացության կրոնական խավարի կաշկանդող շղթաները: Գորկու հետագա ակնարկներում («Մարդու ծնունդը» և այլն) մենք հանդիպում ենք Կովկասի գեղեցիկ բնության ցայտուն պատկերների, որոնք նկարագրված են խոր սիրով ու համակրանքով: Իսկ «Կալինին» ակնարկի հերոսը, որ մանկությունից լսել է Կովկասի մասին, ասում է.— «Կովկասը, եղբայր, բոլորին ձգում է: Այստեղ ապրելը լավ է, արևոտ է, ձմեռը կարճ է, շար չէ ինչպես մեզ մոտ, մրգերը առատ են, ընդհանրապես ապրելն ուրախ է»:

Գորկուն Կովկասին կապողը միայն գրական ստեղծա-

դորձական հարցերը չէին անշուշտ: Կովկասը Գորկու համար ամենից առաջ ռևոլուցիոն պայքարի կենտրոն էր: Յարական ռեակցիոն կառավարությունը, օգտագործելով կովկասյան ժողովուրդների ազգային բազմազանությունը, ամեն կերպ հրահրում էր ազգային անտագոնիզմ, անվստահություն, և ազգային շարդեր էր կազմակերպում իր իշխանությունը հաստատուն դարձնելու նպատակով: Այդպիսի մի արյունալի ռճրագործություն էր 1905 թ. հայ-թրքական կոտորածները, որը ցարական կառավարության, ոստիկանության պրովոկացիոն գործունեության արդյունքն էր: «Կովկասյան դեպքերի մասին» հոդվածում, որը ներկայացնում է «Կասպի» թերթի խմբագրի հարցման պատասխանը, Գորկին հրապարակախոսի բուռն կրքոտությամբ մերկայացնում ու անարգանքի սյունին է գամում ցարական կառավարության այդ սև գործը: Ռևոլուցիոն պաֆոսով գրված այդ փայլուն հոդվածի մեջ Գորկին շանթ ու կայծակ է թափում երկրի իշխող դասակարգերի ու նրանց կամակատարների դիմին: Ընդհանրացնելով կովկասյան արյունալի տրագեդիան՝ նա գրում է. — «Նրանք բացահայտ հրահրում են, ինչպես շներ, ուռաներին՝ հրեաների, լեհերի ու ֆինների դեմ, թուրքերին՝ հայերի ու վրացիների դեմ, քաղցած բթացած գյուղացուն՝ ուսանողների և անգամ երեխաների դեմ»: Կովկասում տեղի ունեցած սարսափելի դեպքերը նորություն չէին ցարական Ռուսաստանի տերերի համար: Այդ շատ լավ հայտնի էր և Գորկուն, որը զայրացած ասում էր. «Ինձ թվում է, որ ամբողջ երկրի համար միանման խայտառակ՝ Բազմի և Երևանի արյունալի տրագեդիան իր մոտիվներով չի տարբերվի Քիշինեյում և Վարշավայում, Ժիտոմիրում և Լոձում տեղի ունեցող համանման տրագեդիաներից: Յախիջևանում, Կուրսկում, Ռիգայում և Իվանովո-Վոզնեսենսկում, բոլոր տեղերում նկատելի են մի խումբ մարդկանց զզվելի աշխատանքը, որոնք խելագարվել են երկրի վրա իրենց իշխանությունը կորցնելու սարսափից, մարդիկ, որոնք ձգտում են արյունով ծածկել ցայտուն կերպով խփող

ժողովուրդներն՝ կյանքի ձևեր ստեղծելու իրավունքի գիտակցության հուրը»։ Գորկու այս նամակը ունի իր իրապետական և հասնում։ Նա կոչ է անում ուսական կայսրության բոլոր ժողովուրդներին՝ ինտերնացիոնալ համերաշխությամբ կռվել ընդհանուր թշնամու՝ ցարիզմի և կապիտալիզմի դեմ։ «Հարկավոր է, որպեսզի Կովկասի ու Ֆինլանդիայի, Լեհաստանի ու Ռուսաստանի բոլոր լավագույն և ազնիվ մարդիկ միանան բարեկամների մի ընտանիքում»։ Ահա Գորկու մարտական ունիոնը եզրակացությունը։ Գորկին խորապես վշտացել էր սլատահածի, արյունալից տրադեդիայի առթիվ։ «Նա այնպես ջերմ եմ սիրում այդ հիանալի երկիրը, — կարդում ենք Գորկու այդ նամակի մեջ, — որ մարմնավորում է հսկայական գեղեցկություն և ուժ, ես սիրում եմ նրա լեռները՝ թևավորված ձյուներով, հարթություններն ու ձորերը, որոնք լի են արագընթաց երգող գետերի աշխույժ աղմուկով, և նրա գեղեցիկ հպարտ զավակներին։ Լինելով Կովկասում, ես ամեն տեղ տեսնել եմ, ինչպես բարեկամաբար և խաղաղ աշխատում էին վրացիները իր ու հայի հետ, ինչպես մանկանման աշխույժ և պարզ կատակում էին նրանք, երգում ու ծիծաղում, և այնպես դժվար է հավատալ, որ այդ պարզ, հիանալի մարդիկ այժմ բուժ ու անհիմաստ կերպով ջարդում են իրար, ենթարկվելով նրանց հրահրող շար և խավար ուժերին»։ Այս տողերը լի են լիրիքական ջերմությամբ։ Գորկին վկայում է կովկասյան ժողովուրդների մեջ գոյություն ունեցող ներքին օրգանական բարեկամությունը և ինքը հանդես է գալիս այդ բարեկամության, աշխատավորների ազատագրության ջերմ պաշտպան։ Գորկին մտադրվում է գեղարվեստական մի երկ ստեղծել Կովկասի ունիոնը շարժման պատմությունից։ Նա ցանկանում է ստեղծել ունիոնը բոլշևիկի տիպը և արվեստագետի ուշադրությունը բեռնվում է Կամոյի կողմը։ Նրա լեզուն դար կյանքը գեղարվեստական ստեղծագործության առատ նյութ էր տալիս։ Գորկու հոգը միտքը աշխատել է այդ ուղղությամբ, նույնիսկ նա գրել է

մի ակնարկ-հիշողութիւն՝ Կամոյի մասին, որտեղ շատ բարձր է դնահատում հայ ժողովրդի ծոցից դուրս եկած աչք լեզենդար ունուցիտներին: Կամոն աչքի է ընկնում իր պարզութեամբ ու ճշմարտացիութեամբ, անսահման քաջութեամբ, ու ունուցիտն զգացմունքների խորութեամբ, պայծառութեամբ: Նա ունուցիտն ուսմանտիկ էր այս բառի լավագույն հմաստով: Ճինձ համար, ասում է Գորկին, Կամոն այն ունուցիտներն էր, որոնց համար ապագան իրական է ներկայից: Դա բոլորովին չի նշանակում, թե նրանք երազողներ են, դա նշանակում է, որ նրանց դասակարգային ունուցիտնութիւնը, էմոցիոնալութեան ուժն այնպես ներդաշնակ և ամուր է կառուցված, որ սնուցանում է նրանց բանականութիւնը, հող է ծառայում նրա աճման համար, կարծես ընթանում է նրա առջևից»: Կամոն գրավում է Գորկոն իր ունուցիտն խանդավառութեամբ, անսահման նվիրվածութեամբ ու բնավորութեան ամբողջականութեամբ: Դա նոր ուժի, բարձրացող դասակարգի մարմնացումն էր հանգիստանում Գորկոս համար, նրա գրական հերոսը, կովկասցին, որի մասին մեծ արվեստագետը խորին հարգանքով է խոսում:

Ունուցիտայի հաղթանակից ու սովետական կարգերի հաստատումից հետո կովկասյան ժողովուրդները նոր կյանքով սկսեցին ապրել, որի բնորոշ գիծը եղավ ժողովուրդների բարեկամութիւնն ու փոխադարձ վստահութեան միջնորդը: Կովկասի ժողովուրդները սովետական ազատարար արևի տակ, շտեմնված ծաղկման հասան տնտեսական շինարարութեան ու ազգային կուլտուրայի զարգացման բնագավառներում: Այդ բոլորը Գորկին անձամբ դիտեց 1928 թվին Կովկաս կատարած իր վերջին այցելութեան ժամանակ: Դրա արդյունքը եղավ Ադրբեջանի, Հայաստանի ու Վրաստանի մասին գրած նրա վեպերն ակնարկները: Ընդհանրապես Գորկին լուրջ ուշադրութեամբ հետևում էր կովկասյան ժողովուրդների տնտեսական ու կուլտուրական վերելքին, ձորձագանջում դրանց և անմիջապես օժանդակում ազգային

գրականությունների դարձացմանը: Ժողովուրդների ստալինյան համերաշխությունը իր ստեղծագործական նշանակությամբ մարմնացել է Կովկասում: Այդ տեսնում էր մեծ արվեստագետը և Հայաստանի տասնամյակի առթիվ գրած ուղղունի մեջ նշում.— «Անդրկովկասի ժողովուրդների ու արդյունաբերական և կուլտուրական հաջողությունները ցույց են տալիս, թե ինչպես հսկայական են բանվոր դասակարգի էներգիայի պաշարները, որը կառուցում է նոր կյանք: Թող ավելի հզոր և համարձակ ձևով էներգիան մարմնավորվի, կյանքում»: Գորկին Անդրկովկասի, նրանց ժողովուրդների և նրանց ստեղծագործական աշխատանքների մասին արտահայտել է շատ հետաքրքիր կարծիքներ, թողել է պատիվ բերող զնահատականներ: Սեր ու ջերմություն է զգացվում Գորկու վերաբերմունքի մեջ, Կովկասի ժողովուրդների ազգային կուլտուրաների մասին արտահայտած կարծիքների մեջ: «Աշխուժորեն աղմկում է սիրելի վրացի ուսմանտիկ ժողովուրդը, որը սիրահարված է իր երկրի գեղեցկությամբ, ներքա արևային գինով և հիանալի երգերով»— կարդում ենք Գորկու՝ Վրաստանի մասին գրած ակնարկում: Իսկ Հայաստանից ստացված տպավորութայնների մասին Գորկին գրում է՝ «Ինձ մոտ մնաց ամենահիանալի տպավորություն Երևան կատարած այցելությունից և Հայաստան կատարած շրջագայությունից: Հայաստանն, ասում է Գորկին,— խոշոր ապագա ունեցող երկիր է: Շատ օգտակար հանածոներ ունի, որոնց վրա այժմ լուրջ ուշադրություն են դարձրել: Հայաստանի ժողովուրդը թողնում է եռանդուն ժողովրդի տպավորություն, որն անկասկած գիտե ինչ է անում, գիտե ինչ խնդիրներ նա պետք է լուծի»: Ադրբեջանում Գորկու ուշադրությունը գրավում է տարբեր ազգերի հատկապես հայերի ու ադրբեջանցիների ջերմ եղբայրությունը և այն հաղթական շինարարությունը, որ ծավալվում է այնտեղ: «Բազուն, գրում է Գորկին,— բանվորների պետության կառուցման պրոցեսի հաջողության, նոր կուլտուրայի ստեղծման անկասկածելի և հիանալի տպացույցն է,— այսպես է իմ

տպալորությունը»: Հետաքրքիր է Գորկու վերաբերմունքը նաև դեպի Դաղստանը, լեռների այդ երկիրը, որը, ինչպես Սուլեյման Ստալսկին է գրել Մաքսիմ Գորկուն, Սովետական Իշխանության օրոք դարձել է՝ «ժպտուն այգիների, կենսութախ կոլխոզների և խելոք ու առողջ պատանիների երկիր»: Գորկին Ստալսկուն խորհուրդ էր տալիս հավաքական ուժերով գրել մի գիրք Դաղստանի պատմության մասին, որի մեջ «արտահայտել ցարական միապետության դեմ, Թերեքի նահանգի թալանչի վաճառականների ու կուլակների դեմ լեռնականների մղած երկարատև արյունալից պայքարի պատկերները: Դաղստանի այդ մարտական պայքարը պետք է գրի առնվի, բայց ինձ թվում է, որ լավ կլինի, եթե նրա մասին գրեն իրենք՝ լեռնականները: Հավանաբար Դաղստանում ձերուներների, հին մարդկանց հիշողությունների մեջ սլահպանվել են մարտական երգեր, պատմվածքներ, լեգենդներ, — ահա թե ինչը պետք է կազմի ձեր երկրի պատմության հիմքը»:

Գորկին բազմաթիվ թելերով կապված էր Կովկասի ժողովուրդների հետ. նրանց ունուցիոն պայքարի ու հաղթանակների հետ: Մեծ արվեստագետը և ունուցիոն մարտիկն ու սոցիալիստական երկրի բոցաշունչ հայրենասերը կովկասյան ժողովուրդների բարեկամն էր: Նրա պայծառ հիշատակը միշտ վառ կմնա կովկասյան ժողովուրդների, նրանց արվեստագետների սրտերում, որոնց կուլտուրայի ծաղկման ու գրականության մասսայականացման համար այնքան շատ բան է կատարել Ալեքսեյ Մաքսիմովիչը:

XI

Մաքսիմ Գորկու մարտական գրական տրագիգիաները Կովկասի նկատմամբ իր խոր արձագանքը գտավ սովետական էպոսայի մեծ պոետ Մայակովսկու, և մյուս պոետների ստեղծագործությունների մեջ: Մայակովսկու գրվածքներում քիչ տեղ չեն գրավում Կովկասի լեռնոնտովյան մոտիվ-

ների ռեալիստական պատկերումը: Հիշենք նրա «Թամարան
և Կեը», «Սևաստոպոլ-Յալտա» և «Կլադիկավկադ-Թիֆլիս»
բանաստեղծությունները:

Եթե առաջին երկու դրվածքներում լերմոնտովյան մո-
տիվներն ստանում են ռեալիստական մեկնաբանություն և
ռոմանտիկական հերոսները Թամարան ու Կեը հանդես են
դալիս իրական աշխարհային հակամենքով, ապա վերջին
բանաստեղծության մեջ նա ոչ առանց յուսորի հիշում է
Կովկասում անցկացրած մանկական տարիները և իրեն հա-
մարում է նոր սովետական տիպի վրացի: Այս բոլորը հար-
ցի մի կողմն է միայն: Մյուս, ավելի կարևորը՝ դա Կովկա-
սի գորկիական ըմբռնումն է և դրսևորումը: Մայակովսկին
Կովկասի համար հարազատ մարդ էր. չէ որ չքնաղ վրաս-
տանք նրա ծննդավայրն է եղել: Նա չի սահմանափակվել
միայն մանկական տպավորություններով, հաճախ է այցե-
լիլ Կովկաս, ուսումնասիրել է նրա ռևոլուցիոն պայքարը և
սոցիալիստական շինարարության հաղթանակները: Կովկա-
սը սովետական մեծ պոետի ստեղծագործությունների մեջ
մարմնանում է որպես ռևոլուցիոն պայքարի և սոցիալիս-
տական հաղթական շինարարության մի կարևոր կենտրոն:
Այս տեսակետից հատկապես բնորոշ է նրա կրակոտ բա-
նաստեղծությունը «26-ի գործի մասին»: Բազմի կոմունար-
ները ներկայացված են որպես կովկասյան ժողովուրդների
ռևոլուցիոն զարթոնքի և հաղթանակների արտահայտիչներ:
Մայակովսկու փայլուն բանաստեղծության մեջ նրանց հա-
վաքական կերպարը կերտված է Հոկտեմբերյան Սոցիալիս-
տական մեծ ռևոլուցիայի ընդհանուր ֆոնի վրա:—

Ամպրոպը

Աճում էր օրեց-օր,

Պալատի պատուհանները

Թափվում էին շառաչումով:

Եվ առաջին արևելքում

Ազդրեջանը կանգնեց

Հոկտեմբերյան

Բարիկադների վրա:

Պայքարի թմբուկով

Հասավ

Կամքը

Դարերով մոռացված լեռնցիներին,

Եվ նավթային արդյունաբերության ներքին
խավերին:

Միլիոնների ուժը

Ապստամբությամբ էր խփում.

Բայց նրանց,

Ով կարողանում էր վարել,

Պայքարում կոփվածները—

Դրանք կազմում էին 26:

Կովկասյան լեռներում

Կովկասյան տափաստաններում,

Աշխատանքային բեռ կրողներ,—

Չեզանից

Ով ծանոթ չէ Ստեփանին,

Ով չգիտի Ալյոշային:

Նրանց ձայնը—

Բանվորական ներքին խավի

ձայնն է.

Նրանց խոսքը—

Միլիոնների խոսքը:

26 կոմունարները կովկասյան ժողովուրդների եղբայրության ու համատեղ պայքարի կենդանի խորհրդանշանն են հանդիսանում, նրանց ինտերնացիոնալիստական ոգու մարմնացումը: Դավաճանությունը նրանց դրոշին՝ սրբապղծություն է: Ստալինյան բարեկամությամբ զոդված Կովկասի ժողովուրդները միշտ բարձր կպահեն արյունով օծված Բազմի կոմունարների մարտական դրոշը, հավատարիմ կրման նրանց եղբայրական գերեզմանին և սրբությամբ

կպահպանեն նրանց ունեւորչի տնայնացիները ամենամեծ փորձութիւններէ ժամանակ, ինչպէս այդ նրանք պահպանեցին հայրենական մեծ պատերազմի ահեղ օրերին:

Սովետական մշուս պոետներէց Կովկասը կարևոր տեղ է գրավում ն. Տիխոնովի ստեղծագործութիւններէ մեջ: Այս տեսակետէց նա հանդիսանում է ուսական կլասիկ պոետ-դիպլոմատ լավագույն տրադիցիայի շարունակողը մեր օրերում: Բորիս Պաստերնակը նույնպէս ունի Կովկասին նվիրված առանձին լիբրական բանաստեղծութիւններ (Դեմոն և այլն): Բայց դրանք լերմոնտովյան մոտիվներէ առանձին կողմերէ արձագանքն են: Կովկասը նրան հետաքրքրում է զուտ էսթետիկական, բնութիւն գեղեցկութեան պատկերման տեսակետէց: Պաստերնակի բանաստեղծութիւններէ նրբութիւնն ու վարպետութիւնը ինչպէս և սերը դեպի Կովկասը կասկածից դուրս է: Բայց նրա մոտ լերմոնտովի խոովահույզ տրամադրութիւններն ու պայքարի տենչը չենք զգում: Այլ բնույթ ունեն Տիխոնովի բանաստեղծութիւնները: 1924 թ. նա եղել է Կովկասում, ծառայել է Հայաստանի սահմանապահ զորքերում և մոտիկից ուսումնասիրել է Կովկասը նրա ժողովուրդներէ առօրյան՝ սովետական տարիներին: Այդ ուսումնասիրութիւններէ արդյունքն է հանդիսացել Հայաստանին ու Վրաստանին նվիրված պոեմներն ու բանաստեղծութիւնները, որոնց մեջ նկարագրված է այնտեղ կատարվող շինարարութիւնը և սովետական կյանքը: «Ճանապարհ» պոեմում յուրահատուկ ձևով տրված է էլեկտրոկայանի շինարարութիւնը՝ Վրաստանում: Իսկ «Կարմիրները Արաքսում» պոեմի մեջ հեղինակը պատկերում է սովետական սահմանապահների կյանքը Հայաստանում, հայ ժողովրդի շրջանում: Երկու պոեմն էլ գրված են 1924 թ.: Հետագայում Տիխոնովը ստեղծեց Կախեթիայի մասին փայլուն բանաստեղծութիւններէ մի շարք: Այստեղ պոետական վարպետութեամբ ու ռեալիստական պատկերներով պատմում է կովկասյան ժողովուրդներէ ունեւորչի տնայնացիները:

պայքարի մասին: Հիշում է այն մարտական շրջանը, երբ
Կիրովը ազատագրում էր Կովկասը թշնամիներից:

Գրողների պես շողացին քեզնով
Օսական երկրի ձյուները, Կիրով,—
Երբ էսկադրոններն ուժգին թափ առած,
Այդ ձյուներն էին ճեղքում սրընթաց:

Իսկ մյուս բանաստեղծությունների մեջ («Ցինանդալի»,
«Գիշերային խնջույք Ալավերդում», «Սղնախի աշտարակնե-
րը» և այլն), պոետը կենդանի ռեալիստական պատկերնե-
րով տալիս է սոցիալիստական շինարարության և ուրախ
կյանքի նկարագիրը: Տեղի ազգաբնակչության կենցաղն ու
առանձին տիպեր ցայտուն արտահայտություն են ստացել
սովետական ուս պոետի գրչի տակ: Ինչպես ուս նշանա-
վոր գրողները, ինչպես Գորկին ու Մայակովսկին, Տիխոնով-
ը նույնպես կապված է Կովկասի հետ, ոգևորություն է
փնտռում նրա լեռներում: Նա սիրում է այդ երկրի զավակ-
ներին և այն եռացող ստեղծագործական կյանքը, որ հիմ-
նահատակ խորտակում է հին կենցաղը, արևելյան անշար-
ժությունն ու ծուլությունը և Կովկասը դարձնում է նոր կյան-
քի, սոցիալիստական եռացող կյանքի անխորտակելի մի
ամրոց: Այս տեսակետից որքա՞ն բնորոշ է Տիխոնովի «Հա-
յաստան» գողտրիկ բանաստեղծությունը: Նրա յուրաքան-
չուր սողից ցայտում է ուս պոետի սիրո անկեղծ զգաց-
մունքները Սովետական Հայաստանի նկատմամբ, որը Վա-
հան Գրիգորյանի հաջող թարգմանությամբ հնչում է այս-
պես:

Լեռների վրա և ձորերում խոր,
Տարածվել է նա՝ խոյացել է վեր,
Ինչպես մի ոսկե հուրհրան խնձոր՝
Գեղատեսիլ մեր Հայաստանը վեհ:

Փռլած է ընդեմ Արարատների
 Եվ Արադածի դեմ ամպակուտակ,
 Կարծես ժրաշան նա մի բույր լինի,
 Իսկ աշխատանքը՝ եղբայր երկվորյակի
 Եվ Գիլիշանի անտառներին զով,
 Զանգեզուրին, որ ունի հանքահոր,
 Եվ Զորագէտին՝ լույսերի հորդ ծով,
 Տիրում է պայծառ օրը յուզավոր:
 Կանգնած է ընդդեմ ասիականության,
 Ուր ծուլությունն է բռնորին տիրում,
 Հանց անառիկ բերդ ջանասիրության,
 Այդ Հայաստանն է ուրախ ու ժպտուն:

Մայակովսկու, Տիխոնովի: Ինչպես և մյուս սովետա-
 կան պոետների մոտ բացակայում են Կովկասի վերացական
 ոտմանտիկական պատկերները: Կովկասը նրանց գրվածքնե-
 րում հանդես է գալիս իրական և հաղթական գծերով:

XII

Ավարտելով Կովկասին նվիրված ուսական գրականու-
 թյան հիմնական երկերի բնութագիրը՝ կարելի է այդ բոլորը
 ամփոփել ու ընդհանուր եզրակացություններ հանել:

Կովկասը ուս գրականության զարգացման գործում
 կարևոր դեր է խաղացել: Այդ երկիրը ուս գրականության
 համար եղել է ոչ թե սոսկ ոտմանտիկական հիացմունքի
 առարկա, այլ մի կարևոր թեմա, որի միջոցով նա արծարծել
 է իր ժամանակի հուզող հարցերը, ժողովուրդների փոխհա-
 րաբերության ու համակեցության կենսական խնդիրները: Ի
 պատիվ ուս գրողների և գրականության պետք է նշել, որ
 նա իր հիմնական մասով առողջ ու առաջադիմական դիրք է
 գրավել այդ հարցում: Ռուս գրականությունը անողոր քըն-
 նադատության է ենթարկել ցարիզմի նվաճողական պլան-
 ները և աղգերի մեջ փոխադարձ թշնամություն հրահրելու

Եւսկիցիոնն քաղաքականութիւննը: Այդ գրականութիւնը մի
 կարևոր վիպութիւնն է նախ այն մասին, որ կովկասյան բազ-
 մազգ ժողովուրդների միջև եղել է սերտ բարեկամութիւն,
 հակառակ ցարիզմի կողմից հրահրւող ազգային անվստա-
 հութեան և այդ բարեկամութիւնը այսօր սովետական կար-
 գերում դարձել է մարտական ու անխորտակելի: Երկրորդ,
 որ կովկասյան ժողովուրդների և ռուս ժողովրդի բարեկա-
 մութիւնը պատմական ու դրական փաստ է: Բելինսկու այն
 կարծիքը, թե Պուշկինը սրբագործեց Կովկասի գործնակա-
 նորեն գոյութիւն ունեցող հարազատութիւնը՝ Ռուսաստանի
 հետ, խոր ճշմարտութիւնն է և այն կարող է վերաբերվել
 այն ամբողջ գրականութեանը, որ նվիրված է Կովկասին:
 Ռուս գրականութիւնը դեպի Կովկասն ունեցած իր սիրով ու
 համակրանքով հաստատում է նշանավոր քննադատի այդ
 կարծիքը: Մարդ հիշում է Լերմոնտովի սրտառուչ տողե-
 րը.—

Իմ հայրենյաց քաղցրակարկաչ երգի պես
 Սիրում եմ ես Կովկասը:

Այս տողերում արտահայտված է ռուս մեծ ժողովրդի
 վերաբերմունքը: Իրօր Կովկասը ռուս գրականութեան ու
 ժողովրդի համար հարազատ է, ինչպես հայրենի ստեպների
 երգը և հանդիսանում է նրա տաղանդների «պոետական
 հայրենիքը»: Կովկասը ռուս գրականութեանը գրավել է իր
 ժողովուրդների ռազմաշունչ բնույթով ու անցյալի հերոսի-
 կայով, դեպի ազատութիւնն ունեցած իրենց բոցավառ սի-
 րով: Ինչպես ճիշտ նկատում է Իլյա Էրենբուրգը՝ «Ռուսա-
 կան պոեզիայի սիրը դեպի Կովկասը—դա ազատութեան
 սեր է: Կովկասի ժայռերի և մարդկանց մեջ ռուսական ա-
 ռաջին ուսմանտիկները մոլեգնութիւն էին որոնում: Կովկա-
 սի կրծքին էին հպվում, որպես ոգեշնչման աղբյուրի, Պուշ-
 կինն ու Լերմոնտովը, Մայակովսկին ու Տիխոնովը: Կովկա-

սը նրանց համար ոչ թե դեկորացիա էր, ոչ թե պելլագած, այլ անվեհերութեան և անհաշտութեան դպրոց»:

Կովկասի ժողովուրդների հերոսական դժերը դրսևորելով հանդերձ ռուս գրականութեանը, սակայն, չի սահմանափակվել դրանով: Մշակելով կովկասյան թեմատիկան, ռուս գրողները միաժամանակ հանդես են բերել շերմ հայրենասիրութեան, կերտել են ռուս զինվորների հերոսական դիմքեր, որոնք դաժան մարտերում փառք են նվաճել ռուսական զինքի համար: Նրանք չեն համակրել, այլ ուժեղ քննադատութեան են ենթարկել ցարիզմի բռնի քաղաքականութեանը, բայց Կովկասի նվաճումը և այն ռուսական կայսրութեանը միացնելը ունեցավ օբեկտիվորեն դրական նշանակութեան նրա ժողովուրդների համար, Ռուսաստանի ռազմական հզորութեան ամրացման համար: Դա էլ հենց ազգային հպարտութեամբ է լցրել շատ ռուս գրողների սրտերը: Բայց նրանց հայրենասիրութեանը նեղ ազգայնական բնույթ չի կրել և չի հակադրվել ժողովուրդների բարեկամութեան ու համատեղ գործունեության սկզբունքին: Ընդհակառակը, ժողովուրդների բարեկամութեանը հղել է և մնում է ռուս առաջավոր գրականութեան փայլալայած գաղափարը, նրա վեհութեան փայլուն արտահայտութեանը. դա ցայտուն կերպով երևում է Կովկասին նվիրված գեղարվեստական երկերից:

Կովկասը վաղուց արդեն հարազատ է դարձել ռուս գրականութեան և այդ գրականութեան հիման վրա դաստիարակված ընթերցողների համար, յուրաքանչյուր ռուս մարդու համար: Եվ այդ սերն ու հարազատութեանը որոշակի պարզութեամբ դրսևորվել է Կովկասի հերոսական պաշտպանութեան ժամանակ, որին մասնակցում էին առուսներն ու ուկրաինացիները, բելոռուսներն ու ուզբեկները: Իր հպարտութեան, Կովկասի համար մարծնչում է ամբողջ Ռուսաստանը»:

Ժողովուրդների այս եղբայրական դաշինքի և մարտա-

կան բարեկամութեան մեջ է մարմնացած սովետական կարգերի ուժը, նրա հզորութիւնն ու անխորտակելիութիւնը:

Սովետական իշխանութեան ժամանակ Կովկասն արմատապես փոխեց իր դեմքը. սրա ժողովուրդներն ապրեցին ազգային վերածնունդ, տնտեսական ու կուլտուրական աննախընթաց վերելք: Կովկասյան ժողովուրդները Սովետական Միութեան եղբայրական ընտանիքում գրավելով իրենց պատվավոր տեղը, Ստալինյան Կոնստիտուցիայի արևի տակ կառուցեցին իրենց ազատ ու երջանիկ կյանքը: Կովկասի հպարտ և ազատասեր ժողովուրդները Սովետական Միութեան մյուս ժողովուրդների հետ միասին, ռուս մեծ ժողովրդի գլխավորութեամբ միահամուռ ուժերով ու հերոսաբար պայքարում էին այդ կյանքի համար՝ գերմանական հափըշտակիչների դեմ: Այդ հերոսական պայքարը խոր արձագանք է դնում սովետական գրականութեան մեջ, գրականութիւն, որը շարունակում ու զարգացնում է ռուս կլասիկ գրականութեան լավագույն տրադիցիաները՝ Կովկասի նկատմամբ. սովետական գրականութիւնը շերտ պատկերներով ու անկեղծ զգացմունքներով փառաբանում է ժողովուրդների ստալինյան բարեկամութիւնը, որպես անհաղթելի զենք, և գովերգում է հարազատ հերոսական Կովկասը:

Այս ծանր տարում, այս ահեղ օրը մենք ձեզ, ընկերներ, Նամակ ենք գրում, մեր սրտից հիմա գրում ենք նրանց, Ովքեր եղել են Դոնի, Կուբանի անահ զավակներ, Ում որ Կովկասը տվել է արծաթի արշուն ու հայացք:

Մեր թշնամիներն անցան Կուբանի արձակ դաշտերով, Ուր բարձրացել է, հասակ է առել բերքը լիովին:

Դեպի Կովկաս են խցկվում նրանք ազահ զնդերով, Ուր ամեն շշուկ և ծանոթ է մեզ, և մոտ մեր սրտին, Ուր ճամբաների ամեն մի քարը սիրելի է մեզ,


Ուր կովկասցու հետ բարեկամութեան երգեր ենք երգել, Եվ որ նրա հետ մենք եղբայրութեան բաժակն ենք խմել:

(Ս. Սաֆրոնով—Նամակ դեպի հարավ», «Պրավդա», 15 սեպտեմբերի 1942 թ., թարգմ. Հ. Մաղմանյան):

Կովկասը՝ լեռնային այդ արքայութիւնը, որն այնքան
ոգեշնչված սիրով գովերգվել է ուսւ գրականութեան մեջ, և
որի հոյակապ ու հերոսական կերպարն ոգևորում էր սովե-
տական հայրենասերներին իրենց արդար կովում,— այդ
լեռնային արքայութիւնն անմատչելի դարձավ գերմանա-
կան արյունարբու հորդաներին: Իրագործվեց այն, ինչ ասել
էր իր ժամանակին Սերգեյ Միրոնովիչ Կիրովը Կովկասի
հերոսականութեան մասին. «Մենք պետք է ասենք,— նշում է
Կիրովը,— որ ոչ միայն գեղեցկութիւն է թաղնված Կովկա-
սի լեռներում, այլև հպարտ ժայռերի այդ շղթան կհանդի-
սանա այն հզոր պատվարը, որին դիպչելով կշախտախվեն
ոնակցիայի բոլոր ուժերը»:

Ով ընթերցել է Պուշկինի և Լերմոնտովի Կովկասին
նվիրված ստեղծագործութիւնները,— ա չի կարող չսիրել
այդ երկիրը և ծանր օրերին չկանգնել նրա ազատութեան
պաշտպանների դիրքերում:

Ռուսական գրականութիւնը Սովետական Միութեան
բազմամիլիոն ընթերցողներին դաստիարակել է և դաս-
տիարակում է սիրո և նվիրվածութեան ոգով հպարտ և հե-
րոսական Կովկասի նկատմամբ: Իր այդ հատկութեամբ ուս
գրականութիւնն ունեցել է ակտիվ մասնակցութիւն նրա
հերոսական պաշտպանութեանը: Եվ դա ուս ժողովրդի
պանծալի գրականութեան խոշորագույն ծառայութիւննե-
րից է, ժողովուրդ, որը բոլշևիկյան պարտիայի ղեկավարու-
թեամբ և մեծ Ստալինի առաջնորդութեամբ հերոսաբար
գլխավորեց Սովետական Միութեան ժողովուրդների
ազատագրական պատերազմը ընդդեմ ֆաշիստական ավա-
զակների և իր տիրանական պայքարով ու ստեղծագործա-
կան հանճարով լուսավորում է աշխարհի բոլոր ժողովուրդ-
ների համար ազատ և երջանիկ կյանքի ուղին:



ԳԱԱ Հիմնարար Գիտ. Գրադ.



220026240

9+20 5 m.

A $\frac{\text{II}}{26240}$

367/41



9425 5 00.

A $\frac{11}{26240}$

317/41